

روايات رومانسية تأملات قلب

الشمس

بقلم

shimoo

غلاف **dema**

المشوه

Shimoo

حكاوي الكتب للنشر الالكتروني

www.hakawelkotob.com

مكاوي الكتب

التصميم الداخلي: فاطمة الزهراء

المشوه

قاسي كثيرا في حياته وقابله عقبات وعثرات ولكنه
تحمل
كرهه والداه وقاسي الامرين واصيب بحادثه غيرت مجري
حياته واصبح مشوه
لقبوه بالمسخ وتعاش مع لقيه والامه واغلق علي قلبه
ونسي ان له قلب اصلا ينبض
وبعد ان رضي بقدره وتقبله يهاجمه الحب ويدق بابه
فهل يفتح قلبه ام انه مسخ فعلا وليس له حق ان يحب!!!!!!

الحلقه الاولى

ابطال القصة

ادهم: ظابط مخبرات كفؤ جدا. مالوش اصحاب منعزل عن

الجميع

ليلى: مدرسه جميله جدا. رافضه الارتباط باي حد عادي.

عايزه حد مميز يزلزل كيائها كله

الباقى هنتعرف عليهم مع احداث القصة .

بدات الحكايه باستدعاء للمقدم ادهم عند مديره

المدير: اتفضل يا سيادة المقدم

ادهم: أوامرني

المدير: الامر لله وحده يا ابني. عايزك في مهمه جديده

ادهم: حدد الزمان والمكان والمطلوب مني

المدير: مش تسأل الاول طبيعه المهمه ايه؟ مش يمكن ما

تعجبكش؟؟

ادهم: وانا من امتي بتفرق معايا طبيعه المهمه؟ مهما كانت

موافق عليها

المدير: شوف يا سيدي. في بلد صغيره بعيده شويتين

وهاديه جدا بس المشكله ان في عصابه جديده استولت
علي البلد

ادهم: والبوليس مش عارف يتعامل معاهم؟؟

المدير: البوليس مش عارف مكانهم هما بينزلوا يضربو
ضربتهم ويختفو تماما. ده غير انهم مسلحين ومحدث
بيعرف هيهجمو امتي

ادهم: وضرباتهم بتكون عباره عن ايه؟ وفي بلد هاديه
صغيره زي الي حضرتك وصفتها مش هيكون فيها اي
مكاسب ليهم

المدير: اختيارهم للبلد كان علشان يختفو فيها مش
علشان الشغل، هما بيشتغلو في التهريب مخدرات سلاح اثار
اي حاجه. اما اهل البلد بيستافدو منهم في الاكل والبنات
ادهم: البنات؟؟ ازاي يعني؟؟

المدير: كل فتره كده رئيسهم بيشتاق للستات فينزلو
يخطفو بنت والمشكله بقي انه بيخطف البنات بس. ديما
بيختار بنات عذراوات ويرجعهم تاني بعد ما يتناوب عليها
هو ورجالته وطبعا ده بيدمر البنت او بيقتلها ويدمر عيلتها
كلها

ادهم: واهل البلد ازاي بيسمحوا بده؟

المدير: اهل البلد غلابه وتحت تهديد السلاح في الآخر
بيستسلموا

ادهم: فهمت كده. المفروض اسافر امتي؟

المدير: في اقرب وقت ياريت

ادهم: النهارده لو تحب

المدير: خلاص جهاز نفسك بحيث تتحرك بكره وهناك

هيستقبالك اهل البلد والمسؤولين من البوليس بحيث
يفهموك الوضع هيكون ازاي ويدوك القضية كامله.

اتوكل علي الله

اتحرك ادهم لمهمته الجديده وهو معندوش اي فكره ان

حياته كلها هتتوقف علي مهمته الجديده

في البلد

اهل البلد متجمعين ومستنين الامل الجديد اللي هيخلصهم

من الكابوس اللي عايشين فيه

مدير الشرطه: المفروض انه علي وصول

واحد من كبار البلد (عم محمود): بس واحد هيعمل ايه

يعني؟ المفروض كانوا بعثوا فريق ولا كتبه لكن

واحد؟؟

مدير الشرطة: الي اعرفه عن الي باعتينه ان هو بيمثل
كتيبه كامله لوحده وهو من اكفأ الضباط هو لوحده
كفايه

عمده البلد: يارب يوصل ويخلصنا من المصيبة دي .
مدير الشرطة: هيوصل ان شاءالله
اهل البلد متجمعين في ساحه كبيره مستنين وصوله وفجأة
ظهرت عربيه من بعيد بتقرب عليهم
مدير الشرطة: اهو وصل اهو في معاده بالتمام
قربت العربيه ووقفت واتفتح بابها ونزل صاحبها منه
طويل عريض قوي ظابط بكل معني الكلمه
بس الكل اتصدم اول ما شافوه وتنحوا
عمده البلد: اعوذ بالله من الشيطان الرجيم
عم محمود: سلام قولاً من رب رحيم
مدير الشرطة فاتح بوقه ومنطقش
وبعد لحظات من الصمت والخوف والرهبه من الزائر الجديد.
نطق الزائر

انا المقدم ادهم صبري عبد السلام

مدير الشرطة: اه لا ب حض رتك

مكنش عارف يتكلم وبيتهته

ادهم: اهلا بحضرتك

عم محمود لمدير الشرطة: مشيه وكلهم بيعتوا غيره
مدير الشرطة: هو احنا بنقي ولا ايه وبعدين ده اكفا
ظابط

عم محمود: اكفا ايه؟ دول بس كانوا عايزين يخلصوا من
شكله فبعته هنا

انت مش شايف شكله ايه؟

طبعا كل الحوار ده كان بصوت واطي بس كله كان
ادهم سامعه وساكت ومش فارق معاه او يمكن يكون
اتعود علي رفض الناس لشكله او يمكن يكون بطل
يحبس باي الم من اي نوع ومفيش شئ بيوجهه ولا كلام
الناس ولا نظراتهم لشكله المشوه....

ادهم شكله مشوه جدا

ادهم بهدوء: لو حضراتك خلصتوا كلامكم ممكن
نتكلم في المهم او لو مستغنين عن خدماتي انا عادي
همشي وهتبقوا ريحتوني؟؟

مدير الشرطة: لا مستغنين ايه ده احنا مصدقنا انهم اخيرا
عبرونا وبعثولنا حد

عم محمود: والله لو مكنوش عبرونا كان هيبقي احسن

ادهم: شكلي مش عاجبك؟ معلىش استحملة
واهي فتره وهتعدى واوعدك اول ما اخلص مهمتي هنا مش
هتشوفه تاني

عم محمود دور وشه بعيد وكل ملامحه قرف من شكل
الظابط

هنا في صوت اتكلم

::بابا اتفضلو الشاي اهو

قربت وحطت صينية الشاي علي التريزه في النص وهنا
شافت الظابط ادهم

::اهلا بيك في بلدنا يارب البلد تعجبك ويارب تقدر

تخلصنا من الكابوس الي احنا عايشين فيه
ادهم باستغراب انها بتكلمه عادي: ان شاءالله
البنات: انا اسمي ليلى مدرسه هنا وحضرتك

ادهم: مقدم ادهم

هنا ابوها اتكلم

عم محمود: يالا يا ليلى شوفي وراكي ايه

ليلى: بعد اذنكم

مدير الشرطه: الصبح ان شاءالله هبعثلك حد يجيبك
القسم عندنا وهوريك ملف القضية كامل اما دلوقتي

فاكيد حضرتك تعبان من الطريق ومحتاج للراحه احنا
كنا جهزنا لحضرتك مكان عند

هنا قاطعه العمده لانه معندوش استعداد حاليا يستقبل
مسخ في بيته

العمده: احنا لسه بندور علي مكان مناسب

ادهم ابتسم لانه فاهم اللي حواليه

ادهم: متشغلوش بالكم بمكان اقامتي كلها ساعه

بالكتير ومكاني هيوصل

المدير: يعني ايه يوصل؟؟

ادهم: يعني انا هقعد في كرفان (مقطوره كبيره مجهزه

للعيشه فيها) وزمانها علي وصول

المدير: بس يا سياده المقدم

ادهم: ما بسش انا هكون مرتاح فيها بعد اذنكم

هتمشي شويه

عم محمود: بس خلي بالك في عيال صغيره في الشوارع

ادهم: عيال صغيره؟؟؟

عم محمود: هيخافو منك

ادهم بمرار: مش همشي في وسط البلد انا عايز اشوف

حدودها متخفش علي العيال الصغيره

سابهم وانسحب بهدوء

واول ما بعد أصواتهم كلها عليت

عم محمود: لا استحالہ ازاي هنستحمله هنا

العمده: لا وحضرته عايزني استقبله في بيتي؟؟ ده شيطان

استقبل شيطان انا؟؟؟

عم محمود: الراجل ده لازم يمشي من هنا

مدير الشرطة: همشيه حالا بس هاتولي بديل ليه!!! واللّه

معروف عنه انه عمره ما فشل في اي مهمه

عم محمود: ويفشل ازاي؟ هو بس يطل بوشه ده والي قدامه

هيفتكره جن ولا شيطان هيستسلم علي طول

كل ده ادهم كان سامعه فبص للارض ورفع الزنط بتاع

الجاكت بتاعه غطي راسه. في طريقه

هو اتعود علي كل الصفات دي

مسخ. مشوه. جن. شيطان وكل الصفات السيئه اتوصفتله

الكل بيحكم عليه من شكله

محدث ابدأ حاول يعرفه كانسان علشان كده هو عزل

نفسه عن الكل مش ذنبه انه اتشوه في حادثه غيرت

حياته من وهو عنده 14 سنه مش ذنبه ان ابوه كان

بيكرهه وماصدق الحادثه حصلت فطرده من بيته. مش

ذنبه ابد ا انه مسخ كده. مش ذنبه ان عمره ما حس بحب او
 حنيه من اي حد حتي امه محبتوش ولما ابوه طرده ما
 دافعتش عن ابنها

عائش لوحده وتقبل عيشته دي وتقبل شكله ووحدته
 وراضي بيها وبيساعد عن طريق شغله اي حد ضعيف او
 محتاج لمساعدته لانه في يوم احتاج مساعدته بس ما لقيش

حد جنبه

الحلقه الثانيه

ادهم وهو بيتمشي وصل لمكان فاضي كده كله شجر
 وبس لاحظ ان البلد متحاوطه كلها بالشجر والنخيل اللي

كانت مشهوره بيه

وكالها جنابن وغيطان الفلاحين

والبلد في النص بالظبط قعد وسرح وافتكرو الحادته اللي
 غيرت حياته او مغيرتهاش لانه حتي قبل الحادته مكنش
 محبوب في بيته

ورجع لذكرياته ل 17 سنه لورا (عمره حاليا 32 سنه

والحادته حصلت وهو عنده 15 سنه)

من 17 سنه

في اجازة الصيف وادهم لوحده في اوضته اللي مش
مسموحه يخرج منها غير في اضيق الظروف وفي اخر الليل
بالتحديد

دخل ابوه متترفز عليه

الاب حسين: طبعا سيادتك هنا نايم واخوك احمد بره
والله اعلم جرائه ايه؟؟

ادهم: هو علي طول بيسهر مع اصحابه لوقت متأخر بره
حسين: انت كمان بترد عليا؟ قوم فز من مكانك وانزل
دور عليه ومرتجعش البيت من غيره اتفضل

ادهم قام ونزل وهو عارف ان اخوه سهران في نايث كلب مع
اصحابه وزمانه سكران ومش حاسس بالوقت بس طبعا هو
ما يقدرش يقول لابوه أي شيء لانه ما بيصدقش اي شيء

عن ابنه المبجل

راحله ادهم وفعلا لقاها سكران وسنده ووصله لحد عربيته
وطلب من اخوه احمد انه يسمحله يسوق العربيه هو او

يروحو بتاكسي لانه سكران

ادهم: احمد هات المفاتيح وانا اسوق

احمد: واخيرا الفرصه جاتلك تسوق عربيتي صح؟ بس ده

بعدك

كان بيتكلم وهو بيطوح

ادهم: انت سكران ومش هتعرف تسوق لو سمحت يا احمد

طب بلاش تعال نركب تاكسي

احمد: انا هسوق ولو مش عاجبك روح انت مشي

ادهم: علشان ابوك يقول سيبت اخوك اركب وربنا

يستر

ساق احمد بسرعه مجنونه وادهم جمبه بيحاول يخليه

يهدى بس احمد كان مجنون ومش حاسس بحاجه

خاف ادهم على اخوه وفك حزامه علشان يعرف يوصل

لحزام اخوه علشان يربطه ولبطوله الحزام بس للأسف

ملحقتش يربط حزامه تاني لان في اللحظه دي احمد فقد

السيطره علي العربيه والعربيه لفت بيهم وخبطت في

عربيه نقل محمله الواح زجاج

وطبعا لان ادهم مش رابط حزامه فطار من العربيه من

زجاجها القداماني اللي اتكسر ولبس في العربيه النقل

ونزل وسط الزجاج اللي اتكسر كله حواليه وفوقه من

الحادثه

الناس وقفت وحاولو يطلعو احمد من العربيه لانها كانت

بدات تولع وفعلا طلعوه وراحو لادهم كان القزاز مغطيه
 كله وتقريبا بينزف من كل حته حاولو يشدو بس كل ما
 بيحركوه القزاز بيدخل في جسمه اكترولو سابوه
 العربيتين لو واحده انفجرت الثانيه هتنفجر
 فشدوه وطلعوه والقزاز في كل حته في جسمه واخيرا
 نقلوهم المستشفى

وهناك اتصلوا باهلهم
 حسين اخذ مراته حنان وراحو للمستشفى
 وطلعوا للدكتور

حسين: طمني ابني اخباره ايه؟
 الدكتور: هما اتنين مش واحد بس واحد فيهم حالته
 كويسه لانه كان رابط الحزام فيدوب خبطه بسيطه
 وضع او اتنين مكسورين اما الثاني هو اللي حالته صعبه
 لانه خرج بره العربيه ومن سوء حظه انه نزل في عربيه
 قزاز فده سببله جروح كتيره والمشكله الجروح اللي في
 وشه

اخذهم الدكتور عند ادهم لان حالته الخطيره واول ما
 شافوه

الاب: ده اللي حالته خطيره؟

الدكتور: ايوه الكبير حالته زي ما قلتك كويس
 الاب: ده مش مهم ولو مات يريح انا عايز اشوف ابني الثاني
 الدكتور: بس ده اللي محتاجكم جنبه حاليا
 الاب: وانا بقولك عايز اشوف ابني
 الدكتور: اتفضل من هنا وخرج قدامهم
 وقبل ما الاب يمشي وطى علي ادهم اللي كان سامع كل

كلمه

الاب: كده هتبقى مشوه علشان يبغي اللي جواك شبه اللي
 براك مشوه من جوه وبره
 وبكده عمر ما حد هيحبك ابدًا وهتفضل علي طول
 مكروه

سابه وخرج وراح لابنه حبيبته
 ادهم بص ناحيه امه نظره غريق بيتعلق بقشه
 نفسه تكلمه ولو حتي مره

امه كانت بطلت تكلمه من وهو عنده عشر سنين منعت
 الكلام معاه نهائي حتي لو كلمها مش بتد علي
 بصاها ونفسه يسمع صوتها تقوله اي كلمه
 وفعلا قربت عليه ووطت علي ودنه وهمست
 امه حنان: موت بقي

غمض عينه بعد خمس سنين صمت هيا دي كلمتها ليه

ياتري ايه سر ابوه وكرهه ليه؟

وليه امه ما اتمسكتش بيه؟

ايه اللي وصله انه من عيل في الشارع لظابط مخبرات علي

اعلي مستوي؟

هل المشوه من حقه يحب ولا؟؟

بكره نعرف الاجابه علي كل الاسئلة دي



الحلقة الثانية

امه كانت بطلت تكلمه من وهو عنده عشر سنين منعت
الكلام معاه نهائي حتي لو كلمها مش بترد عليه
بصلها ونفسه يسمع صوتها تقوله اي كلمه
وفعلا قربت عليه ووطت علي ودنه وهمست
امه حنان: موت بقي

غمض عينه بعد خمس سنين صمت هيا دي كلمتها ليه
سابته وخرجت وراحت لجوزها وابنها
عند احمد

احمد: بابا ادهم اللي كان سايق هو كان هيموتنا احنا
الاتنين وانا فضلت اقوله يهدي بس كان زي المجنون عايز
يقتلنا

الاب حسين: بس يا حبيبي اهدي اهو ربنا انتقم منه اشد
انتقام الحمد لله انك طلعت سليم ده اللي يهمني ارتاح
انت

سابهم وخرج والام قعدت من غير ما تنطق ابدا
احمد: انتي مش مصدقاني صح؟
حنان: وهتفرق في ايه كفايه ابوك مصدقك

احمد: بتحييه هو وبس عمرک ما حبيتي غيره

حنان:

عند الدكتور

الاب: قولي حاله ادهم ايه بالضبط؟

الدكتور: عنده كسر في ضلوعه وكسر في رجله واشتباه

في نزيف في المخ والجروح اللي مغطيه معظم جسمه

الاب: الجروح دي اثارها هتخف

الدكتور: تختفي نهائي لأ طبعا وهيحتاج لعمليات تجميل

كثيره وخصوصا الجروح اللي في وشه لانها عميقه وهتشوه

وشه لو متعالجتش بسرعة واتعملها تجميل انا عارف ان

الموضوع مكلف بس حضرتك غني وده شكل ابنك

ومستقبله

الاب: هيكف قد ايه؟

الدكتور: يعني هنعدي 200 الف

الاب: ولو قلتلك هديلك 500 الف بس بشرط انه ميخفش

والجروح دي تفضل مفتوحه وانه يتشوه لدرجه ان ابليس

نفسه يستعيد من شكله

الدكتور: افندم

الاب: اللي سمعته

الدكتور: دي خيانه مهنيه

الاب: لو انت مش هتنفذ غيرك هينفذ ويستفاد من الفلوس

بعد اذنك

الدكتور: استني بس الكلام اخد وعطا

الاب: هتنفذ

الدكتور: وايه اللي يضمني انك متباغش عني وتوديني

في داهيه

الاب: اكتبك اقرار اني موافق انك تعمل فيه اي حاجه

او ان طلبه طب مثلاً يتدربوا علي الجروح اللي فيه اي حاجه

عايزه تضمن بيها نفسك موافق عليها

الدكتور: اتفقنا

وفعلاً بدأت رحله العذاب لعيل عنده 15 سنه مش فاهم ايه

ذنبه او ايه الخطأ اللي ارتكبه علشان ابوه يكرهه كده

الدكتور لكام ممرضه

الدكتور: انا اخترتك انتو التلاته في مهمه

هتكسبكوا كتير بس بشرط من غير ولا سؤال

موافقين؟

الممرضات: طالما فيها فلوس يبقي موافقين

الدكتور: كويس تعالو معايا

اخدهم لادهم الي كان بدؤا في علاجه وجبسوله
الكسور الي في جسمه واتاكدوا انه معندوش نزيف وهنا
جه دور دكتور التجميل واللي مسؤل عن خياطه جروح
الدكتور: يالا يا بنات هاتو عندنا علشان نعالج الجروح دي
اخدوه على اوضه وبدؤا ينفذوا خطتهم
الدكتور: انا عايزكم تهتموا بجروحه وتحطوا فيها فتيل
وقطن مش عايز الجروح دي تقفل مفهوم
المرضات: ايه بس...

الدكتور: احنا قولنا ايه من غير ولا سؤال
الاول اربطوه لحسن يفكر يهرب ولا حاجه
فعلا ربطوا ايديه وبدؤا يفتحوا جروحهم ويحطوا فيها الفتيل
والقطن علشان ما تلتئم مش ابدأ

ادهم كان متخيل ان ده قمه العذاب بس كان غلطان
كان بيعس انه خلاص هيموت بين ايديهم
واخيرا خلصوا وسابوه وادولته كل الادويه الي المفروض
ياخذها

طلع النهار اخيرا ودخل الدكتور عند ادهم
الدكتور: انا معرفش سر العداة الي بينك وبين ابوك

بس هو بيكرهك قوي وسوري الموضوع مش شخصي
 ادهم حاول ينطق بس مقدرش يتكلم
 الدكتور عطاله حقنه وادهم حاول يتكلم او يتحرك
 بس مقدرش

الدكتور: متحاولش تقاوم الحقنه دي هتعملك زي شال
 مؤقت مش هتقدر تتحرك او تتكلم او تعمل اي شئ بس
 للأسف هتحس بكل شئ بيحصل انا اسف بس ابوك دفع
 مبلغ كبير في مقابل ده والا كنت عطيتك بنج استعد
 بقي

دخلو الممرضات وخدوه لاوضه تانيه
 الدكتور: استنونا غمضوله عنيه
 قفلو عنيه وطبعاً هو مقدرش يفتحهم تاني لانه فقد
 السيطرة علي كل جسمه
 سمع اصوات كتير

الدكتور: طول عمركم بتدربو علي جثث النهارده بقي
 هتدربو علي جسم حي وبينزف ايه رأيكم في المفاجأة
 دي

اصوات لطلبه فرحانين
 واحد من الطلبة: طيب هو متبنج ولا ايه وموافق علي

تدريبننا عليه

الدكتور: هو في غيبوبه او تقدر تعتبره ميت اكلينيكيا
يعني مش هيحس باي شيء عمله يالا هنبدا نتعلم اشكال
الغرز ونستعمل كل غرزه امته

هنا ادهم كان عايز يصرخ يتحرك يقولهم لا انا عايش
وحاسس حرام عليكم بس مش قادر

بدا يجهز نفسه للالهم علشان يتحملة بس الالهم كان فوق

الخيال

ابر كتير بدأت تدخل في جروحه الالهم لا يحتمل طيب

يعمل ايه

بدأ يدعي

يا رب اموت يارب اي شيء غير الالهم ده

حتي الصريخ كانو مستكترينه عليه

عايز يصرخ مش قادر عايز يفوق مش عارف

وهنا فتح عنيه وصحي من نومه علي باب بيخبط

فاق اخيرا من كابوس ذكرياته حط ايده علي وشه وحس

بجروحه كانها كانت امبارح وحس بنار في جسمه مكان

الابرالي كانت بتخيط وتتعلم فيه كانها لسه موجوده
(فوق يا ادهم ده ماضي مش حاضر معدش حد يقدر
ياذيك دلوقتي فوق)

الباب لسه بيخبط بص في ساعته لقاها 7 الصبح مين
ممکن يجيله بدري قوي كده
فتح باب الكرفان لاقاها واقفه قدامه جميله شعرها الهوا
بيحركه ملكه جمال واقفه
معرفش ينطق او يتكلم او حتي يفتح بقه
ليالي: صباح الخير مالك مستغرب ليه؟
ادهم: افندم

ليالي: مفيش صباح النور يعني؟
ادهم: افندم اي خدمه
ليالي: شكها مفيش ما علينا المهم بما انك ضيف في
بلدنا وبما انك هنا لوحدك فقلت اجيبك سندوتشات
تفطربها ونسكافيه علشان تظبط دماغك كده الصبح
اتفضل

ادهم: ومين قال لحضرتك اني عايز فطار او نسكافيه؟
ليالي: كل الناس بتفطر
ادهم: متشكر بس مش محتاج ولا الفطار ولا النسكافيه

خديه واتفضلي من هنا

لسه هيقل الباب حطت ايدها منعته

ليلي: طيب اعمل ايه بالفطار ده؟

ادهم: مش شغلي ومتجيبش فطار تاني ولا تيجي هنا تاني

قل الباب

ليلي من ورا الباب: هحطهولك هنا علي الترابيزه دي

يمكن تغير رايك

وفعلا حطته ومشيت لشغلها اللي كان قريب جدا من
مكانه وهو تابعها من بعيد ومستغرب دي عايزه ايه ومش

خايضه منه ليه؟؟؟

راح ادهم للقسم وقضي يومه يدرس ملف القضية
وليلى مروحه عدت علي مكانه لقت القطط بتاكل
السندوتشات والنسكافيه في الترمس الصغير مكانه

ليلى: بقي كده؟ لو انت عنيد فانا اعند

واخيرا خلص اول نهار في البلد وادهم الكل ببصله بخوف

او كره او اشمئزاز

بس خلاص مبقاش تهمة نظره الناس ليه

رجع مكانه وطلع سطح الكرفان وفضل يبص للنجوم اللي

حفظها كلها وغرق في النوم ورجع لذكرياته اللي

بالنسبائه كوابيس

من 17 سنه

كان متمدد علي السرير والطلبه بيخيطوا فيه وبيضحكوا
ويتعلموا ويغلطو وهما فاكرينه مش حاسس وميعرفوش ان
كل ابره بتسحب روحه معاها وهو بيدعي ان الوقت يخلص
ويرجع لاوضته

واخيرا جه الدكتور وأعلن ان وقتهم خلص ومشاهم وحمد
ادهم ربه انه خلص منهم

بدا يفوق وجه الممرضات رجعه اوضته
كان في قمه الانهيار والتعب مش قادر حتي ينطق دخل
الدكتور

الدكتور: اعملو زي امبارح فكو كل الغرز دي وخطوا
الفتيل والقطن علشان الجروح متقفلش
ادهم غمض عنيه لسه العذاب منتهاش
فعلا عملو زي ما الدكتور قال وجه تاني يوم وكله حصل
تاني الحقنه الطلبه الألم

ادهم حاول يفكر في اي شئ
اي شئ يشغل تفكيره عن الألم اللي هو فيه
رجع بذكرياته خمس سنين وافتكر الوقت اللي امه بطلت

تكلمه فيه

كان يومها في المدرسة مع اخوه واخوه اتخاّنق مع اصحابه

وبدؤا يضربوه واستنجد بادهم

ادهم اتردد لانه لو اتدخل ابوه هيزعل ولو ما اتدخلش

اخوه بيضرب

واخيرا اتخاّنق مع اخوه واتحولو كلهم للمدير وطلب أولياء

الامور ووصل ابو ادهم المدرسة

والمدير قاله ان الخناقه كانت علي بنت مرتبطه بواحد

من عياله وتقريبا حد عاكسها وقامت الخناقه

وطلب المدير من الاب انه يربي عياله لانهم في المدرسة

للتعليم مش الحب

دخل حسين علي عياله وسالهم

حسين: مين فيكم المرتبط وبدأ الخناقه علشان بنت؟

احمد: ادهم البنت تبقي حبيبته هو ونداني وانا اتدخلت

لما لقيتهم ضربوه

ادهم: حرام عليك انت بتكذب ليه؟

احمد: مش بكذب صدقني يا بابا مش بكذب هو اللي

بيكذب البنت حبيبته

وكالعادة حسين مش بيحب ادهم ويصدق اي شئ ضده

حسين: الحساب في البيت مش هنا اتفضلوا
في الطريق

ادهم: احمد انت عارف ان ابوك مش هيعديها لي ارجوك
انت مش هيعملك حاجه ارجوك يا احمد

احمد: هيعملك ايه يعني اهو هيتعصب شويه وخلاص
ادهم: ده لو انت لكن انا مش عارف ارجوك يا احمد انت

الكبير اتحمل مره نتيجته افعالك

احمد: قوله انك ماعملتش حاجه

ادهم والدموع في عينيه: مش هيصدقني ارجوك يا احمد
احمد سكت وبص بعيد وساب ادهم خايف من عقاب ابوه

وصلو البيت

حسين: انت اطلع اوضتك حالا

خاف ادهم وجري علي اوضته ومستني ياتري عقابه

هيكون ايه

حنان: في ايه؟

حسين: ابنك يا هانم عاملي بلطجي وحبيب في المدرسه

حنان: ادهم استحال

حسين: دافعي عنه وكل ما هتدافعي عنه هموت هولك

زياده فاهمه

حنان: استني يا حسين سيبوه هتعمل ايه؟

حسين: هادبه هعمل ايه يعني

زقها بعيد وراح لادهم وخرزانه في ايده

دخل عليه

حسين: عاملي باطجي هاه

ادهم هيموت من الخوف: مش انا والله ده احمد

حسين: اخرس احمد ده سيدك متجيبش سيرته ابد انا

هوريك الباطجه تبقي ازاي؟

وبدا يضرب فيه ويجلده ونسي ان ده مجرد طفل عنده عشر

سنين مش اكثر

جلده لحد ما ظهره اتقطع من الضرب والولد يصرخ ويصرخ

بس مين ممكن ينجده او يخلصه وابوه بيضرب فيه زي

المجنون وما اخدش باله انه بطل يصرخ وانه غاب عن

الدنيل اصلا

هنا دخلت حنان امه

حنان: كفايه هتقتله كفايه بقي

وقف حسين وبص للدم الخارج من ظهر ابنه بس ما اتهزش

ابدا

حسين: اياك يموت خلينا نستريح قومي من جنبه
 حنان في الارض بتعيط
 حسين بيزعق: قومي والا هقتلهولك دلوقتي قومي
 شدها وقامت معاه وبعدها بطلت تكلمه نهائي او ترد عليه
 او توجهله اي كلمه
 وادهم كان عيل مش عارف ابوه بيعمل كده ليه او امه
 مش بتكلمه ليه
 ابوه خرجه من المدرسه وقاله انه ما يستاهلش يتعلم
 ومهما اتوسل ادهم يرجع مدرسته ومهما عيط محدش بيحن
 ابدا
 وفي يوم راح لامه
 ادهم: ارجوكي اعلمي اي حاجه انا عايز اتعلم
 حنان.....:
 ادهم: هو ممكن يسمعك انتي لو طلبتي منه
 حنان.....:
 ادهم: انتي عارفه ان احمد هو اللي اتخانق وهو اللي مرتبط
 وانا اتعاقبت مكانه ارجوكي
 ادهم كان بيتكلم وبيعيط زي اي عيل صغير
 حنان.....:

ادهم: طب انتو مش عايزيني هنا او بتحبوني ودوني مدرسه
 عسكريه داخلية واهو تخلصوا مني ومش هاجي غير في
 الاجازه بس ارجوكي
 حنان

سابها ومشي ودموعه علي خده وراح لاخته ايه الصغيره
 يلعبها كان عندها 3 سنين بس كانت بتعشق ادهم
 الوحيد اللي بتحبه وده كان بيجنن حسين كل ما
 يشوفها بتضحك معاه

وبياخدها بعيد عنه
 واخيرا وافقوا يدخلوه مدرسه عسكريه داخلية علشان
 يخلصوا منه

وقضي هناك حياته لحد يوم الحادثه
 فاق علي صوت الدكتور بيقولهم ان وقتهم خلص
 وخرج الطلبة وجم الممرضات وعادوا نفس اللي حصل
 بس ادهم اتعلم ازاي يفصل عقله عن اللي بيحصل علشان
 يستحمل الالم مع انه ساعات بيكون الالم اقوي من انه
 يستحمله وساعات كان بيغمي عليه
 وطول الليل كان يحلم باللحظه اللي هيسيبوه فيها بس
 كانت احلام

صحي ادهم علي صوت الباب بيخبط ولقي الساعه 7 الصبح
فتح لقاها ثاني قدامه ومعها كيس الفطار والنسكافيه

ادهم: انتي ثاني؟

ليلي: صباح النور

ادهم: وبعدين

ليلي: الفطار

ادهم: مش قولتلك مش عايز ايه ما بتفهميش؟

ليلي: ايه الي هيضرك لما تفطر؟

ادهم: استغفر الله العظيم يا بنتي قلتلك متجيش هنا مش

عايز فطارك مش عايز منك حاجه افهمي بقي

قفل الباب في وشها وهيا دمعها فرت من عنيتها غصب عنها

وهيا مستغربه ليه رفضه ده

ليلي سابت الفطار ومشيت

وهو خرج وشاف الفطار قعد قدام التربيذه يبصله

عايزه مني ايه؟ انا مش حمل جروح تانيه؟ انتي ايه

بالظبط؟ ملاك وابليس؟؟ عمرها ما تركب فوق يا ادهم

انت شيطان وهيا ملاك عمرها ما تركب ابدًا

مشي وساب الفطار علي امل انها تفهم انها مش مرغوب فيها

يا تري هتفهم ولا قلبها دق وخلاص؟ وهل هو شيطان فعلا
ولا هما حكموا عليه بانه يكون شيطان؟ هيستسلم ادهم
ولا ليالي هتستسلم؟



الحلقه الثالثه

يوم ورا يوم بيعدي في الصبح ادهم بيستخبي من ليالي
بحيث انها تفقد الامل منه وتمشي وبحيث يشوفها من بعيد
لبعيد كفايه عليه قوي يلمحها بس وهيا بتحط الاكل
مكانه وتمشي ومش بتفقد الامل فيه

ادهم بيقضي يومه يمشط في البلد او يساعدهم في القسم
والليل بيفضل مع ذكرياته او كوابيسه
وفي يوم ليالي الصبح خبطت وهو كالعاده مستخبي بعيد
يراقبها

ولما ما فتحش قعدت علي الترايبزه وحطت الاكل ودموعها
نزلت غصبا عنها مسحتها بس دموعها رفضت تقف وعيطت
اكتر واكتر وهيا مش عارفه هو رافضها ليه ومش عايز
حتي يديها فرصه تقرب منه

هو شافها بتعيط وفي حرب جواه يروح لها او يسيبها لو سابها
خلاص مش هترجع تاني ولو راحت

لو راحت هو مش عارف هيوصل لايه؟؟؟

واخيرا القلب تغلب علي العقل

ولسه ليالي هتمشي جه وراها

ادهم: مش بتستسلمي صح؟؟؟

ليالي مسحت دموعها وابتسمت وبصتله

ليالي: مش بحب الاستسلام

ادهم: عايزه ايه؟؟

ليالي: تفطر

ادهم: ودموعك دي علشان افطر بس؟

ليالي: هيا فين دموعي دي؟

ابتسم ادهم: حاضر هفطر

ليالي: بالهنا مقدما

مشيت وهيا الفرحة مش سايعاها اخيرا الجبل اتزهز وهيحن
ادهم كمان مش فاهم هيا عايزه ايه او مش عايز يفهم بس

اكل اكلاها وشرب النسكافيه

ودي تقريبا كانت اول مره ياكل اكل مش بتاع مطاعم

من سنين طويله

تاني يوم ادهم قرر انه مش لازم يعيش في وهم ولازم

يبعدا فقرر انه يخوفها منه

الصبح ليالي بتخبط وهو قلبه بيدق كان نايم ولا بس

هدومه هو كان ديما بيلبس بكم علشان يخبي الجروح

اللي في صدره وايديه بس قرر انه يخوف ليالي لما تشوف

جسمه قد ايه مشوه مش وشه بس

فتح الباب وهو صدره عريان وخرج بره الكرفان

ادهم: تاني؟

ليالي: ايه كميه الجروح دي؟ ايه اللي عمل فيك كده؟
كان واقف مديها ظهره فقربت منه ولمست جرح في ظهره

فاتلفت ليها بسرعه

ادهم: ده شئ ميخصكيش

ليالي: براحتك المهم احلي فطار عمايل ايديا

ادهم بصاها مستغرب هيا ازاي مبتسمه كده ومش خايفه

ولا متقرزه من منظره

ليالي: بتبصالي كده ليه؟ مش مصدق اني عاملالك الفطار

بايدي

ادهم: انتي عايزه مني ايه؟

ليالي بابتسامه: عايزاك تفطر سلام

مشيت وسابته في حاله مش فاهمها

قلبه بيدق كده ليه؟ ومن امتي هو عنده قلب اصلا يدق؟

هو مش انسان اصلا هو مجرد اله بتنفذ الاوامر وتقتل وبس؟

بيقتل بدم بارد من غير ما شعره فيه تنهز؟ من امتي عنده

قلب يدق؟ من امتي؟

هو نسي انه انسان، نسي ان عنده مشاعر او احساسيس نسي
كل الحاجات دي من زمان
نسيها من ساعه ما كان في المستشفى

من 17 سنه

في المستشفى كل يوم بيحقنوه ويودوه للطلبه تتدرب
عليه وفي يوم طالب كان اسمه مصطفى دخل متاخر لقي
كل واحد من اصحابه بيخيط في جرح
مصطفى: ايه ده بقي انتو مسيبتوليش حاجه ولا ايه
صاحبه: محدش قالك تتأخر
مصطفى: بقي كده دي خيانه
وقف يتفرج وفجاه مسك مشرط في ايده
اصحابه: هتعمل ايه انت مجنون ولا ايه؟

مصطفى: ماهو مش حاسس بحاجه هتفرق ايه جرح جديد
وبالمشرط عمل في ذراعه جرح جديد من اول كوعه لحد
كف ايده

مصطفى: ده هخيطه لوحدي

ادهم محدش فارق معاه الالم سامعهم وحاسس بيهم ومهما
يوجعوه خلاص وصل لاقصي درجات الالم ومفيش الم بعد

كده

الطلبه: اهو بينزف اهو هنعمل ايه؟ شالك قطعت شريان

او وريد. اديك اهو هتجيب أجله

مصطفي: لا هنوقف النزيف ساعدوني بس

هنا دخل الدكتور وشاف دم كثير جروح ادهم كانت

بطلت تنزف

الدكتور: ايه الدم ده؟

مصطفي: انا اسف يا دكتور بس مش عارف اوقف النزيف

الدكتور: كل الجروح دي مش مكفياكم؟؟ اطلعوا بره

كلكم اطلعوا

استدعي الممرضات ووقفوله النزيف

وتاني يوم مصطفي خيط الجرح بتاعه ومبسوط بانه

صاحب اكبر جرح

الدكتور معاهم علشان محدش يتهور تاني

واحد من الطلبه: دكتور هو ليه مش بتحاولو تفوقوه؟

الدكتور: علشان مستنين عيل زيک يجي يقولنا نفوقه

واحد: طيب كنا عالجننا جروحه دي افرض فاق؟

الدكتور: مش هيضوق ولو فاق هو عقله اتضرر يعني حتي

لو فات مش هيضرق شكله في حاجه

البنّت: خساره كان هيبقي شاب كيوت قوي
 الدكتور: خساره ليه اديكم بتتعلموا
 خلص الوقت ومشياوا كلهم بس مصطفى نسي موبيله فرجع
 يجيبه

دخل عند ادهم كان لسه الممرضات ما اخدهوش بس
 كان بدأ يفوق

مصطفى جاب الموبيل وبصل لادهم
 مصطفى: خساره شاب في سنك يموت كده
 هنا ادهم فتح عينيه وبصله
 مصطفى اتخض ورجع لورا وهنا دخلت ممرضه
 الممرضه: انت بتعمل ايه هنا؟
 مصطفى: ده ده فاق ده فتح عينه باغي الدكتور بسرعه
 الممرضه ارتبكت وقربت من ادهم وحطت ايدها علي
 عينه قفلتها تاني

الممرضه: ده رد فعل مش اكرت مافاقش ولا حاجه ايه ما
 درستش ردود الافعال

مصطفى: ده فتح عينه قولي للدكتور ولا انا هتصرف
 راح للدكتور وحكاه اللي حصل
 الدكتور بص للممرضه نظره توعده

الدكتور: عندك حق انا هعمل الفحوصات اللازمه علشان
نتأكد متقلقش انت

مشي مصطفى ومعرفش يشيل منظر ادهم من قدامه وفكر
للحظه لو بيعس بالي بيعملوه

عقله رفض مجرد التفكير في كميه العذاب اللي اتعذبها
وفضل الليل كله يحلم بنفسه بيعذب في ناس ويشرح فيها
وهيا عايشه

قام تاني يوم وقعد مع ابوه وامه يفطر بس ما قدرش ياكل
ابوه: مالك لونك اصفر كده ليه انت عيان ولا ايه؟
مصطفى: لا انا كويس

راح يطمئن علي ادهم وقابل الدكتور
الدكتور: احنا عملنا كل الفحوصات حالته زي ما هيا ده
كان رد فعل مش اكر

مصطفى مشي بس من جواه حاسس انهم بيعذبوه

ورفض اليوم ده يقرب من ادهم او يلمسه

وبالليل مش قادر ينام فقرر انه لازم يروح يتأكد بنفسه

راح لادهم الاوضه اللي شاف الممرضات بيدخلوه فيها

اتأكد ان محدش شايفه ودخل عنده لقاها مربطين ايديه

ورجليه

استغرب من امتي بيربطوا المرضى

قرب منه ولمسه

ادهم فتح عينه وبصله

مصطفي: انت فايق؟؟ قول اي حاجه انت بتحس بينا؟؟

انطق

ادهم: حاول يتكلم بس صوته رفض يطلع فغمض عليه

وسكت وحس ان عمره ما هيخرج ابدًا من المستشفى دي

هنا دخلت الممرضة: انت بتعمل ايه هنا؟ انا هبلغ الامن

مصطفي: فتح عينه تاني انتو رابطينه ليه؟ انتو بتعملوله

ايه بالضبط؟

الممرضة: اطلع بره

استدعت الامن وجه وبيشدوا مصطفي لبره

مصطفي: انا هفضحكم انتو بتعملوله ايه؟

هنا ادهم بص لمصطفي وحرك راسه معاه وفضل يبصله

وكانه بيقوله خرجني من هنا

خرجو مصطفي بره المستشفى وروح بيته وهو هيتجنن

والصبح وهو مع ابوه

مصطفي: بابا هو لو في مريض ميت اكلينيكيًا بيتربط

من ايديه ورجليه؟

الاب: هو حد بيربط مريض؟ وبعدين ده ميت

بتسال ليه؟

مصطفى: فاكرا المريض اللي حكيتك عنه اللي بندرب عليه

الاب: ايوه فاكراه

حكي مصطفى كل اللي حصل لابوه بالتفصيل

ابوه كان جراح مخ واعصاب كبير جدا وله وضعه

ومركزه واسمه صبري عبد السلام

الاب: ده فعلا وضعه مريب

مصطفى: انت عارف لو بيعس احنا عملنا فيه ايه؟ انا نفسي

عملت فيه ايه؟ انا كل شويه اعلمي جرح جديد فيه لما

الجروح القديمه تبطل تنزف او تبدأ تنشف

هنا مصطفى بدأ يعيط وهو بيتخيل العذاب اللي سببه

لادهم

الاب: اهدي احنا لسه متاكدناش انه بيعس

مصطفى: انت لازم تكشف عليه بنفسك

الاب: حاضر

وفعلا راح الاب والابن للمستشفى ودخل لقي اصحابه

بيخيطوا فيه

مصطفي: ابعدوا عنه كلكم

الطلبه: في ايه مالك؟

مصطفي: والدي هيتاكد اذا كان فعلا في غيبوبه ولا لأ
وبداً والد مصطفي يكشف عليه بس ادهم كان متخدرزي

كل يوم

دخل الدكتور: ايه اللي بيحصل هنا؟

صبري: انا الدكتور صبري عبد السلام جراح مخ واعصاب

وعايز اتاكد اذا كان في غيبوبه ولا لأ

الدكتور: ومين سمحك؟

صبري: وانت يضايك في ايه اني اكشف عليه؟

الدكتور: يضايقني وخلاص ودلوقتي اطلعوا بره

صبري: انا مش هسكت وهرجع تاني

الدكتور: اعلي مافي خياك اركبه

مشي الكل

الدكتور اتصل بابو ادهم وكلمه

الدكتور حكااله اللي حصل

حسين: وانت خايف من ايه؟ مش ورقك كله مضبوط

ومعاك موافقه مني خلاص

الدكتور: بس ممكن يسببوا مشكله

حسين: يورونا هيعملوا ايه

بلغ صبري البوليس وبدؤا يحققوا بس فعلا موقف الدكتور

سليم لانه معاه موافقه من ابوه ان ابنه يتعلم عليه الطلبه

صبري كان مذهول من اللي بيحصل ومش عارف يتصرف

ازاي وابنه مصطفى هيتدمر لما يتأكد ان الولد بيحس

وانهم كانوا بيعذبوه

صبري راح لحسين يتفاهم معاه

بس حسين كان قافل عقله لاي نقاش وفي الآخر

صبري: طيب ده ابنك انت بتعمل فيه كده ليه؟

حسين: انا حر ابني وانا حر فيه

صبري: اتنازلي عنه

استغرب حسين وصبري نفسه استغرب من اللي قاله

حسين: افندم

صبري: انا هتبناه منك وملكش دعوه بيه ابدًا

حسين: تتبناه؟ فكره مش بطاله وانا موافق

وفعلا اتفقوا علي كده وصبري اتبني ادهم واخده عنده

المستشفى بتاعته وجمعله فريق كامل علشان يعالجوه

وفي البيت

مصطفي: عملت ايه هيخف صح؟

صبري بزعل: هيخف ايوه

مصطفي: امال انت زعلان ليه؟

صبري: هيخف اه لكن هيفضل مشوه

مصطفي: هنعمله تجميل

صبري: الجروح بقالها مده ومتعالجتش من الاول صح

مصطفي: يعني ايه؟ مش فاهم

صبري: يعني معدش ينفع نعمله تجميل في حالته دي

خلاص هيفضل مشوه الجروح التئمت علي وضعها المفتوح

ده هنعملها ايه؟

مصطفي: نشيل الأجزاء المصابة

صبري: هتشيل نص وشه وتحط ايه مكانه هاه؟ خلاص

معدش ينفع

مصطفي: وهو ذنبه ايه يعيش كده؟

صبري: الذنب ذنب ابوه

ام مصطفى لما عرفت ان جوزها اتبني واحد اتجننت وثار

ورفضت الموضوع خالص بس مع اصرار ابنها سككت بس

علشان ابنها اللي كان بينهار

اخيرا خرج ادهم من المستشفى واخده مصطفى وابوه علي

بيتهم

واول ما دخل وشافته ام مصطفى واسمها ساره
 ساره: ايه ده؟ انتو جايبنه هنا؟ انا لا يمكن أوافق ابدًا ان
 المسخ ده يفضل هنا ابدًا
 ادهم الكلام بيجرحه بس هيعمل ايه وفي ايده ايه يسمع
 ويسكت

مصطفى اخد امه بعيد
 وهددها انها لو طردت ادهم هيسيبها البيت هو كمان
 فاضطرت انها تسكت
 وادهم حبس نفسه في الاوضه اللي خصصوها ليه ومش
 بيخرج منها ابدًا
 مصطفى بيحاول يقربله او يتكلم معاه بس وصبري كان
 بيكلمه برضه
 لكن الام كانت رافضاه تمامًا وعلي طول بتتخاف مع ابنها
 او جوزها علي وجوده وادهم سامع كلامها بس مش عارف
 يعمل ايه؟؟

حتي الخدم كانوا بيشمئزوا من شكله
 ادهم كان حاسس بكره كل اللي حواليه وعارف ان
 صاحبه البيت رافضاه

بدأ ادهم يذاكر الثانويه العامه في البيت
وصبري حاول يدخله مدرسه بس ادهم رفض لانه مش
هيستحمل نظرات الطلبة ليه وكان يذاكر في البيت
ورفض اي دروس كان مش عايز يكلفهم اي فلوس

كل شويه ساره تدخل عليه تلاقيه يذاكر وتمسك
كتبه وتفتش فيهم وهيا اول ما تدخل ادهم كان بيقف
في اي جنب بعيد عنها علشان متشوفش وشه ويسبها تفتش
براحتها وتخرج

وهيا هتتجنن هو ليل نهار قاعد علي المكتب

ساره: ليل نهار علي الكتب

صبري: عايزه منه ايه؟ سيبه في حاله

ساره: اكيد بيعمل حاجه؟

صبري: هيعمل ايه؟ سيبه في اللي هو فيه؟

ساره: ابوه طرده ليه هاه؟ اكيد عمل حاجه مفيش حد

بيكره ابنه بالشكل ده؟؟ تلاقيه قتل حد

صبري: اعوذ بالله الواد غلبان سيبه في حاله

ساره: انا وراه لحد ما اكشفه

في يوم مصطفى مع ادهم

مصطفي: ما تيحي تسهر معايا بره

ادهم: لا شكرا

مصطفي: لا شكرا... قوم يالا هعرفك علي مزرتعال

ادهم: شكرا مش عايز

مصطفي: بقولك مزرتقولي شكرا

ادهم: اتعرف انت

مصطفي: بطل رخامه بقي وكفايه حبسه

ادهم: معاش

مصطفي: تعالي يالا المزز تنادي

ادهم: هو انت مش واخد بالك من شكلي ولا ايه؟؟ المزز

دي هنتعرف علي واحد زبي ليه؟

مصطفي: ادهم حاول تتعايش مع شكلك

ادهم: انا متعايش معاه بس انت اللي بتتجاهله او بتحاول

ترضي، ضميرك ريح ضميرك انا مش زعلان منك

بالعكس لولا انت كان زمني لسه مكاني روح انت اسهر

ومتشغلش بالك بيا

مصطفي مشي وهو عايز يخرج من حالته ومش عارف

بعدها بكام يوم جابله مجلات فيها صور بنات عريانه

ادهم: ايه دول؟

مصطفي: دول مزز طالما مش عايزهم على الطبيعه يبغي
في الخيال

علي فكره الكتب دي مش صحيه خالص لازم تسلي
نفسك شويه

ادهم: متشكر بس انا كويس كده ومش محتاج مزز ولا
في الطبيعه ولا في المجالات

مصطفي: علي فكره انت خنيق علي العموم هسيبهم وانت
ابقي اتسلي

ادهم: مصطفي لو سمحت مش عايزهم

مصطفي: سلام اشوفك بعدين

سابله المجالات ومش ادهم مسكههم وبصلهم للحظه ورماهم

في الارض هو عارف ان حتى الاحلام مش حقه

وفي يوم دخلت ساره كالعاده تفتش في حاجته وشافت

المجالات

ساره: اخيرا مسكتك انا قلت برضه محدش بيذاكر

كده (بصتله) اتكشفت

ونكمل بكرة

ساره هتعمل ايه ورد صبري هيكون ايه؟

البيت ده كمان هيتفضل في وشه ولا؟

ليلي عايزه ايه من ادهم؟

ادهم هيسمح لنفسه يحب ولا؟

ايه مستني ادهم حب ولا جرح جديد؟

انتو رايكم ايه؟؟

مستنيه ارائكم وتفاعلكم

عدد الايكات والكومنتات مش عاجبني

انتو عارفيني مش بحب حلوه وجامده وتحفه والكلام ده

بحب الحوار والنقد حتي لو بالرفض لشيئ معين

حلقه طووويله اهي

متخلونيش القصرها

مكاوي الكتب

الحلقه الرابعه

وفي يوم دخلت ساره كالعاده تفتش في حاجته وشافت
المجلات

ساره: اخيرا مسكتك انا قلت برضه محدش بيذاكر
كده (بصتله) اتكشفت

فاق ادهم من ذكرياته علي الباب وابتسم لان دي اكثر
حاجه بيحبها في يومه

لما يشوفها الصبح لبس قميصه وفتح وقابلته بأجمل
ابتسامته تسحر اي راجل في الدنيا
فما بالك بواحد محروم

ليلي: صباح الخير
ادهم: صباح النور برضه جايبه فطار ثاني؟

ليلي: ايه ده هو احنا مش سبق واتفقنا خلاص

تعال اقعد هنا

راحت ناحيه التريزه اللي بره الكرفان وقعدت وهو سلم

امره وقعد قصاها

ليلي: قدامي تلت ساعه بحالهم اقعدهم معاك ده طبعا لو

مش يضايقك؟

ادهم: اقعدي بس بشرط

ليلي: ايه الراجل اللي هيشروط من اولها ده؟ لا يا عم مش

لاعبه انا ماشيه علي شغلي

ادهم: طيب مش تسمعي الشرط الاول

ليلي: اهو شرط وخلاص الواحد يقول ده انتي تنوريني او ياه

ده منايا اي مجامله والسلام مش يشروط

ادهم: طب خلاص براحتك. اللي يريحك اعمليه (بص

بعيد واتضايق)

ليلي: ده ايه الراجل اللي ما بيصدق ده؟ طب امسك فيا

شويه اعملي منظر كده

قول شرطك ايه

ادهم.....:

ليلي: ايه يا عم ما خلاص في ايه بقي قلبتها جد ليه؟

ادهم: شوفي انا مطلبتش منك انك تجيلي او تجيبيلي

فطار او تتكلمي معايا

ليلي: يعني ايه انا فارضه وجودي دلوقتي عليك؟؟ لو انا

مضايقاك قوي كده هামشي ومش هضايقك تاني

ويدوب وقفت وهتتحرك فمسكها من ايدها

ادهم: مش قصدي كده اقعدي

قعدت وساكته

ادهم: قصدي ان وجودك هنا غريب جدا بالنسبالي
والوضع ده كله جديد وانا غير ابي راجل فمتتوقعيش مني
اي شئ وشرطي كنت هقولك افطري معايا بس مش
اكثر

ليلي: هو انت عمرك ما كان عندك أصحاب قبل

كده؟؟

ادهم: لا يا ستي معنديش ولا كان عندي
ليلي حست بعصره في قلبها وكانت عايزه تفرحه باي
طريقه

ليلي: طيب يالا نفطروا هي لقمه هنيه تكفي ميه او ك

ادهم ابتسم وده كان شئ نادر جدا

ادهم: بس هنشرب النسكافيه ازاي مفيش كوبايات

ليلي: عادي هنخمس في الغطا ولا انت مش بتحب؟؟

ادهم: لا عادي مجربتش اصلا قبل كده الموضوع ده

فطروا مع بعض وشربو بالغطا النسكافيه وليلي طول الوقت

بتضحك وتهز وتحكيله عن نفسها وهو بيسمعها ومبتسم

ومليون سؤال وسؤال جواه بس معندوش الجراه يسالهم

وفجاه ليلي مسكت الساعة في ايده وصوتت

ليلي: يا لهوي اتاخرت
 وطلعت تجري زي المجنونه وهو ضحك عليها وعلي خفتها
 وروحها الجميله
 بس سؤال واحد محيره
 هيا عايزه منه ايه؟؟؟؟؟؟؟؟؟؟؟؟؟؟؟؟؟؟؟؟

ليلي في الشغل مع صحبتها الانتيم مني
 مني: انا نفسي اعرف ليه؟ ايه اللي عاجبك فيه؟ اتعرض
 عليك اشكال والوان من الرجاله وفي الاخر ده يعجبك
 طب ازاي؟

ليلي: معرفش يا مني من اول لحظه شوفته نازل من عربيته
 وقلبي دق بطريقه غريبه
 مني: جته نيله قلبك وزوقك ده

ليلي: انا مش عارفه انتي معترضه عليه في ايه؟
 مني: مش عارفه؟ نهار اسود انتي مش شايفه شكله ايه؟
 ليلي: ومن امتي الراجل بشكله؟
 مني: الراجل مش بشكله اه بس علي الاقل يبقى مقبول
 حتي

ليلي: وادهم مش مقبول؟ ده طول بعرض بعضلات ده مز من

الاخرهما بس كام جرح في وشه ايه يعني؟
مني: كام جرح يا ليلى؟ ده وشه خريطه يا بنتي انتي ازاي
شايفاه كده؟

ليلى: شايفاه راجل بمعني الكلمه هدوء كبرياء غموض
صبر حاجات كتيره قوي فيه بس محدش بيديله فرصه
يطلعها

مني: وانتى بقي هتطلعي اللي جواه؟؟
ليلى: ياريت بس هو يشوفني زي ما انا شايفاه
مني: وهو يطول اصلا ضفر ك؟؟ انتى اتجننتى رسمي
ادهم حس ان قعدته في البلد هتطول فاتصل بحد من
زمايله يبعثوله الكلب بتاعه ماكس
ماكس ده كان الصديق والرفيق الوحيد لادهم
عمره ما خانه او بعد عنه وقالوله علي اخر النهار هيكون
عنده.

الكرفان اللي ادهم قاعد فيه كان جنب مدرسه ليلى
وجنبهم نادي البلد كبير من غير سور وجنبهم نخيل
واشجار كتير لانهم كانو في اخر البلد
وفي وقت الظهر ليلى وهيا مروحه بيتها لمحت ادهم
بيتمشي ودخل وسط الجنائن ولقت نفسها رايعه وراه

فضل ماشي وهيا وراه لحد ما بعدوا وسط الشجر واختفوا

ادهم: هتفضلي ماشيه ورايا كتير؟

ليالي: انت حسيت بيا؟

ادهم: مبقاش ظابط لو محسيتش بيكي ولا ايه

ليالي: المهم اخبارك ايه؟

ادهم: كويس وانتى؟

ليالي: كويسه مفيش جديد عن العصابه؟

ادهم: لا لسه وملهمش اثر نهائي

ليالي: مبسوط هنا في بلدنا؟

ادهم: ليالي؟

ليالي: هاه

ادهم: ممكن أسألك سؤال بس ارجو كي جاوبيني عليه

بصراحه مهما كانت الاجابه واوعدك ان مفيش اي شئ

هيتغير؟؟؟؟

ليالي: أسأل واوعدك اجاوبك بصراحه لو هقدر

ادهم: انتي عايزه مني ايه؟ اللي انتي عايزاه مهما كان

هنفذهولك اطلبني بس ارجو كي انتي مش مضطره تقربي

مني علشان توصلني للي انتي عايزاه اطلبنيه وبس

ليالي: وليه بتفترض اني عايزه منك حاجه؟؟؟

ادهم: امال انتي بتعملي ايه هنا؟؟؟
 ليالي: مش يمكن اكون بس عايزه اكون معاك او عايزه
 تقرب من بعض؟؟؟
 ادهم: ليه؟؟؟؟ تقربي مني ليه؟؟؟؟
 ليالي: وهو ده بيتقالوه ليه؟؟؟
 ادهم: ايوه لما يكون مش منطقي ولا له معني ولا حتي
 مقبول يبقي يتقال ليه؟؟؟
 ليالي: طيب ايه رايك حاليا نخلينا أصدقاء مش اكر
 نتكلم مع بعض يعني والباقي واحده واحده
 ادهم: اصحاب؟؟؟؟ علي اساس ان مفيش مليون واحد نفسهم
 يقربو منك او يصاحبوكي فانتي جياي انا؟؟؟؟
 ليالي: ومن المليون دول انا اخترتك انت
 ماشيها اصحاب بقي
 يالا انا لازم امشي هشوفك بكرة او ك
 ادهم: همشيها اصحاب اشوفك بكرة
 مشيت وسابته وهو قلبه وعقله في حرب
 عقله: اهرب انت مش حمل جروح تاني
 قلبه: لأ مش هتجرح خليك
 عقله: فكر واحده زي دي هتبص لواحد زيك ليه؟

قلبه: وليه لا يمكن تكون شافت جواك
 عقله: لا اكيد عايزه منك حاجه وحتى لو مش عايزه
 هتكون نزوه او تجربه جديده وهتفوق وانت هتتجرح
 قلبه: ويمكن تكون صادق في مشاعرها وتخسرها لو
 بعدت خليك يمكن يكون القدر هيعوضك بيها جرب
 واستني واصبر

وكالعاده بيتغلب القلب علي العقل
 "نحرب ونصبر يمكن"

بالليل الكلب بتاع ادهم وصل وكانو مفتقدين بعض جدا
 ماكس كان كلب ضخم جدا وكبير في الحجم وشكله
 يخوف جدا ومبيتقبلش الناس ابدًا
 ادهم لقاه في مهمه من مهماته وكان صغير ولوحده ومتعور
 زي ما يكون حد رماه

اخده ورباه وبقي صديقه الصدوق
 الاتنين مبيستغنوش عن بعض
 في الصبح ادهم صحي بدري لأنه خاف ليلي تيجي وماكس
 يضايقها

فضل يجري شويه في النادي كرياضه وقبل معادها بعشر

دقايق رجع

ليلي جت بدري عن معادها ويدوب هتخبط اتفاجئت
بالكلب الضخم ده اللي في الاول معرفتش انه كلب من
ضخامته

قلبها دق بس هيا بتحب الكلاب وقفت وبصتله وبدأت
تكلمه

ليلي: يا تري بقي صاحبك فين هاه؟؟؟ وسايبك لوحداك
ليه؟ لو اعرف انك هنا كنت عملت حسابك في فطار
معتبر

ماكس بيص ليلي وكأنه فاهمها فوقف مكانه وهدى
خالص

هيا قربت منه بحذر
ليلي: على فكره انا بحب صاحبك ادهم جدا
ماكس اول ما سمع اسم صاحبه انتبه وكأنه حس بيها او
بحبها ده

ليلي: انت كمان بتحبه بقينا اتنين
هنا ادهم جه وشافها قاعده قصاده وكلبه قاعد ومستسلم
ادهم: غريبه

الاتنين بصوله ليلي وقفت وماكس جري عليه

ليالي: ايه اللي غريبه؟

ادهم: اصله مش بياخد علي حد ابد

ليالي: مش يمكن بيّفهم ويحس عن صاحبه

ادهم ابتسم وهيا ابتسمت

ادهم: تعالي اعرفك رسمي عليه، ليالي ده ماكس (ليالي

مدت ايدها تسلم عليه وماكس حط ايده علي ايدها وهيا

ضحكت منه ضحكه طيرت عقل ادهم فبصلها وتنح من

جمالها)

ليالي: ايه سكت ليه المفروض تعرفني انا بقي

ادهم: سوري ماكس دي ليالي (وسكت شويه) صديقه

مقربه

ليالي قربت منه وباست ماكس

وادهم مستغرب تماما حتي كلبه سحرته

فطروا ومشيت وسابتهم وبعد ما مشيت ماكس قعد قصاد

ادهم علي كرسي ليالي

ادهم: ولا كلمه عارف اللي هتقوله، هتقولي فوق بقي من

الوهم ده بس يمكن ما يکنش وهم يمكن

عدي اليوم وتاني يوم ادهم مستني ليالي هو وماكس

ومجتش وقف مراقب شغلها علشان يلمحها برضه مظهرتش

يوم والتاني

ادهم لماكس: عارف انك نبهتني وانا مسمعتش كلامك،
عارف انه وهم وسراب وانا مشيت وراءه، بس اعمل ايه كان
نظري

ادهم بدأ يحاول يخرجها من تفكيره ويرجع لوحده
وعزله اللي اخذ عليهم
وغرق تاني في بحر زكرياته

ساره: اخيرا مسكتك انا قلت برضه محدش بيداك
كده (بصلة) اتكشفت
مسكت المجلات ونزلت جري لجوزها
ساره: صبري صبري تعال بسرعه
صبري: خير في ايه يا ساره؟

ساره: مش قولتلك محدش بيقتد الوقت كله بيداك
كده وانا لازم اكشفه اديني كشفته
ادهم سامع كل كلمه وهو في اوضته
صبري: تاني يا ساره سيبي الولد في حاله بقي
ساره: المره دي معايا الدليل اتفضل لقيت ايه في اوضته قال

بيذاكر قال

صبري مسك المجلات وقلب فيها واتصدم

لأنها كانت فيه صور جنس كثير او هيا اصلا مجلات

جنسيه

صبري: استغفر الله العظيم بقي الولد ده يطلع منه كده

انا مش مصدق ابدا

ساره: يعني هتبلي عليه انا ولا ايه نادي عليه واسأله

صبري نادي علي ادهم وادهم خرج عندهم

صبري: ايه المجلات دي يا ادهم وازاي تجيب حاجه زي

كده البيت؟؟؟

ادهم.....:

معرفش يرد لانه خاف علي مصطفى ليزعلو منه وهو اللي

فتحله بيته وساعده

صبري: رد جيبتها ازاي ومنين؟؟؟

ادهم.....:

ساره: عايزه يرد يقول ايه

صبري: الظاهر ان ابوك كان عنده حق في تاديبك

بالشكل ده، انا غلطان اني فتحلك بيتي وشيلتك اسمي

واتحديت مراتي وزعلتها بسببك انت خساره فيك اي شيء
 انا ميشرفنيش انك تشيل اسمي
 ادهم ساكت ومش عارف يرد كان ديما ابوه بيقوله نفس
 الجملة

"انا ميشرفنيش انك تكون ابني، انت عمر ما حد
 هيحبك ابدًا انت هتفضل ديما منبوذ"
 الظاهر ان ابوه عنده حق هو هيفضل ديما منبوذ من الكل
 فاق علي صوت صبري بيزعق وساره
 ساره: انا مش هسمح يقعد في بيتي اكر من كده اطرده
 صبري: دافع عن نفسك او قول اي حاجه انطق
 ادهم: وادافع ليه انت خلاص حققت وحكمت وهتنفذ
 الحكم يبقي لازمته ايه
 انا اسف لو كنت ضايقتكم في أي حاجه

صبري: انت بجدا انسان مستفز بكل بجاحه بتتكلم
 كانك مغلطتش ولا ارتكبت جريمه يا اخي طيب حتي
 استسمحنا او اتاسف علي غلطتك انت ايه
 ادهم:

صبري اتنرفز قوي من سكوته ده وراح ضاربه بالقلم
 لدرجه ان ادهم كان هيقع من قوته

صبري: اطلع بره بيتي بره

ونكمل بكره

ادهم هيخرج بره البيت ولا لأ؟

ليلي اختفت ليه؟؟ وهيا فاقت من نزوتها ولا؟

ادهم هيعمل ايه مع الدنيا اللي بتخبط فيه؟



الحلقة الخامسة

صبري اتترفز قوي من سكوته ده وراح ضاربه بالقلم

لدرجه ان ادهم كان هيقع من قوته

صبري: اطلع بره بيتي بره

وهنا فاق ادهم علي الباب بيخبط قام جري ده معاد ليلي

اخيرا رجعتله تاني واكيد هيكون عندها سبب لبعدها

فتح الباب بس اتفاجئ بواحدة اول مره يشوفها

كان فاتح بتيشيرت نص كم واول ما فتح البنت اتخضت

من شكله وخصوصا الجرح اللي بطول ذراعه كلها لحد

كف ايده وتنحت عليه

ورجعت لورا خطوتين

ادهم لاحظ نظرتها فخبي ايديه وطبقهم علي صدره

ادهم: افندم حضرتك مين؟؟؟

البنت: انا... انا.....

ادهم: انتي نسيتي اسمك؟؟

البنت: لا انا اسمي مني وليلي بعثتني

طاقه امل اهي من طرفها واكيد هتبغله رساله

ادهم: خير في حاجه حصلت؟؟؟

مني: لا ابدأ خير بس هيا بعتالك الفطار ده
 ادهم اتصدم فطار ايه؟ هو مش مستني فطار
 ادهم: افندم،؟؟ فطار؟؟ بس مبالغتكيش اي حاجه تانيه؟؟
 مني: لا. هو في حاجه المفروض تبلغهالي؟؟
 ادهم: لا ابدأ بس بلغها اني متشكر علي اهتمامها وشكرا
 مش محتاج فطارها بعد اذنك علشان ورايا شغل
 قفل ادهم الباب وقعد علي سريريه وخط راسه بين ايديه
 عقله: مش قلتلك دي نزوه وهتعتدي استفدت ايه بقي
 قلبه: يمكن يكون عندها عذر؟؟
 عقله: تاني انت مش بتحرم ابدأ وكان ايه عذرا امك الي
 محبتكش ولا عذر ابوك الي شوهك وطردك في
 الشارع ولا اخوك الي عمره ما اعتبرك في يوم اخ
 هتفضل تحط اعذار للناس كده ويجرحوك وبرضه مش
 بتحرم

مالها وحدتنا ما احنا خلاص اتعودنا عليها

ادهم: الظاهر ان الوحده عمرها. ما هتفارقني ابدأ. ليه يا
 ليلى كده ما انا كنت في حالي تعشميني وتسببيني بس
 ارجع واقول انا الي غلطان انا الي سمحتها تدخل حياتي

عدي يوم واتنين وتالت يوم ادهم بابہ خبط الصبح بدري

فتح واتفاجاً بليلي علي بابہ

ليلي: ازيك اخبارك ايه؟

ادهم: وتهمك في ايه اخباري؟؟

ليلي: عندك حق بس مش وقته، قابلني العصر الساعة 5

عند المنتزه اللي في المدينه وانا هفهمك كل حاجه

هستناك

ولسه هتمشي

ادهم: مش هاجي فمتروحيش

ليلي: ارجوك اديني فرصه اشرحلك ولو كلامي

معجبكش امشي هستناك انا لازم امشي بسرعه

سابته وجريت في حاله مش عارف يحددها

يروح ولا لا؟ لا مش لازم يروح احنا لسه علي البر ابعد

عنها وانت قادر تبعد

خلاص مش هروح

والساعه 5 بالدقيقه ادهم كان واقف علي باب المنتزه وهو

بيقدم رجل ويأخر رجل ودخل شافها مستنياه

ايه في الجمال شعرها طويل والهوا بيطيهره

جسمها جميل مفيهوش غاطه كلاها علي بعضها حلم اي
حد

ادهم: انت جاي ليه؟ فوق بقي انت مره واحده عايز تدخل
الجنه؟؟ طب تيجي ازاي ومين هيسمحلك؟
ولسه هيمشي لمحته وندهت عليه

ليلي: ادهم انا هنا

راح ناحيتها ووقف قصاها لابس نظاره شمس واكله معظم
وشه ورافع ياقه القميص تغطي جزء من وشه وحاطط زنط
علي راسه

ليلي: تعال بس الاول بعيد عن الباب

شدته من ايده وسحبته وراها
هو مستغرب هو ليه مغيب كده معاها؟ وليه ما بيعترضش او
يقول اي حاجه؟ بيسبها هيا تتحركه في كل شئ

دخلو وقعدو في مكان هادي

ليلي: انت متخفي كده ليه؟

ادهم: مش متخفي

ليلي: طيب عايزه اشوفك

قربت منه وشالت الزنط ونزلت ياقه قميصه واخذت النظاره

من علي وشه وهو ولا عارف ينطق اصلا

ليلي: كده احلي

ادهم: احلي؟؟؟ انت اكيد مش طبيعيه يا اما نظرك

ضعيف جدا

ليلي: ليه بقي؟ انا علي فكره نظري سته علي سته

ادهم: مش باين

ليلي: كل ده علشان الكام جرح اللي في وشك وايه

يعني؟

ادهم باستغراب: كام جرح؟؟؟؟؟ هههههه

(ضحك ضحكه حزينه)

ليلي: مالك؟

ادهم: بسبب الكام جرح اللي انتي بتقولي عليهم انا

اتطردت من بيتي وعشت في بيت ثاني مع ناس مش طايقيني

وفي كل لحظه بيوضحولي ده واخذت الثانويه منازل

والامتحان كنت بقعد في مكان لوحدي علشان الطلبه

اعترضوا علي وجودي

وحتي في الكليه عشت لوحدي عمر ما حد قرب مني او

عرفني وده كله بسبب الكام جرح اللي انتي بتقولي

عليهم

ليلي اتاشرت جدا بكلامه وكان نفسها في اللحظه دي

تضمه وتقوله انها هتفضل جنبه بس هو يسمحها

ادهم: المهم افندم عايزه ايه؟

ليلي: ايه عايزه ايه دي؟

ادهم: عايزاني اقولك ايه؟؟ مره واحده ظهرتي وبعدها

اختفيتي

لا وباعتالي صحبتك بفطار يا شيخه ملعون ابو الفطار علي

الي هياكله

ليلي: اهدي بس وبراحه اولاً انا ما اختفتش

ادهم: اه كنتي بتيجي بس ما كنتش باخد بالي

ليلي بنرفزه: ماتهدي بقي وتسمع واسكت شويه،

ادهم: سكت اتفضلي

ليلي: في ناس شافوني اخر مره وانا معاك وماشيه من

عندك وقالو لا بويا

ادهم: بس خلاص ما تكمليش فهمت الباقي

بعد اذنك

ليلي: استني يا ادهم فهمت ايه؟ لو سمحت اسمعني لالاخر

ادهم: اسمع ايه؟ هاه ان ابوكي منعك وان غصب عنك

بعدتي ومش بايدك

ليلي: فعلا ده حصل

ادهم: طيب خلاص وانا معترضتش

ليلي: طيب ممكن اكمل كلامي وتسمع من غير ما

تقاطعني لحد ما اخلص خالص لو سمحت

ادهم: قولي كل اللي عندك وانا سامعك بس ما تستنيش

مني اي رد فعل

ليلي: مش هستني... المهم لما روح ابويا سألني اذا كنت

شفتك ولا لا ولاني عمري ما كدبت عليه قتلته ايوه واني

جيبك فطار كذا مره وانت رفضت وبعدها اخذته مني

المهم هو سمعني لحد ما خلصت وبعدها انفجرفيا وقال لي ما

اقابلكش تاني لاي سبب وخالاني ما انزلش الشغل يومين

وبعدها بقي يوديني بنفسه

ادهم: والنهارده قولتيله ايه وانت جايه تقابليني؟

ليلي: الحقيقه اني خارجه مع اصحابي اللي فعلا خرجت

معاهم وهما بيشتروا شويه حاجات وهقابلهم ونروح مع بعض

ادهم: ودي الحقيقه؟؟؟ وكده ما كدبتيش؟؟؟

ليلي: طيب كنت عايزني اقوله ايه؟؟ اني جايه

اقابلك؟؟؟

ادهم: ما اعرفش تقولي له ايه اللي اعرفه اني دي مش

هتكون اخر كدبه لو فضلاتي مصره علي صداقتنا وهو

عمره ما هيتقبل حتي معرفتنا العابره ببعض

ليلي: وبعدين حلها ايه عندك؟

ادهم: انك تسمعي كلام ابوكي وتبعدي عني نهائي

ليلي: يا سلام وده حل؟؟؟

ادهم: ده الصح

ليلي: انت كده ليه؟ هو انا ما اعنيالكش اي حاجه

نهائي؟؟؟ هتفضل ترخص فيا لحد امتي؟؟؟

ادهم: انا؟؟؟ انا برخصك؟؟؟؟ انا لو برخصك هقولك

طنشي ابوكي وتعاليلي كل يوم لكن علشان انتي مش

رخصه فبقولك اسمعي كلامه وما تخسرهوش ابدا

ليلي: مش هخسره

ادهم: لو عاندتيه هتخسريه

ليلي: وانا مش هبعد عنك ومش هسمحك تبعدني انا

اكثر واحده في الدنيا بكره التضحيات في الحب بحس

انها غباء اتنين يحبوا بعض ويضحو علشان بعض وقال ايه

بيضحى علشان سعادته حبيبته ما هو حبيبته عمره ما هيكون

مبسوط او سعيد من غيره

ادهم: ولا هيكون مبسوط مع حبيبه لو خسرتي ابوكي
بسببي عمرک ما هتکوني مبسوطه معايا فاشتري ابوكي
ورضاه

ليلي: ممکن مالکش دعوه بابويا ممکن تخلينا في حالنا
دلوقتي وسيب ابويا

ادهم: انا مش موافقک ومش عارف ايه اللي في دماغک
عايزه توصيله

ليلي: عايزه اوصلک انت کل ده مضمتهش يا ادهم عايزه
اقرب اکتر

ادهم: وبعد ما تقربيلي هاه هتعملي ايه؟؟؟ فوقی بقي
واختاري حد يناسبک

ليلي: ادهم انا...
قاطعها: انا سمعتک لالاخر ودلوقتي بعد اذنک ارجعي

لاصحابک ومتکدبیش علي ابوکي بسببي
سابها ومشي وهيا دموعها نزلت کانت متخيله انه هياخذها
في حضنه ويضمها بس شکلها بتحلم کثير

راحت لاصحابها وروحوا وفي البيت مني فضلت معاها

مني: مش هتقوليلي مالک وزعلانه ليه؟؟

ليلي: مرضيش يسمعني او سمعني بس سابني

مني: طب كويس واحد فيكم بيّفهم
 ليالي: انتي بتقولي ايه؟ مني ادهم بالنسبالي بقي....
 مني: بقي ايه هاه؟ فوقتي بقي
 ليالي: انتي هتعملي زيه وتقوليلي فوقتي
 مني: لانه هو واقعي وشكالي كده هبدا احترامه
 ليالي: انا بحبه يا مني بحبه
 مني: انتي بس مهووسه بحاجه جديده وبكره تنسيه
 وتنسي اسمه اصلا
 ليالي: تعرفيني من كام سنه؟ امتي كنت من النوع اللي
 بتهوس في حاجه او بتعلق بيها او بغير راياي بعد شويه؟؟؟؟
 مني: عمرك
 ليالي: بالضبط عمري. طول عمري ببقي عارفه عايزه ايه
 وانا عايزاه وبحبه ومعرفش ليه
 لما ببصله مش بشوف الجروح دي بتبقي حاجه باهته كده
 بشوفه هوه ببقي نفسي ارمي نفسي في حضنه واقوله
 خليني ديمًا في حضنك ومتبعدنيش ابدًا بس هو عمال
 يحسبها ابويا.. الناس.. الكل هيرفض
 مني : هو اتعود يكون واقعي فبيتكلم بواقعيه
 ليالي: وانا وراه ومش هسيبه غير لما يسلم

ادهم روح وعمال يلوم نفسه انه سابها ويرجع يقول لا كده
صح وحرب جواه ملهاش اول من اخر واخيرا نام ورجع
لكوابيسه

صبري اتنرفز قوي من سكوته ده وراح ضاربه بالقلم
لدرجة ان ادهم كان هيقع من قوته

صبري: اطلع بره بيتي بره
ولسه ادهم هيخرج بره البيت قابله مصطفى داخل
مصطفى: ايه رايح فين؟ هتخرج اخيرا هتخرج تعال وانا
هخرجك

صبري: سيبه يا مصطفى يمشي
مصطفى: يمشي؟؟ يمشي فين؟؟؟ ادهم بصلي هنا
ادهم بصله

ادهم: خلاص مالوش لازمه الكلام
مصطفى: ايه الدم اللي في بقك ده؟؟
ادهم مسح الدم اللي نزل من قوة القلم واداله ظهره
وهيكمل طريقه

مصطفى: مش هتمشي غير لما افهم في ايه

ساره: الباشا لقينا في اوضته دول

وورته المجلات

مصطفي مسكههم وعرف ان دول بتوعه

مصطفي: وبعدين ايه المشكله؟؟؟

صبري: يعني ايه ايه المشكله هاه؟ انا بيتي تدخله

حاجات زي دي؟

مصطفي: وعلشان كده مديت ايدك عليه وضربته؟؟؟

مسالتش نفسك جابههم منين؟ امتي شوفته خرج بره البيت

هاه؟ ولا امتي حد فيكم عطاله فلوس يشتري بيها حاجه؟

ردوا عليا

صبري سكت هو فعلا مفكرش كده نهائي

مصطفي: وانت يا سي ادهم ما اتكلمتش ليه؟

ادهم: كنت عايزني اقول ايه؟

مصطفي: تقول اللي حصل تقول ان انا اللي جبت المجلات

دي وانهم بتوعي

صبري وساره اتفاجؤا

ساره: انت بس بتقول كده علشانك؟

مصطفي: ليه مشفتيش معايا مجلات زي دي وانا في سنه؟؟؟

ولا نسيتي

متبصليش كده يا بابا ايوه حاولت اخرجه يسهر معايا او
اعرفه علي بنات بس هو رفض وفي الاخر جبتله المجلات
دي علشان يحس انه شاب طبيعي ما ارتكبش جريمه يعني
وبرضه رفض المجلات وانا سببتهاله غصب عنه في اوضته
انا اسف يا ادهم علي المشكله اللي سببتهالك بس انت
كان المفروض تدافع عن نفسك

ادهم: ادافع عن نفسي واتهمك انت؟ انت جميلك انت
ووالدك عمري ما هنساه عايزني ارد الجميل باني أسوأ
صورتك قدام باباك ومامتك؟ ده الصح؟ وبعدين حتي لو
قلت هما كانوا هيصدقوني؟؟ هما مستنين مني غلطه
علشان يطردوني وانا عارف ان وجودي مش مرغوب فيه
فهفرض نفسي ليه؟؟

صبري: لا لا لا متقولش كده انت مش فارض نفسك انا
اتبنيته بارادتي محدش فرض عليا ده ولما اخدت القرار
ده اخدته انا محدش عرف بيه لا مصطفى ولا مراتي وانا
مسؤل عنك لحد ما تتخرج وتقف علي رجليك وسامحني
اني اتهمتك سامحني انا اسف

ادهم: لا العفو حضرتك اكبر من انك تعتذرلي

صبري: طيب اطلع بقي اوضتك ولو سمحت ياريت تدافع
 عن حقك وطالما ليك حق خده متتنازلش عنه
 صحي ادهم من ذكرياته الي عايش فيها مش عارف يخرج
 منها زي ما تكون ذكرياته دوامه بلعاه ولا عارف يخرج ولا
 بيموت ويرتاح

تاني يوم اخر النهار وليلي خارجه من المدرسه من حصص
 التقويه اخر النهار لمحت ماكس ماشي ندهتله وهو راحلها
 ليلى: وحشتني ياتري صاحبك فين؟؟؟
 بصلها وانتبه

ليلى: انت فاهمني؟؟؟
 الظاهر اني اتجنتت وبتكلم مع بكلب
 لو فاهمني خدني عند ادهم فاهم ادهم
 هز الكلب ديله ومشي كام خطوه وبصلها
 ليلى: ايه مش فاهمه انت هتاخدني؟؟
 رجع الكلب ليها وشدها من هدومها
 وهيا مشيت معاه

دخل وسط الشجر اترددت وخافت لانها جبانه جدا والنهار
 في اخره وشويه والشمس هتغيب افرض الكلب جري منها
 ترجع ازاي؟؟

وقفت متردده والكلب مستنيها وفي الاخر حسمت ترددها
ومشيت وراه ومسكت ديله علشان ميبعدش عنها
واخيرا لمحته قاعد بعيد وساند علي شجرة ومدىها ظهره
ادهم: اخيرا ظهرت يا ماكس
ما اخدش باله من ليلي اللي وقفت مكانها تبصله من بعيد
واخيرا نطقت

ليلي: ديما بتختار مكان بعيد وتقعده فيه
ادهم اتفاجئ بصوتها وقام وقف وبصلها نظره طويله
وبيفكر جديا يجري ياخدها في حضنه او يخطفها من
البلد دي خالص واخيرا عرف ينطق
ادهم: انتي بتعملي ايه هنا؟
ليلي: وحشتني قلت اجي اشوفك فماكس جبني
ادهم: اممم وبعدين

ليلي: بس يا سيدي قلتله ما ينفعش الكلام ده بس هو
اصر

ادهم ضحك وهيا ضحكت
ليلي: ايوه كده محدش واخذ منها حاجه
ادهم رجع قعد مكانه وهيا جت وقعدت قصاده
ادهم: ولو حد شافك وقال لابوكي؟

ليلي: سيبك من ابويا دلوقتي

ادهم: وبعدين؟؟

ليلي: مكنتش اعرف انك جبان قوي كده؟

ادهم: جبا.... جبان ايه؟ انتي متخيله اني خايف من
ابوكي او اهل البلد دي كلها؟ انا خايف عليكي انتي مش
عايزك تتخانقي معاه او تزعلو من بعض بسببي

ليلي: ولو اتخانقنا بسببك فيها ايه؟؟

ادهم: مش عايزده انتي متعرفيش قيمه الاب ومعيشتish من
غيره فحاسه انه عادي انك تزعليه بس لو جربت الحرام
مكنتيش قولتي كده

ليلي: عارفه يا ادهم قيمه الاب كويس بس ده ما يمنعش
اني يكون ليا حياه خاصه

ادهم: اختاري حد مناسب ليكي

ليلي: القلب اللي بيختار مش احنا

قربت منه قوي ومسكت وشه باديها الاتنين

وهو قلبه كان هيقف من قربها ده

ليلي: ادهم حاول توقف عقلك شويه مش كل حاجه

بتتحسب بالعقل فكر بده واديله فرصه يدق

حطت ايدها علي قلبه

ادهم: انا معنديش قلب علشان يدق

ليلي: بجد؟؟ هتاكد بنفسي

وحطت راسها علي صدره واخيرا جت اللحظة اللي بتتمناها

واتمنت لو تفضل كده علي طول او هو يضمها باديه او هيا

تلف ايديها حواليه بس حاليا اكتفت بكده وهو قلبه

مش كان بيدق قلبه كان هيخرج من مكانه ومعرفش

يتحكم في انفعالاته

ليلي: امم فعلا انت معندكش قلب خالص

ادهم: ليلي انا ما انفعش

ليلي: وليه متنفعش؟ ومتقولش ابوكي

ادهم: بعيد عن ابوكي انا معرفش اصلا يعني ايه حب

وعمري ما حببت ولا اتحببت قبل كده وعائش في عزله انا

راضي بيها لكن لو حببت وجربت الحب وجربت الاهتمام

من حد وبعدها ارجع لوحدي تاني مش هستحملها لاني

دوقت طعم الحب.. لكن قبل كده ايوه عارف اني مفتقد

الحب في حياتي.. اي حب مش شرط حب حبيب.. حب اب او

ام او اخ او صاحب بس مجربتوش فمتحمل وحدتي وراضي

بيها لكن لما اجرّب واعرف طعمه مش هرضي بالوحده

تاني وهتعذب فوق عذابي ..

ليلي انا مش حمل رفاهيه الحب يارب تكوني فهمتيني
 ليلي: فهماك بس ليه مفترض ان بعد الحب هترجع
 لوحدتك تاني هو انا مش كفايه عليك؟
 ولا انت عندك استعداد تحب بس مش انا وانا فارضه نفسي
 عليك؟ ولا ايه يا ادهم؟؟
 ادهم: تاني فارضه نفسك دي؟؟؟ ليلي انتي حله معنديش
 الجراه اني احلمه افهمي

ليلي: ليه؟؟ انا اهو ماده ايديا الاتنين انت اللي رافض
 تمسكه

ادهم: لاني زي الغريق الي بيموت وخلص تقبل موته ده
 بس فجاه تتمد له ايدين فتديله امل واول ما هيمد ايده
 هتختفي الايدين دي

ليلي: مش هتختفي امسك انت بس ايدي وانا مش هسيب
 ايدك ابدًا

ادهم: همسكها وهتسيبها وده شيء اكيد
 ليلي: بطل تاخد قراراتي نيابه عني لو سببت ايدك يبقي
 انت اللي سيبتها مش انا... طول عمري ببقي عارفه عايزه ايه

وواثق منه وانا عايزاك انت وبس.. لكن انت اللي خايف
تقرب

ادهم: لانك هتكوني جرح جديد يتضاف وده شئ انا
واثق منه وهتكوني اكبر جرح في حياتي
ليلي: يعني ايه؟؟ عايزني ابعد عنك
ادهم: لا يا ليلي مش عايزك تبعد عايزك تفضلي وعمايز

حاجات كتير بس مش ده المهم

ليلي: لا ده المهم عايزني ولا لا؟؟

ادهم: عايزك

ليلي ابتسمت ومسكت ايده

ليلي: يبقي ما تسببش ايدي واستحمل اي حاجه علشاني

ادهم: مش هسيبها

ليلي: الدنيا ليلت انا لازم اروح قوم بقي خرجني من هنا

لاني جبانه جدا وبخاف من الظلمه موت ومن الشجر

والحاجات دي بالليل

ادهم: بتخافي من الشجر ليه بالليل؟؟

ليلي: بسمع حاجات كتيره عن الاماكن دي بالليل مش

حلوه

ادهم: وايه اللي مش حلوه؟؟

ليلي: لا مش هنتكلم عن حاجات زي كده دلوقتي قوم
روحني

قام ومشى قدامها خطوه يدوب

ليلي: ادهم امسك ايدي

ادهم: متخافيش يا ليلي انا معاك

مسك ايدها ومشيت جنبه وهتموت من الخوف من الضلمه

والشجر وكل حاجه حواليا متخيلاها اشباح وفي لحظه

حاجه شبكت في شعرها فصرخت

ليلي: اه في حاجه مسكتني يا ادهم

ادهم: مفيش حاجه يا ليلي اهدي ده فرع شجره مش اكر

ليلي خايفه كده ليه؟؟

خبت راسها في صدره

ليلي: مش قلتلك جبانه انا عايزه امشي انا قدامك مش

وراك

طلعها قدامه خافت اكر

ليلي: لا برضه

ادهم حط ايده حواليا وضمها وخبي راسها في صدره

ومشاها جنبه ومخبيه وشها وماكس ماشي جنبها لحد ما

خرجوا من الجنان وهيا اتشاهدت

ادهم: للدرجادي

ليلي: واكثر

ادهم: انا مش هينفع امشي معاكي اكر من كده

ليلي: لا طالما خرجنا من الضلمه الباقي عادى

ادهم: ماكس هيمشي وراكي لحد ما توصلي ماشي

ليلي: ماشي هشوفك بكره بس في النهار انا ممكن ازوغ

من الشغل ساعه في النص كده

ادهم: مش عايز مشاكل

ليلي: يوووووه بص كل واحد يهتم باموره سيبنى انا ادبر

اموري وانت بس قولى هتكون قاضي ولا

ادهم: علشان خاطر ك افضي

ليلي: خلاص ابعتلي ماكس ياخدني لعندك

ادهم: اتفقنا من عشره هيستناكي بره المدرسه

ليلي: ماشي خلي بالك من نفسك سلام

مشيت خطوتين ورجعت جري تاني

ادهم: ايه مالك؟

ليلي رمت نفسها في حضنه وضمتها جامد بس المره دي هو

كمان ضمها للحظات وبعدها بعدها عنه براحه

ادهم: احنا في النور وممكن اي حد يشوفنا

ليلي: مفيش فايده فيك سلام


ادهم: سلام

مشيت وسابته وهو قرر انه يكمل معاها مهما تكون
النتيجة هو عارف انها حلم بس علي الاقل يبقى عنده
الذكريات يعيش عليها

ادهم اول ما روح اتفاجئ بناس مستنياه واول ما شافوه

عم محمود: سيادتك كنت فين؟؟؟

قلب ادهم وقع ممكن يكون حد شافه مع ليلي؟؟ ممكن
يسببها مشاكل؟ طب يرد يقول ايه؟ ويدافع عنها ازاي



الحلقه السادسه

ادهم رجع علي الكرفان وكان في انتظاره مجموعه من

ضمنهم عم محمود ابو ليلى

عم محمود: انت كنت فين؟

ادهم ارتبك ومعرفش يرد وخاف علي ليلى

مدير الشرطه: واحنا هيهنا في ايه هو كان فين؟

عم محمود: مش المفروض يكون علي طول موجود علشان

لو حاجه حصلت ولا هو فاكر نفسه جاي يستجبر هنا؟

ادهم: انا علي طول موجود وتليفوني معاكم وممكن

تتصلو بيا اكيد مش هفضل هنا ال 24 ساعه ولا ايه؟

مدير الشرطه: المهم احنا اخيرا اقنعنا اهالي البنات اللي

اتخطفو قبل كده انه يتكلمو معاك ومن بكره

هتقابلهم بس خلي بالك الموضوع ده حساس والكلام

يكون بحساب كفايه اللي هما اتعرضوله

ادهم: خلاص مفيش مشكله وهخلي بالي في الكلام

معاهم وبعدين انا عايز اي معلومات عن مكانهم فمش

هتكلم خالص عن اغتصابهم او اي حاجه تجرح. بس

الموضوع ده هيكون امتي؟

مدير الشرطه: بكرة بإذن الله

ادهم: ايوه فهمت انه بكرة بس بسال امتي؟

عم محمود: اي وقت ولا سيادتك وراك ايه غير

شغلک؟؟؟؟

ادهم مسيطر علي اعصابه بالعافيه

ادهم: مش فاضي فتره الصبح عندك مانع يا عم

محمود؟؟؟

محمود: انا مش عمك ومتقولش عمي انا ميشرفنيش اكون

عم واحد زيک

الكل اتصدم من كلام عم محمود الجارح اللي من غير

سبب بس عم محمود كان متضايق ان ادهم بيقبل فطار من

بنته وانه وافق انها تجيله مكانه فكان عايز يعرفه

حدوده

ادهم كمان اتصدم من كلامه دي قالت مره يسمع الجملة

دي

اول مرة كان ابوه

تاني مره ابوه اللي اتبناه

تالت مره ابو حبيبته

ومش فاهم ايه الغلط اللي بيرتكبه في حقهم علشان

يعاملوه كده

مدير الشرطة: معاش يا ابني هو مش يقصد احنا متأسفين
 ادهم: ولا يقصد مش مهم انا قلتها من باب الاحترام مش
 اكرمش قصدي انك تكون عمي بس الكل بيندهلك
 كده ما علينا المفروض اقول لحضرتك ايه؟؟

عم محمود: متقوليش متوجهليش كلام اصلا

كلامك يا مع العمده او مدير الشرطة

ادهم: خلاص المهم بكرة هقابلكم وقت صلاه العصر

واقابل الناس ودلوقتي بعد اذنكم

سابهم ومشي

عم محمود: قليل الذوق يمشي كده

العمده: والله انت اللي زودتها قوي معاه وكويس اصلا انه

مستحملك ولسه قاعد في البلد

عم محمود: ياريتة يغور من هنا انا اصلا مش طايقه ولا

طايق شكله

مدير الشرطة: هو انت هتناسبه؟؟ هو هيقضي مهمته

ويتكل علي الله وساعاتها هنكون مديونين له

عم محمود: شكله ولا هيعمل حاجه

مشيوا كلهم وبعد ما مشيوا طلع ادهم وماكس يتمشوا في
 البلد والكل بيشوفهم بيوسع خالص خوفا منهم الاتنين
 وادهم دماغه في ابو ليلي وعلاقته بليلي كان نفسه
 يواجهه ويقول له ان بنته بتحبه وسكت بالعافيه وبيفكر
 يروح ليلي ويعمل معاها كل اللي ممكن يتعمل بين شاب
 وبنت علشان بس يخلي ابوها يتلم وهو بيكلمه وفعلا قرر
 انه اول ما يشوف ليلي الصبح ميعملش حساب لا لا خلاق ولا
 لاي حد

طلع النهار وفعلا ماکس وقف استني ليلي واخذها لمكان
 ادهم مكان برضه وسط الجنانين مقطوع واول ما شافها قلبه
 اتخطف
 ليلي: صباح الخير

ادهم: صباح النور في اي مشاكل قابلتك؟؟

ليلي: لا ابدأ، قدامي ساعه معاك

ادهم: ساعه بس؟؟

ليلي: كفايه عليك متبقاش طماع

ادهم: عمري ما كنت طماع تعالي نقعد

قعدوا تحت شجرة علي الارض

ليلي: عملت ايه امبارح بعد ما سيبتك؟؟

ادهم: مفيش رجعت كان ابوكي والعمده والمدير

مستنيني

ليلي: ومالك متضايق ليه؟؟؟

ادهم: ابوكي مش طايقني وامبارح تقريبا كنا هنشد مع

بعض

ليلي: استحمله علشان خاطري هو بس يعرفك وكل حاجه

هتتغير

ادهم: هههههه يعرفني؟؟؟! ابوكي عمره ما هيتغير من

ناحيتي

ليلي: ليه بس بتقول كده؟؟؟

ادهم بص للارض وساكت

ادهم: امبارح ضايقتني قوي وقالتي مقولوش يا عمي وانه

ميشرفوش انه يكون عمي اتضايقت منه قوي لدرجه

ليلي رفعت راسه علشان يبصاها ويكمل كلامه وقربت منه

اكثر

ليلي: لدرجه ايه؟؟؟ كمل

ادهم: لدرجه اني فكرت اضايقه بيكي وانتقم منه باني

ليلي: بانك ايه؟؟؟ تغلط معايا مثلا وتحط راسه في

الارض؟؟؟

ادهم: مثلاً

ليلي: ودلوقتي بتفكر ازاي؟؟؟ لسه عايز تعمل ده؟؟؟
 ادهم: لو لسه عايز اعمله مكنتش هقولك ولا ايه؟؟ انا
 تعبت... تعبت من كل اللي بيحكم عليا من غير ما
 يعرفني.... اعرفوني الاول وبعدها احكموا.... ادوني

فرصه

ادهم سكت واتنهد تنهيدة طويله حزينه
 ليلي: سيبك من الناس كلاها هو انا مش كفايه عليك؟
 اديني اهو جنبك وبحبك وهفضل جنبك
 ادهم مسك ايدها وباسها هيا حطت وشها في الارض .
 ادهم: جنبي بس لحد امتي؟؟؟
 ليلي: لحد ما تبعدني انت

ادهم: عمري ما هبعدك ابدا ابدا... ليلي انا ما صدقت

لقيتك

ضمها جامد لحضنه وكأنه عايز يدخلها جواه وهيا
 استكانت بين ايديه وكأن ده مكانها الطبيعي حضنه
 كان اجمل حاجه حصلت لها
 بعدت عنه براحه وبصتله بحب

كانت محرجه جدا فغيرت الجو والموضوع كله

ليلي: قللي بقي؟

ادهم تقبل غيرها

ادهم: اقولك ايه؟

ليلي: انت خريج ايه؟؟

ادهم بابتسامه: اقتصاد منزلي

ليلي ضربته: انت بتتريق؟؟

ادهم: مقدم ادهم هكون خريج ايه يعني؟؟؟

ليلي: مش قصدي يا فصيح.. قصدي يعني شرطه حربيه

اكاديميه عسكريه ولا دخلت الجيش واستمررت ايه

بالظبط؟؟؟

ادهم: امم اولاً خريج الحربيه بيشتغل في الجيش بس

وبتوع الاكاديميات مبيوصلوش للمخابرات ابداً اما اللي في

الجيش فده هيكون بيشتغل تبع الجيش اه بس في مجاله

ليلي: يجري ايه لو قلتلي شرطه وبس

ادهم ضحك: مش بفهمك الفرق بينهم اسف يا ستي انا

خريج شرطه

ليلي: طب الحادته حصلتلك قبل ما تدخل الكليه ولا

بعد؟؟

ادهم: قبلها بكتير الحادثه حصلتلي وانا 15 سنه كنت
في ثانوي وبعدين ضيعت سنتين سنه الحادثه واللي وراها
ذاكرت في البيت وبعدها دخلت الكليه

ليلي: طب قبلوك ازاي وانت

مكملتش لانها خافت تجرحه

ادهم: وانا مشوه صح؟

ليلي: مش قصدي بس اسمع ان بتوع شرطه في كشف هيئه
ومش بيقبلو اي حد

ادهم: هنا خدمني الحظ ودي المره الوحيده اللي خدمني
فيها

ليلي: ازاي؟

ادهم: الراجل اللي اتبناني كان دكتور كبير وله وزنه في
البلد وساعتها كان وزير الداخليه عنده وعمله عمليه
وانقذ حياته وصدفت ساعتها اني فاتحته اني عايز ادخل
شرطه وطلبت يساعدي فكلم الوزير وقاله ان ابنه عايز
يدخل شرطه بس خارج من حادثه ووشه فيه كام جرح
والوزير طبعا مشفنيش فوافق انه يساعده وعلمي توصيه
انهم يقبلوني فورا وفعلا مع اعتراضهم عليا الي انهم
قبلوني غصب وبس يا ستي

ليالي: وطبعا كانو بيعاملوك ملك ده انت واسطتك وزير
الداخلية نفسه صح؟

ادهم ابتمس بحزن واقتكر عذابه في الكليه
ادهم: ملك؟؟؟ وانهي ملك!!! كنت فعلا ملك لدرجة اني
لما دخلت العنبر الي هستقر فيه كل الطلبة خرجت
ونادوا القائد واعترضوا علي وجودي والقائد لما شافني
استغرب هما ازاي اصلا قبلوني ونادوا علي عميد الكليه
لان اكيد في لبس في الموضوع بس العميد قال انه
مضطرين يقبلوني ويحطوني في اي مكان فاخترولي اوضه
صغيره علشان محدش يتضايق مني
ليالي: اوضه خاصه احسن من عنبر كامل علي الاقل تبقي
براحتك

ادهم: اوضه كانت مخزن صغير لعدده تنظيف يدوب تكفي
واحد بالعافيه

ليالي: وعاملوك ازاي؟؟؟

ادهم: كنت مميز وكانو رافضيني فعائزين يطفشوني
فكانت ليا معامله خاصه

ليالي: ازاي؟؟

ادهم: يعني صحباني مثلا قبل الكل لو الصف هيجري 2

كيلو مثلا كتمارين يبقي انا 3 كيلو، لو يعملو الضغط
50 مره يبقي انا اعمل 100 كل حاجه كانت بتتضاعف

عليها علي اساس اتعب واستسلم

ليالي: عمرك ما استسلمت؟؟؟

ادهم: مكنتش ينفع استسلم اصلا،، كنت هروح فين؟؟؟

لبيت ناس رافضيني وكتر خيره قوي انهم اتبنوني

وساعدوني اني ادخل الكليه دي،، بكل المقاييس كان

لازم استحمل واكمل بس المشكله اني كل ما استحمل

واعمل المطلوب كانوا بيزودوا الضغط عليها ويمكن ده

اللي خلاني حاليا ظابط ليا وضعي اني مهما اقابل حاجات

صعبه فانا عديت بالاصعب

ليالي: طيب الاجازات كنت بتعمل فيها ايه؟

ادهم: مكنتش باخد اجازات ياما لاني انا مش عايز يا اما

هما بيخترعولي اي حاجه علشان يمنعوني من الاجازه بس

لما اخدوا بالهم اني اصلا مش عايز اجازات بطلو يمنعوني

بس برضه مكنتش بنزل

ليالي: ليه؟؟

ادهم: هنزل لمين وليه؟؟؟

ليالي: وزمايلك محدش صاحبك ابد؟؟؟

ادهم: في اول سنه لأ الكل كان واخذ جنب مني وبعدها
اتعرفت علي كام واحد ساعدتهم فاضطروا يتعاملوا معايا

ليالي: احكيالي اتصاحبت عليهم ازاي؟؟

ادهم: اول واحد اسمه رائد وده في يوم كان عندنا اختبار
للتحمل فطلبو نجري مسافه طويله ولازم نكمل لالاخر وزي
ما قولتلك انا بيطلب مني اكثر ساعتها كان مطلوب منهم

يجروا 3 كيلو وانا 5 كيلو

ليالي: وهو في حد يقدر يجري المسافه دي؟

ادهم: بالتدريب اه واكثر كمان وبعدين محدوش وقت
المهم بس تكمل لالاخر

ليالي: وبعدين

ادهم: وانا بجري لقيت رائد ده علي الارض ورجله مكسوره
او مجزوعه وطبعاً لان اصحابه لازم يكملو الاختبار سابوه
علي اساس لما يوصلو يبعثوله مساعده فلما شوقته وقفت

واتكلمت معاه

بدا يحكيها

ادهم: محتاج مساعده؟؟

رائد: شكرا اصحابي هيبعثولي مساعده

ادهم: لو عايز انا ممكن اساعدك؟

رائد: متشكر اتفضل

ادهم: انت حربس خلي بالك لما تجياك المساعدة هنا

هتعتبر سقطت في الاختبار

رائد: عارف انت فاكربي مش عارف

ادهم: واصحابك ما ساعدوكش ليه معاهم

رائد: ومين هياخر نفسه علشان خاطر حد

ادهم: انا مستعد اشيلك لحد ما توصل انت خلاص فاضلك

كيلو وتوصل

رائد: وهتستفاد ايه؟؟

ادهم: مش شرط استفاد عادي

رائد: ايوه هتعمل ده مقابل ايه؟؟؟

ادهم: مقابل؟؟؟ انت محتاج مساعده وانا اقدر مقابل ايه

اللي بتتكلم عليه علي العموم انت حر سلام انا لسه

فاضلي 2 كيلو بعد اذنك خليك مستني

ولسه هيكمل جري

رائد: استني ارجوك ساعدني لو تقدر

ادهم قرب عليه وركبه علي ظهره ومشى بيه لحد ما وصله

والكل استغرب انه عمل كده لانهم كلهم ديما بيحبوا

يضايقوه حتي القائد استغرب من تصرفه وصله ونزله
ونجحه في اختباره

القائد: هو نجح انت لسه؟

ادهم: هكمل تمريني لالاخر

ادهم نزل حملة من علي ظهره وكمل المسافه اللي فاضله
مهما كان التحدي كان بيقبله

بعدها بفترة قابل رائد اللي اتشكره لانه ساعده
رائد: ده جميل مش هنساه بس اسف انا مش هقدر اكون
صاحب ليك اسف مش نداله بس الكل و... منظري.... و
ادهم: انا مطلبتش منك انك تكون صاحب ومعملتش ده

علشان اقرب من حد بعد اذنك
ادهم متعود انه لوحده ومش عايز حد

ليلي: لا بقي دي اسمها نداله

ادهم: مش نداله بس لو هو صاحبي اصحابه هيسيبوه
ليلي: ما هما اصلا سابوه مرمي ومحدث فكر يعمل زيك
ادهم: تفكيرهم ساعتها كان في الامتحان وانهم ينجحوا
وبس

ليلي: هو انت علي طول كده؟؟

ادهم: كده ازاي يعني؟

ليلي: بتحط اعداز؟

ادهم: للأسف ايوه

ليلي: وبعدها اتصاحبتوا بقي

ادهم: مش اتصاحبنا بالمعني اللي انتي فاكره انا ماليش

اصحاب اصلا بس علي فترات كان ممكن نتكلم

ليلي: اتعرفت علي حد ثاني؟

ادهم: واحد ثاني كان اسمه طارق كان هو واصحابه

بيلاعبوا كوره وانا واقف بعيد وهما بيلعبوا طارق شات

كوره جامده حبتين جت في عربيه القائد نزلتله قزاز

العربيه في الارض

كلهم اتجمعوا وخافوا لانه بيعشق عربيته دي والمشكله

ان طارق كان عنده فرح اخوه جاي ولازم ينزل اجازه

وطبعا بعد اللي حصل هيتجازي طلب من اصحابه حد يشيل

الليله عنه محدش رضي كل واحد عنده ظروفه وجه

القائد واول ما شاف عربيته اتجنن

القائد: مين فيكم اللي شات الكوره كده؟؟؟

الكل ساكت وخايف يرد

ادهم: انا اللي شتها انا اسف بس جت في العربيه غصب

عني

كلهم بصولو باستغراب لانه اتدخل لتاني مره يساعد حد

ميعرفوش

حتي القائد كان عارف انه مش هو لانه استحاله يكون

بيلاعب معاهم بس حب يعاقبه علي تدخله

القائد: انت؟؟؟ كنت بتلاعب معاهم؟؟؟

ادهم: لا بس شوتلهم الكوره واتحولت شويتين فجت في

العربيه

ادهم كان ممتاز في النشان والقائد عارف ده

القائد: امم طبعا انا مش هجرمك من اجازتك لان انت

اصلا مبتهتمش بالاجازات انت هتتجازي بطريقه مبتكره

ادهم: انا مستعد لى حضرتك تقرر

ادهم كان القائد بيتعبه النهار كله واخر النهار بدل ما

يرتاح يبدأ ينفذ عقابه بحيث يستمر لحد الساعه 3 فجرا

في اي شغل يخترعه القائد مره يخليه ينضف العربيات

ويغسلها ومره يطلب منه ينضف الاسلحه كلها ومره طلب

منه ينضف اسطبل احصنه التدريب وكل يوم يرهقه لحد

الساعه 3 الفجر ومطلوب يصحي 6 لتمرينه

طبعا الطلبة كلهم بدا يصعب عليهم وخصوصا طارق اللي

بفضله حضر فرح اخوه

مدته العقاب المفروض شهر بس بعد أسبوعين طارق راح
للقائد واعترفه بالحقيقه فاضطر انه يعفي عن ادهم
ومرضيش يجازي طارق
ليلي: وبقيتو اصحاب؟؟

ادهم: ما انا قولتلك معنديش اصحاب بس زمايل ممكن
نتكلم بس وبطلو يضايقوني بالكلام كلهم عدلوا
معاملتهم معايا وبقم بيعاملوني باحترام وده كان كفايا
ليلي: والقائد؟؟

ادهم: معاملته ما تغيرتش ابدا بس لما اتخرجت كان عارف
اني اكفاً واحد في الدفعه فهو اللي رشحني في مجال
المخابرات وخلاهم قبلوني وده وصلني للي انا فيه دلوقتي
واشتغل معايا رائد وطارق ومازلنا زمايل بس برضه مش
اصحاب لكن لو طلبت منهم اي طلب ما بيتاخروش ابدا
ليلي: حياتك كانت صعبه قوي.... طب انت كنت في
ملجأ والراجل الجراح ده اتبناك طب اتبناك ليه لو مش
عايزك؟؟؟

ادهم: لا يا ليلى أنا مكنتش في ملجأ
ليلي: امال ايه؟

ادهم: علي فكره الساعه خلصت والمفروض ترجعي

شغلک

ليلي: انت بتوزعني؟؟؟ ماشي ماشي

ادهم: مش بوزعك بس خايف عليك لحد يضايقك لو

اتاخرتي

ليلي: امر علي العموم وقت ما تثق فيا كفايه ابقى

احكي لي وانا هسمعك

ادهم: مش موضوع ثقه انا مش مستعد اتكلم مش اكثر

دي كلها جروح متفتحه والكلام هيتعب مش هيريح

ليلي: عايزه اعرف كل حاجه عنك. كل حاجه...

عايزاك كتاب مفتوح قدامي

ادهم: وهو انا مش كتاب مفتوح؟؟

ليلي: لا انت مكتوب بطلاسم مش عارفه اقراها

ادهم: ما انا بقراها لك اهو

ليلي: وانا معاك لحد ما تكون مستعد تكمل قرايه المهم

هشوفك امتي؟؟

ادهم: مش عارف شوفي ظروفك ايه وباغيني

عطاها تليفونه علشان تعرف تكلمه

وقام معاها يوصلها لحد ما يخرجوا من الجنائن

ليلي: خلاص كده

ادهم: طب يالا بقي علي شغلک

ليلي: خلي بالك من نفسك

ادهم: وانتی

ولسه هتمشي بس ادهم شدها وحضنها ضمها جامد
ومكنش عايز يسبها تمشي ولا هيا عايزه تمشي عايز يشبع
منها من ريحتها من كل حاجه فيها واخيرا قدر يرخي
ايديه من حوالها وهيا بعدت شويه واتقابلت العيون في
نظره طويله كلها حب ووعود
ليلي قربت منه تاني وكانها بتقوله مسموحلك تقرب وهو
للحظه قرب قوي ويدوب هيلمس شفايفها الي انه بعد وقالها
تمشي علشان متاخرش
مشيت وقلبها حاسه ان صوته الكل سامعه
كانت في قمه سعادتها مش عايزه اي شئ غير انها تكون
معاه وبس
وادهم فرحان بيها وطاير بس ديما حاسس ان الفرحة دي
مش هتستمر

استمرت مقابلاتهم يوم ورا يوم وكل يوم بيحكيها اكثر

عن حياته وعن ابوه وامه وتقريبا ليلى عرفت كل حاجه
عن ادهم وكل ما تعرف اكثر كل ما تتعلق بيه اكثر

وتحبه اكثر

بس طبعا الحياه مش ورديه والمشاكل ما بتخلصش وخلص
وقت الحب وجه وقت اختبار الحب هيواجه المشاكل ولا

هيفضل؟؟؟

مين فيهم هيستسلم الاول ادهم ولا ليلى؟؟!



الحلقة السابعة

استمرت مقابلات ادهم وليلي في السر وتقريبا ليلى عرفت
كل حاجة عن ادهم
حكاها عن ابوه ورفضه ليه وامه وموقفها السلبي منه ديما
واخوه وكرهه ليه واخته الوحيدده اللي حبه
حكاها ازاي عمر ما ابوه شاله او باسه او قاله كلمه
كويسه بالعكس كان ديما يهد فيه حتي لما كان ينجح
مثلا في المدرسه بيتنرفز ؛ اما احمد علي الرغم انه كان
ضعيف الي انه لو نجح بس كان يعمل حفله
كان ديما مضطهد ومش عارف سبب للاضطهاد ده وحكاها
عن ابوه لما جلداه وخرجه من المدرسه وان رد فعل امه انها
من ساعتها بطلت تكلمه نهائي وليلي استغربت ازاي ام
تقاطع عيل عمره عشر سنين وتفضل خمس سنين كامله ما
تكلمهوش وازاي تقبل كل ده
حكاها عن الحادثه والي حصله في المستشفى وكل
الظروف وازاي ربنا بعته مصطفى ده علشان يخلصه بس
كرهت مصطفى علشان الجرح الطويل اللي في ايد ادهم
بس قالها انه لولا الجرح ده الله اعلم كان هيجصله ايه

حكاها عن رفض ساره ام مصطفى ليه
 سألته لما دخل الكليه كان بيقتضي اجازاته ازاي
 قالها انه كان بينضم لمعسكرات تبع الكليه وبيستمر
 فيها وبدأ يدرب كونغفو وكارتيه وتايكوندو وبدأ يدرس
 لغات وكان بيروح البيت في اوقات بسيطه جدا
 سألته امتي ساب البيت
 قالها في اخر سنه ليه في الكليه مصطفى كان خطب
 وهيتجوز بس خطيبته اتخانقت معاه بسبب ادهم لان
 مصطفى كان عايز يقعد مع ابوه وامه وهيا وافقت بس
 رفضت نهائي وجود ادهم
 وهنا طلب من صبري انه يساعده في انه يشوف شقه صغيره
 ايجارها بسيط يقعد فيها
 وفعلا صبري كان عنده شقه صغيره خالي ادهم يقعد فيها
 لحد ما يستلم شغله ويقف علي رجله وبعد كده استقل
 بحياته

وفي شغله وضعه اختلاف مع كل نجاح في مهمه كان
 بيكسب احترام الكل وخوف الجداد وحاليا الغموض
 مغلفه محدش ابداء يعرف عنه حاجه وسمعتة انه مبيرحمش

ابدا لانه جد جدا في شغله ومبيهز رش ولا عنده اصحاب
فالكل بيعمله الف حساب
علاقته اتقطعت نهائي باهله ومازلت مستمره مع صبري
ومصطفي بس في اضيق الحدود

ليلي كانت مع ادهم وكالعاده ادهم معاها بيكون انسان

تاني

ليلي: وبعدين يا ادهم هنفضل كده لحد امتي؟
ادهم: لو مش عايزه تقابليني.....
قاطعته ليلي وحطت ايداها علي بقه علشان ميكملش
ليلي: اوعي تكمل.. اوعي تقول اني مش عايزه اقبالك..
انا عايزه اكر من اني اقبالك. عايزه افضل معاك علي
طول مش عايزه اسيبك ابدا ولا عايزه ابعد عنك عايزه

انام واصحي في حضنك فاهم؟؟؟؟

ادهم: وده نفس اللي انا عايزه يا ليلي؟؟

ليلي: طيب وبعدين؟؟؟؟

ادهم: وبعدين ايه؟؟؟ مش فاهمك

ليلي: ادهم ممكن أسألك سؤال غريب؟؟؟؟

مسك ايداها وباسها

ادهم: اسالي يا حبيبہ قلبي في اي شئ

ليلي بتردد: انت ليه عمرک ...

ادهم: عمري ايه کملی

ليلي: ليه عمرک ما حاولت تبوسني ابد؟؟؟

ادهم ساب ايدها وبص للارض وبيدور علي اجابه يقولها

ادهم: انتي عايزاني ابوسک؟؟؟؟

ليلي: ما تجاوبش علي سؤالي بسؤال

ادهم وقف وادهاا ضهره وبعد عنها شويه

وهيا راحتله ووقفت قدامه

ليلي: ماتهرش مني

ادهم: مش بهرب منك انا بس مش عارف اقولک ايه

ليلي: انت بتحبني صح؟؟

ادهم: انا تخطيت الحب من زمان انا بعشقتک يا ليلي مش

بحبک

ليلي : وعائزني افضل جنبک صح؟؟

ادهم: طبعا انتي بتسالي اسئله غريبه قوي

ليلي: طيب مستني ايه؟؟؟

ادهم: ليلي انا مش فاهمک خالص ومش عارف انتي عايزه

توصلي لايه وسبق وقولتاک اني لاعمری حبيت قبلک ولا

اتحببت وكل اللي بيحصل بيوعيشه معاكي جديد عليا

ليلي: يعني ايه؟؟؟

ادهم: يعني متوقعيش مني تصرف معين ومتستنيش اني

افاجئك بحاجه رومانسيه او اعمل حاجه من الاخر

متوقعيش مني

اللي انتي عايزاني اعمله اطلبية او عرفيني انتي مستنيه

ايه

عارف ان ده مش حاجه حلوه وممله انك تكوني مرتبطه

بواحد مش عارف مطلوب منه ايه بس معلى استحمليني انا

حكتلك كل ظروفى علشان تفهميني... فاهماني؟؟؟

ليلي: فهماك ومقدرة كل ظروفك وبحبك بالرغم من

كل ده

ادهم: يبقي قوليلي صراحه بتلفي وتدوري علي ايه؟؟؟

ليلي: عايزه..... عايزه... عايزاك يعني....

ادهم: عايزه عايزه وبعدين قولى علي طول

ليلي: عايزه افضل معاك علي طول

ادهم: والمطلوب مني ايه؟

ليلي: نتجوز يا ادهم اديني قولتها صراحه اهوه عايزه

نتجوز

ادهم اتصدم ده كان اخر شيئ بيضكر فيه حاليا الجواز
 عمره ما كان في حساباته ابد
 وليلي كمان اتصدمت من رد فعله ده ودموعها اتجمعت في
 عنينا

ليالي: مكنتش متخيله انك هتتصدم كده ..
 ادهم: مش حكاية صدمه الحكاية اني مفكرتش اني
 ممكن اتجوز في يوم

ليالي: امال تخيلت ايه هتسلي بيها طول ما انا في بلدهم
 وبعدها اسافروها تولع ولا ايه؟؟؟

الظاهر اني حكمت عليك غلط بعد اذنك
 ولسه هتمشي مسكها من ايديها الاتنين
 ادهم: انا عمري ما اتسلت بيكي وانت عارفه كده
 كويس وعمري ما تخطيت اي حدود معاك ومفيش اي
 شيئ عملناه مع بعض يخليكي تخجلي او تندمي انك
 معايا

ليالي: كده انا عرفت ليه عمرك ما حاولت تبوسني او
 تقرب مني حتي لما كنت بحاول اقرب كنت بتحط حد
 بينا علشان لما تيجي تمشي تقولي انا ما لمستش شعره
 منك ومش مديونلك بحاجه

ادهم: ايه اللي بتقوليه ده؟ فجاه انا بقيت انسان اناني
لدرجة دي انا بحبك وانتى عارفه ده كويس واكيد
حسيتيه

ليلى: اللي بيحب حد بيبقى عايزه جنبه علي طول
ادهم: وانا مش عايزك جنبى فى كل لحظه وثانيه
كمان؟؟؟؟ انتى خلّيتينى لأول مره احس انى انسان واعيش
وانى من حقى اتنفس زى الناس انا كنت اقتنعت انى مسخ
زى ما بيسمونى وانى سفاح ومعنديش قلب واكتشفت انى
عندي قلب بيحب ويبدق زى كل الناس انتى خلّيتينى لأول
مره اعيش ولأول مره احب واتحب
ليلى: وعلشان كده عايز تسيبني؟؟؟
ادهم: انا عايز اسيبك؟؟؟؟ انا عايز افضل جنبك لا طول
فتره ممكنه عايزك معايا

ليلى: وعلشان عايزني معاك مش عايز تتجوزني؟؟؟ بجد انا
مش فاهماك انت بتفكر ازاي؟ بتحبني بس من بعيد
لبعيد

ادهم: انتى متخيله انى عمري ما حلفت انك تكوني
شريكة حياتي واننا نعيش ونكبر مع بعض وانى اعيش
عمري فى حضنك؟؟؟

ليالي: ولما انت حامت بده اتصدمت ليه لما قلتلك

نتجوز؟؟؟

ادهم: لانك كده بتنهي الحلم الجميل اللي انا عايشه

وهتصحيني علي كابوس الواقع

ليالي: قصدك ايه؟؟؟جوازك مني هيكون كابوس؟؟؟

ادهم: جوازي منك ده هيكون اجمل شئ ممكن

يحصلي؟؟؟

ليالي: امال ليه بتقول هصحيك من الحلم؟؟؟

ادهم: انتي بجد مش فاهمه؟؟؟؟

ليالي: مش فاهمه اي حاجه

ادهم: في اللحظه اللي هتفتحي فيها سيره الجواز هتنتهي

علاقتي بيكي وده اللي انا خايف منه

ليالي: يعني ايه؟؟

ادهم: يعني مين هيسمحلنا نتجوز هاه؟؟؟؟ ابوكي

هيوافق؟؟؟ عيلتك هتوافق؟؟؟ مجتمعك ده هيوافق؟؟؟؟

ليالي: طظ فيهم كاهم ميهمنيش حد غيرك

ادهم ضحك بحزن

ادهم: هتقاطعهم علشاني؟؟؟؟

ليالي: هقاطع الدنيا كلها وكفايه انت

ابتسم ادهم بحزن

ادهم: وكفايه عليا قوي اني اسمع الكلام ده منك

ليلي: انت ليه مفترض انهم هيرفضوا؟؟؟

ادهم: ابوكي مش بيطقني ادافع عن بلده هيوافق عليا

جوز بنته

ليلي: انا هقنعه

ادهم: مش هيقتنع ومش هيوافق

ليلي: انا وراه لحد ما يوافق انت مش متخيل هو بيحبني قد

ايه

ادهم: لا انا عارف انه بيحبك وعلشان بيحبك عمره ما

هيوافق ابدا ابدا... عمره ما هيوافق يجوز بنته لواحد

شايفه شيطان او مسخ

ابوكي قال ان ابليس لو شافني يستعيز مني متخيله ده

فهل ممكن يجوز بنته لشخص شايفه أسوأ من ابليس

نفسه؟؟؟

ليلي: هخليه يشوفك زي ما انا شايفاك يشوفك بعيوني

ادهم: مش هيسمعك ... ابويا نفسه معرفش يشوفني هو

هيشوفني؟؟؟

ليلي: هتجوز غصب عنه واخليه يوافق غصب

ادهم: وعلي اساس اني وافقت نفترض انه اتبري منك
وطردك من بيتك وعيلتك هجرتك بسبب خروجك
عن طوعه،؟؟؟؟

ليلي: هتكون انت معايا وده الي يهمني
ادهم: وانت متخيله اني ممكن اتجوزك بالطريقه
دي؟؟؟؟ واكون سبب طردك من بيتك

ليلي: لو بتحبني ايوه؟؟؟
ادهم: لو بحبك؟؟؟؟ علشان بحبك عمري ماهرضي ابد
بده ولاني عارف طعم الطرد من البيت عمري ماهرضي ابد
تدوقيه انتي مش عارفه قد ايه بتوجع انك تتطرد من
بيتك وتتكريه من اقرب الناس ليكي وانك تتمني بس
حزن او حتي مجرد كلمه

انا كان اقصي امل ليا ولحد دلوقتي اسمع من امي كلمه
واحد يا ليلي تخيلي اقصي امنياتي اسمعها تقولي كلمه
انت عارفه انا لحد دلوقتي بغيب واكلمها في التليفون
علشان اسمع منها بس كلمه الووو لانها مبتقولش غيرها
وبعد ما بتعرف انه انا بتسكت تخيلي تكون اقصي
امنياتك كلمه؟؟؟ عمري ماهرضي ابد اعيشك ده
ليلي: انت ناسي انك هتكون جنبي؟؟؟

ادهم: مش هعوضك ابدأ عنهم وخصوصا ان انتي جربتي
 حضنهم وخوفهم وحنانهم فهتفتقديه وبعدها مع الوقت
 هتكرهي الي بعدك عنهم

ليالي: يعني انا مش معوضاك عنهم؟؟

ادهم: علي الرغم من اني عمري ما دقت طعم حضنهم الي
 اني بتمناه ايوه انتي مليتي حياتي وعوضتيني عن كثير
 وغيرتيني بس برضه بتمني حضنها ولو بس مره

ليالي: يبقي خلاص نفضل وراهم لحد ما يقتنعوا وهيقتنعوا
 بس المهم ان انت متخلاش عني

ادهم: انا عمري ما هبطل احبك ابدأ وده وعد مني

ليالي: صدق الوعد ده

ادهم: اصدقه ازاي؟؟؟؟

ليالي: انك تبوسني زي اي عاشق بيبوس معشوقته

ادهم بعد عنها وعطاها ضهره وبص للارض

ليالي: ممكن اعرف انت بتفكر في ايه بالظبط وليه رافض

ده؟ المفروض انك تتمني ده؟؟؟

ادهم: وانا بتمناه في كل لحظه

ليالي: وانا بقولك اهوه انا ملكك

ادهم: ياريت

ليالي: ادهم حبيبي (مسكت وشه بايديا) بتفكر في
اياه؟

ادهم: اقولك بفكر في ايه وما ترعليش؟؟؟

ليالي: قول ومش هزعل

ادهم: مش عايز ابوسك علي الرغم اني ممكن ادفع
حياتي تمن لده بس مش عايز لاني مش عايزك يجي يوم
تتجوزي فيه وجوزك ما يكونش اول راجل باسك
ليالي ودموعها نازله: انت هتكون جوزي واول
راجل تبوسني واجر راجل فاهم

ادهم: مش هنضحك علي بعض.... انا عمري ما هكون
جوزك وجوزك من حقه انه يكون اول راجل يلمسك
ليالي: انت هتكون جوزي والنهارده هكلم ابويا وهقوله
وهتيجي تتطلبني منه فاهم؟؟؟

ادهم مسك وشها بايديه وببصله زي ما تكون دي اخر
مره هيشوفها عايز يحضر ملامحها جواه

ادهم: يبقي النهارده اخريوم هشوفك فيه عرفتي ليه
اتصدمت لما قولتي نتجوز لاني عارف ان ده هيكون بدايه
النهايه

ليلي ودموعها مغرقه وشها

ليلي: مش اخر مره وهتشوف بس انت ما تهربش بس
ادهم ضمها لحضنه وهيا عيطت بصوتها كله في حضنه
وهو دموعه نزلت غصب كان نفسه الحلم يطول شويه بس
كل حلم مهما يطول لازم يخلص

ادهم: انتي اتاخرتي

ليلي: مش مهم.... انا بحبك قوي يا ادهم
ادهم: وانا يا ليلي بحبك فوق ما تتخيلي
ليلي: يبقي حقيقي اللي بتمناه عايزه ادوق طعم اول بوسه
في حياتي من حبيبي حتي لو مش هنتجوز عايزاها منك
انت

ادهم: انتي مش قلتي انا هنتجوز يبقي لما نتجوز يالا
عشان اروحك

ومسك ايدها وبدوا يمشوا وهو في حرب جواه
لحد ما وصلو لآخر مكان ينفع يمشي معاها فيه
ادهم: هستني تليفونك تتطمنيني عمليتي ايه ولو ما
اتصلتيش هفهم اللي حصل

ليلي: هتصل واحد معاك معاد تيجي البيت
ادهم ابتسمها لاحلامها الوردية

وساب ايدها ومشيت خطوه وقلبه بيصرخ متسبهاش تمشي
مش هتشوفها تاني مش هتشوفها تاني مش هتشوفها تاني

ادهم: ليلى

جري عليها وباسها ملعون اي حاجه تانيه.. فى داهيه اي
اعتبارات.. ده من حقه وهيا حبيبته علي الاقل تفضله

الذكريات يعيش عليها

اديها حواليه وهو ضامها وبوستهم كانت طويله جميله
انفاسهم اتقطعت بس محدش فيهم قادر يبعد عن الثاني
كل واحد خايف ان دي فعلا تكون اخر مره ليهم مع

بعض

واخيرا بعدوا عن بعض وكل واحد حس ان روحه اتسحبت
لما بعدوا زي ما يكونو عايزين يفضلوا كده العمر كله
سند دماغه علي دماغها وهيا لسه بين ايديه وانفاسهم

مقطوعه ونفسهم عالي محدش قادر يتكلم او ينطق

ليلى رفعت راسها شويه وباسته تاني وهو بادلها البوسه بس
المره دي كانت هاديه مش عنيفه وفضل يبوس فيها ومش

عارف يوقف نفسه او يسيطر على اعصابه من تاني وهيا

متعلقه في رقبتة زي الغريق اللي بيتعلق في اللي بينجده

واخيرا بعد عنها

ادهم: امشي

ليالي: هشوفك تاني؟؟؟

ادهم: اتمني

ليالي: بحبك وهفضل احبك

ابتسم وسابها تمشي وقلبه نبضاته بتهدي واحده واحده
وهيا بتبعد عن عنيه وتختفي من قدامه وعرف من جواه ان
حلمه الجميل خلص ولازم يرجع للواقع بس واقعه قبل
كده مكنش فيه حب دلوقتي واقعه المرير هيتضافله
عذاب جديد وجرح جديد
كان عارف من اول لحظه ان ليالي هتكون اكبر جروح
بس مش ندمان علي الاقل جرب طعم ان حد يحبه ولو
لفترة بسيطه بس جرب.....
ليالي روجت وهيا اعصابها كلها مهزوزه اجمل لحظات
عاشتها في حضنه بس خايفه ليكون عنده حق وتكون
دي نهايت حبه
لا ابوها عمره ما رفضها طلب وهيسمعها

وبالليل ابوها كان قاعد وبيضحك وبهزر وقالت فرصه
تتكلم معاه وهو هادي

قعدت وخت اخوتها يفضولها الجو

قعدت هيا وابوها وامها

ابوها حس انها مش علي بعضها ومتاخبطة

محمود: مالك يا قلب ابوكي مش علي بعضك ليه؟؟؟

ليلي: لا ابدا بس كنت عايزه اكلمك في موضوع كده

ليلي ايديها في حجرها بتفركههم والتوتر باين عليها قوي

وابوها فهم ان الموضوع فيه راجل وفرح لان اخيرا بنته

المفضله هتتجوز لانها ديما بترفض اي حد يتقدم

محمود: مين هوه؟؟؟

ليلي ارتبكت: مين هوه ايه؟؟؟؟

محمود: سعيد الحظ اللي مخليكي مش علي بعضك....

اخيرا حد دخل دماغك قولي يالا بقي متشوقنيش اكر

من كده

ليلي: هو انسان كويس بس انت اديله فرصه تعرفه وقرب

منه وساعتها هتعرف قد ايه هو كويس

محمود: يا حبيبتي طالما انتي اخترتيه لازم يكون

كويس طول عمره عاقله وبتوزني امورك صح وعمرى ما

شكيت في اختياراتك قبل كده

ليلي: يعني انت عارف اهو انى بختار صح وانى مش متهوره

وعاقله؟؟؟

محمود: ايوه يا بنتي عارف ده... قلقتيني بقي علي العموم
لو هو فقير يعني عادي ما احنا ناس عاديين وعلي قد حالنا
وعمري ما حكمت علي حد بفقره او غناه

ليالي: مش حكايه غني وفقير لأ

محمود: وبعدين بقي قولني بقي هو مين ومتحيرنيش

معاكي

ليالي: هو يبغي يبغي يبغي..،

محمود: متنطقي يا بنتي

ليالي: يبغي ادهم صبري ظابط المخابرات اللي هنا في

البلد

وهنا بقي ابوها.....،

الحلقة الثامنة

ليلي قالت لابوها ان ادهم هو العريس المنتظر واستنت رد

فعل ابوها

لحظه طويله من الصمت عدت زي ما يكون ابوها مش

مستوعب كلامها واخيرا قدر ينطق

عم محمود: افندم؟؟ انتي قلتي مين؟؟؟

ليلي: حضرتك سمعتني كويس

محمود: لا ما سمعتش!! لان ما ينفعش اسمع ده

ما ينفعش بنتي العاقله الرزينه تكون اتجننت

(علي صوته جدا في اخر كلمه وبدا جنونه يطلع عليها)

محمود: ادهم مين ده هاه؟؟ المشوه المسخ؟؟ طيب تيجي

ازاي دي؟؟ طب نعقلها ازاي؟؟؟ انتي اتجننتي؟؟؟

ليلي: ايه عيبه؟؟؟

محمود: ايه عيبه؟؟ انتي فعلا اتجننتي او اتعميتي لكن

استحاله تكوني طبيعیه؟؟؟

ليلي: اتجننت لمجرد اني عرفته كانسان ومحكمتش

زيك علي شكله؟؟؟

محمود: ايوه اتجننتي واتجننتي رسمي كمان

تعرفي ايه عنه؟؟ مين هو؟ جاي مين؟؟ ايه اللي شوهه
كده؟؟ هاه ردي

ليالي كانت تعرف كل حاجه عن ادهم بس متقدرش تقول
لابوها اي حاجه

ليالي: اللي اعرفه عنه مكفيني
محمود: مكفيكي؟ امم مكفيكي؟؟ طيب بما انك
بقيتي مجنونه رسمي فمعدش ليكي اي حق تاخدي قرار
بنفسك

من هنا ورايح مفيش خروج من البيت ابدًا
والبني ادم ده انا هعرف اوقفه ازاي عند حده
ليالي: قصدك ايه؟؟ بابا استني اسمعني
جريت ورا ابوها وهو خارج
محمود: سمعت جنون كفايه

ليالي: انا بحبه اسمعني
محمود: بكرة تفوقي من وهمك ده
زقها بعيد لما حاولت توقفه وسابها وخرج
وهي فضلت تعيط وفهمت قصد ادهم لما قالها انه كان
نفسه بس حمله يطول شويه وعرفت ان الطريق هيكون
طويل ان مكنش مستحيل

عم محمود خرج زي المجنون عايز بس يطول رقبه ادهم
ونفسه لو يقتله

خرج مش شايف قدامه وقابل مدير الشرطة والعمده كانو
جاين عنده بس سابهم ومشى في وشه وهما نادو عليه
مردش

ومشيوا وراه لما لقوه رايح ناحيه مكان ادهم وعرفو ان في
حاجه حصلت

حاولو يهدوه بس مكنش بيرد عليهم لحد ما وصل وهناك
زي المجنون بينادي علي ادهم

محمود: ادهم ادهم اخرج هنا اخرج لو كنت راجل
ادهم اول ما سمع صوته غمض عليه لانه كان مستني
مجيته دي بس مش بالسرعه دي

كان عنده امل ان ليلي تستني شويه او يشوفها مره ثانيه
حتي.. بس كل اماله انهارت وعرف ان ده وقت الصحيان من
الحلم

قام وخرج واول ما خرج هجم عليه محمود ومسكه من
هدومه وبدا يزقق ويهز فيه وادهم ساكت تماما ومستسلم
نهائي

محمود: انت اتجننت؟ اكيد طبعا اتجننت ولا نسيت
نفسك ولا ايه بالظبط هاه؟ انت مين انت علشان تبص
لبنتي هاه؟؟ انت ابليس نفسه يستعيد منك عايز تبص
لملاك زي بنتي؟؟ انت ايه؟؟؟

العمده والمدير بيحاولو يبعدوه عنه واخيرا قدرو يشدوه
المدير: اهدي يا عم محمود الكلام مش كده

محمود: وهو خلي فيها كلام
العمده: صلي علي النبي كده واهدي وفهمنا في ايه لده
كله

محمود: عليه الصلاة والسلام... المجنون ده ببص لبنتي
العمده: يعني ايه يبص لها؟؟

محمود: يعني اتجنن وعايز يتجوزها؟؟؟
كلهم سكتوا واتصدموا وادهم واقف وساكت مش
بيتكلم او يرد

العمده: ايه؟ يتجوز ليلي بنتك؟؟؟
الكل استكترها عليه زي ما تكون جريمه انه بص
لوحده وعايز يتجوزها
محمود: ايوه شفت الجنان؟؟ المسخ ده عايز يرتبط ببنتي

انا؟؟؟ بليلي الي ثلاث اربع شباب البلد هيتجننوا عليها في
الاخر المسخ ده عايزها شوفتو بقي؟؟؟ يبقي من حقي اقلته
واشرب من دمه كمان ولا لأ؟؟؟

المدير: اهدي يا عم محمود اهدي... سياده المقدم هو
الكلام ده صح؟؟

ادهم:::

عم محمود: ايوه صح وانت لسه مستنيه يتكلم؟؟ هيقول
ايه؟؟؟

ادهم: ايه الغلط الي ارتكبته مضايق حضرتك قوي
كده؟؟؟ اني حببت بنتك؟

عم محمود: اخرس... اوعي تتكلم عن بنتي.. اوعي اسمها
يجي علي لسانك ولا حتي طيفها يجي في خيالك نجوم
السما اقربلك منها انت فاهم؟؟؟

أدهم: وليه؟؟

محمود: ليه؟؟؟ انت بتسال ليه؟؟؟ انت مين انت؟؟ مين
اصلك وفصلك؟؟ ولا علشان ظابط فاكركنا هنخاف؟؟؟
انت نسيت نفسك؟؟؟ بص لنفسك في مرآيه وانت تشوف
نفسك علي حقيقتك لا حسن تكون نسيت شكلك
ادهم: منسيتش شكلي ولا حاجه بس من امتي بيتحكم

علي الراجل بشكله؟؟ انت متعرفنيش
 محمود: ولا عايز اعرفك ولا عايز اشوف وشك المشوه ده
 في البلد دي كلها ما بالك ببיתי
 المدير: مقدم ادهم حضرتك جيت البلد دي لمهمه معينه
 لو سمحت التزم بيها انت مش جاي هنا تحب
 محمود: يغور بره البلد كلها
 المدير: يكمل مهمته اللي جايها الاول
 سياده المقدم احنا هنا معندناش بنات في البلد دي للجواز
 فالتزم بمهتمك وبس
 ادهم كلامهم كان بيجرحه وبيوجعه كل ده ليه
 يعني؟؟؟ ايه الغلط اللي ارتكبه؟؟؟؟
 ادهم: حضراتكم جايين هنا وبتتخانقو... هو انا امتي
 كنت طلبت ايد حد من بنات البلد دي؟؟؟
 كلهم بصو لمحمود :
 المدير: هو طلب ايد ليلي؟؟
 محمود: لا بس
 ادهم قاطعه: يبقي لما اجي لحضرتك واطلبها ابقي تعال
 اتخانق معايا.. وبعدين اوعو تنسو انا هنا في البلد دي ليه
 وجاي ليه... وممكن اسيبها وامشي حالا بس انا هنا علشان

في ناس فعلا محتاجه وجودي هنا وعلشان الحق ياخذ مجراه
فمتنسوش انتو ده... ولو كنت ساكت لحضرتك ومش برد
عليك فده احترام ليك مش اكر فياريت متفهمش
سكوتي ده غلط ولما اجي اخبط علي بابك متبقاش
تفتحلي.... بعد اذنكم

سابهم ومشي وعم محمود هيلوع ورجع بيته كمل خناقه
مع ليلي وقالها انه لو اخر واحد في الكون عمرها ما
هتتجوزه ابدا

ادهم كان عارف ان هو ده اللي هيحصل بمجرد ما تفتح
سيره الجواز بس مكنش ينفع يقولها لأ مكنش بايد
حاجه يعملها

الحياه رجعت صعبه تاني ويمكن اصعب قبل كده مكنش
يعرف يعني ايه حب او اهتمام او ان حد يخاف او يسأل
عليه. لكن دلوقتي جرب وداق طعم الحب ومفتقده
ومستعد لو يدفع حياته ويلامحها حتي ولو من بعيد
كان ممكن يمشي من البلد خالص ويبعت اي حد مكانه
وكان ممكن يوقف عم محمود او اي حد يضايقه عند

حده بس مقدرش

دلوقتي بقي عنده قلب بيدق وبيتحكم في تصرفاته

وبيعانه كمان

ده غير وعده ليلي انه مش هيهرب من البلد او يمشي

فضل كل يوم بيمشط البلد ومستني اي حاجه تحصل

وفي يوم وهو ماشي سمع دوشه وناس بتصرخ جري يشوف في

ايه

كانت مطحنه الفلاحين بيطحنو فيها القمح وماكنه

الطحين بتلف وتدور وتتطحن القمح

دخل شاف الماكنه شغاله وماسكه عيل صغير تقريبا 3

سنين شابك في التروس بتاعتها والكل بيصرخ ومحدث

عارف يعمل ايه ولو فصلو الماكنه التروس هتقل علي

الواد وهتقتله خالص والواد ذراعه تقريبا اتكسر ورقبته

شبكت في الترس وبيدبح فيه

هنا دخل ادهم استوعب الموقف في لحظات مسك حديد

طويله وحطها في التروس وقفها مؤقتا بس برضه بتتحرك

ولو اتحركت اكثر هتفصل رقبه الواد خالص مد ادهم

ايده ومسك التروس يوسعها شويه والماكنه بدأت تلف

تاني وهو ماسكها بايديه علشان يوقفها او يحاول يوقفها
 وصرخ في اقرب واحد واقف جنبه انه يحاول يخرج الواد
 بسرعه لان التروس بتقطع ايديه ومش هيقدر يوقفها
 كثير

هنا راجل فاق واتحرك وبدأ يخرج الولد والماكنه بتحاول
 تلف وادهم ماسكها بكل قوته ومتجاهل ايديه اللي
 بتتقطع او كتفه اللي اتعور اللي ساند بيه كل همه ان
 الولد الصغير يطلع واخيرا طلعا الولد وهو ساب ايديه
 الولد كان خالص خالص

وابو الواد واقف بيعيط ولسه هيشيله ادهم وقفه قاله لازم
 يوقفله النزيه علشان يوصل بيه للمستشفى وفعلا ربطله
 جروحه كانت الاسعاف وصلت واخدوه

الناس واقفه بتتفرج وبعد ما الاسعاف مشيت قالو لادهم
 علشان ايديه بس هو غطي دماغه كعادته ومشى وقالهم
 محدش يهتم بيه المهم الولد يبقي كويس

ادهم راح المستشفى يخيط ايديه وكتفه وهناك سأل
 الدكتور عن حالة الولد ايه

الدكتور قاله انه حالته حرجه لان السيور بهدلت جسم
 الواد ولانه صغير فمش عارفين يكملو اللحم المقطوع بايه

ورقبته تقريبا مدبوحه بس الشريان الرئيسي ما اتصابش
 ادهم وهو ماشي عدي يتظمن علي الولد
 وهناك شافها واقفه ملاكه الجميل
 وقف من بعيد يتأمل ملامحها الحزينه وكان نفسه لو
 يضمها مره اخيره وهو سرحان في تأملاته سمع صوت من وراه
 ::تقدر تقولي سيادتك واقف هنا بتعمل ايه؟؟؟
 اتفاجئ ادهم بالصوت والتفتله وهنا جه حد واتدخل بينهم



الحلقة التاسعة

ادهم وهو ماشي عدي يتظمن علي الولد
وهناك شافها واقفه.. ملاكه الجميل ..
وقف من بعيد يتأمل ملامحها الحزينه وكان نفسه لو
يضمها مره اخيره وهو سرحان في تأملاته سمع صوت من وراه
::تقدر تقولي سيادتك واقف هنا بتعمل ايه؟؟؟
اتفاجئ ادهم بالصوت والتفتله وهنا جه حد واتدخل
بينهم

كان اللي بيتكلم عم محمود ابو ليلي
واتدخل ابو الولد واسمه خالد اترمي علي ادهم وحضنه
جامد وجت مراته صفاء اخت ليلي وبتعيط وبتشكر ادهم
خالد: انا مديونلك بحياتي كلها سياده المقدم

انت لولا اتدخلت كان ابني راح
واختلطت الالبتسامات والدموع والكل بيشكر ادهم وابو
ليلي واقف بيتفرج ومش بينطق اخر شيء عايزه انه يكون
مديون لادهم بحاجه
وليلى واقفه بعيد بتحاول تشبع من حبيبها قبل ما يغيب عن
عينها تاني

وهو بيراقبها وكل اللي بيفكر فيه انه يضمها ولو لمره
اخيره

خلاص خلص الكلام والمفروض يمشي ويدوب مشي كام
خطوه نادي ابو ليلى عليه وقرب منه

عم محمود: اوعي تتخيل انك بكده هتنول رضايا
ادهم باتسامه حزينه: انا لما اتدخلت انقذ الولد مكنتش
اعرف انه له علاقه بيك او اعرف انه حفيدك فاكيد
مش مستني منك اي شئ. بعد اذنك واتمناله يخف
بسرعه

مشي ادهم وقلبه هيخرج من مكانه واخر شئ لمحاه دموع
حبيبته اللي ممنوع حتي يكلمها
وتعدي الايام وتحقيقاته مستمره في العصابه اللي اختفت
تماما وملهاش اي اثر

وادهم عايز يمشي من البلد ويسيب المهمه دي لحد غيره
بس بيفتكروعه ليلي انه مش هيمشي
تعدي الايام ووجود ادهم في البلد مضايق ناس كتيره
العصابه اللي مختفيه

عم محمود اللي بيعد اللحظات علشان ادهم يمشي
وواحد تاني كاره وجود ادهم والواحد ده هو ابن عم ليلى

حمدي

حمدي بيحب ليالي ويستني اليوم اللي يرتبط بيها وهيا
مكنتش بتحب فمكنش يفرق معاها انها ترتبط بيه او
بغيره لكن دلوقتي الوضع اختاف بقي في حبيب في
حياتها وده خلاها ترفض اي حد يحاول يقرب منها
حمدي كان يعرف حد من افراد العصابة وهنا رسم خطته

اللي هيضرب بيها عصفورين بحجر واحد
في يوم ليالي كانت في رحله تبع المدرسه راحو لمنطقه
اثرية وقضو اليوم فيها بس في اخر اليوم اختفت ليالي
بفصلها كله

الكل بيدور عليهم
والخبر وصل لاهل البلد والكل طلع يجري علي مكان
الرحله

ام ليالي كانت هتجنن علي بنتها ومن غير تفكير جريت
علي مكان ادهم وخبطت عليه
ادهم: افندم

ام ليالي: انا مامت ليالي
ادهم: لو حضرتك جايه تسمعيني كلمتين زي ابوها
فاحب اقولك اني قطعت علاقتي بيها نهائي بعد اذنك

ولسه هيقتل الباب

ام ليالي: ليالي اختفت واحنا خايضين تكون العصابه
 خطفتها ارجوك انا محتاجه مساعدتك
 ادهم: ليالي ايه؟؟ اتخطفت ازاي؟؟ محدش من العصابه قرب
 ناحيه البلد

ام ليالي: هيا في رحله بره البلد ارجوك تعال معايا
 ادهم اتحرك مع ام ليالي وقلبه هيقف من كتر الخوف
 علي حبيبته وطبعاً كان معاه ماكس الكلب بتاعه
 طلب من مامه ليالي انها تجيب حاجه ليلي كانت لابساها
 وفيها ريحتها فعدو علي البيت وجابت بلوزه ليلي
 واصلو للمكان اللي العيال ويلي اختفوا فيه
 والكل اول ما شافو ادهم جريو عليه
 كل اللي ليه ابن استنجدو بيه
 ابو ليالي واقف بعيد وكاره الظروف اللي بتوقعه كل شويه
 بين ايدين ادهم وبتخليه مديون ليه
 ادهم خرج البلوزه وقربها من ماكس وطلب منه يدور علي
 ليالي

وفعلاً بدا الكلب يتحرك والكل وراه كانو في وسط

صحرا فيها اثار فرعونيه

جري الكلب لحد ما وصل لمنطقه ووقف علي حرف تحت

جبل صغير وفضل يحضر في الارض ويهو

وقف ادهم مش فاهم

ادهم: ماكس ده جبل انت بتحضر هنا ليه انا مش فاهمك

هنا اتدخل الحارس بتاع المنطقه

الحاوس: اي ده؟؟ في حاجه مش طبيعيه ايه اللي حصل؟؟؟

ادهم: ايه اللي مش طبيعي انطق في ايه

الحارس: هنا كان فيه فتحه صغيره بتوصل لمقبره

والفتحه ملهاش اثر

ادهم: قصدك ايه؟ ان ده كان مدخل لمقبره

الحارس: ايوه كانت فتحه صغيره بس لسه بنشتغل فيها

علشان يتعمل باب لكن لسه الشغل فيها مخلصش والفتحه

اختفت

ادهم بدأ يخاف ان حبيبتة تكون تحت في المقبره دي

وبدا زي المجنون يحاول يحضر بايديه وكذا حد جه

يساعده من اللي اولادهم اختفو عملو فتحه صغيره قوي

ولما حاولو يكبروها لاحظو انه ممكن يحصل انهيار

كبير فوققو الحضر

ادهم: ماكس انا محتاج انك تدخل هنا وتشوف ليلى لازم
تشوف ليلى جوه ولا لا

كان بيكله كلبه والكل مستغرب منه وقالو انه اتجنن
بس كلبه فهمه ودخل من الفتحة دي وغاب شويه والكل
علي اعصابه لحد ما خرج

ادهم: ليلى جوه

الكلب بيهوهو

ادهم: مش فاهم جوه ولا لا

الكلب وطي دماغه لادهم فحط ايده علي دماغه

ادهم: انا مش فاهم.....

اتفاجئ ادهم انه راس الكلب مبلوله ولما حط ايده لقي

دم

ادهم: الدم ده منين؟؟

وبدا يمشي ايده علي جسم كلبه يتظمن عليه الكلب بعد

عنه وراح لام ليلى وشد البلوزه اللي في ايدها وحطها قدام

ادهم وهوهو

ادهم بخوف: ده دم ليلى؟؟

هنا كان هيتجنن لازم يتصرف هو مش عارف حالتها ايه

رجع يحضر تاني وكبر الفتحة شويه بس مش كفايه
تدخل حد ووقف مش عارف يعمل ايه
الكل كان بيبيص لادهم باستغراب هو اكثر واحد خايف
مع انه الوحيد اللي المفروض انه مالوش حد وميعرفوش ان
قلبه جوه

الحارس: اه افتكرت

ادهم بلهفه: افتكرت ايه؟؟

الحارس: في مدخل تاني بس صغير

ادهم: وده حاجه تتنسي وريهوني

الحارس: المدخل عباره عن ممر صغير جدا يدوب ممكن
يعدي حد صغير يزحف علي بطنه علشان يدخل ومحدث
جربه قبل كده

ادهم: وريهولي انت وسيبني انا احكم عليه

الكل راح ناحيه المدخل بس فعلا المدخل صغير جدا

عايز حد رفيع قوي يعدي فيه

عم محمود: حمدي انت جسمك ممكن يعدي حاول كده

جت الفرصه لحمدي انه يبقي بطل بس كان خايف

حمدي: بس ممكن ما يعدينيش

عم محمود: جرب يا ابني

قرب حمدي وحاول يدخل ويدوب زحف خطوتين وصرخ
 علشان يشدوه لبره وفعلا طلعه

حمدي: لا الفتحة ضيقه ومش هقدر وفي صخور نازله
 هتعودني في ظهري انا اسف كمان مفيش اكسجين

ادهم: امال الي جوه يعملو ايه؟ انا لازم اتصرف

حمدي: احنا لازم نستني فريق الانقاذ بمعداتهم

ادهم: تستني؟؟؟ وليلي الي بتنزف جوه دي؟؟؟

والاكسجين الي بيقل عندهم؟؟

انا مش هستني اكر من كده

الكل حاول يوقف ادهم بس خلاص اخذ القرار

ابو ليلى واقف ومستغرب هو فعلا بيعب بنته للدرجة دي

ولا بيعاول يلعب دور البطل؟؟؟

ادهم اخذ كل الي ممكن يحتاجه

كشاف حبل عليه اسعافات وخط الحاجات دي في شنطه

وربط نفسه بحبل بحيث لو اتزنق جامد ممكن يشدوه

وبدا يدخل من الفتحة الضيقه وفعلا كان في صخور

بتقطع في جسمه وهو داخل بس حاليا كل تفكيره كان

في ليلى وبس

الحلقه العاشره

بدا يدخل من الفتحة الضيقه وفعلا كان في صخور بتقطع
في جسمه وهو داخل بس حاليا كل تفكيره كان في
ليالي وبس

فضل يزحف علي بطنه مش هامه اي شئ غير انه يوصل
ليلي وبس واخيرا قرب وسمع صوت العيال وده شجعه
يزحف اكثر واكثر لحد ما وصل لفتحه ومنها شاف العيال
نزل عندهم وكلهم اتلمو حواليه بس هو كان همه كله
حبيبته جري عليها وحاول يفوقها كان في خبطه في
دماغها

بدا يقنع العيال يخرجو من الفتحة الصغيره لانها هتعديهم
بسهوله بس العيال خايفين يتحركو هنا نادي علي ماكس
وخلي كل عيل يخرج مع ماكس بحيث يمسك ديل
الكاب ويسحف وراه لحد ما يخرجهم ويرجع تاني
ادهم وماكس خرجوا الاولاد كلهم وجه دور ليلي طبعا
مش هيعرف يشيلها لان الفتحة مش هتكفيهم
كتب ورقه وعطاها لماكس يخرجها بره وطلب فيها حبل

وبطانيه لف ليلي بالبطانيه علشان يحميها من الصخور
 وربطها بالحبل وطرف الحبل خلي ماكس يخرجها علشان
 هما يشدوها وهو وراها وفعلا شدوها واحده. واحده لحد ما
 خرجت بس يدوب هو لسه بيخرج وسمعو صوت لانهيار
 كبير الكل بص لفوق لقو الصخور بتقع في المكان اللي
 هما فيه وهتفضل الفتحة

طبعا الكل جري بعيد الا ادهم رمي نفسه فوق ليلي بحيث
 يحميها من الصخور

مفكرش للحظه ان حياته ممكن تنتهي كل اللي فكر
 فيه ليلي وبس يضديها ولو حتي بروحه
 الصخور غطتهم تماما

وبعد ما كل حاجه انتهت الكل وقف ولحظه من الصمت
 وراها هرج ومرج ساد الكل

الكل جريو يشيلو الصخور من فوقهم

طبعا ادهم كان بينزف تقريبا من كل مكان ويلي

مجرلهاش اي شئ من البطانيه وجسم ادهم

شالو ادهم ويلي والاسعاف نقلتهم المستشفى

ادهم بيضوق للحظات ينطق اسم ليلي ويغيب تاني وابو ليلي

مستغرب من تصرفاته

حاله ادهم كانت حرجه شويه وليلي كانت كدمات مش
اكثر

مامت ليلي قعدت جنب ادهم لحد ما فاق علي الرغم من
رفض ابو ادهم بس هيا اصرت

ام ليلي: حمد لله على السلامه يا ابني
ادهم بصوت ضعيف: المهم ليلي.... ليلي اخبارها ايه؟؟
ام ليلي: كويسه مفيهاش اي حاجه والبركه فيك انت
ادهم: الحمد لله انها بخير
ام ليلي: انت حاسس بايه؟؟
ادهم: ما تقلقيش عليا انا كويس
ام ليلي: ما اقلقيش ازاي بس انت نرفت كتير
ادهم: انا متعود علي كده ما تشغليش بالك.. علي فكره
انتي مش مضطره ابدًا تفضلي جنبي روعي لبنتك واطمني
عليها انا بخير

ام ليلي: عارفه اني مش مضطره (مسكت ايده) بس انا
عايزه افضل جنبك شويه واتطمئن عليك
مسكه ايديها كانت حركه بسيطه بس بالنسباله كانت

حاجه كبيره جدا

اول مره حد يقعد جنبه ويمسك ايده

اول مره حد يهتم باحساسه او يسال عليه او يمسك ايده

اول مره يحس بالاحساس ده

قلبه اول مره يدق بالطريقه دي

ممکن حد يشوفه ويعامله كإنسان؟؟؟؟

ادهم: انا متشكر

ام ليلى: متشكر علي ايه؟؟؟ مين يشكر مين؟؟ ده انا

مديونالك بحاجات كتير قوي

ادهم: ما انا قلتلك انتي مش مضطره تقعلي جنبتي انتي

مش مديونالي بحاجه

سحب ايده بعيد وفكر نفسه (انت مش انسان بالنسبائها

انت مجرد شئ انقذ حياه حفيدها وبنتها لكن نظرتها

ليك ما اتغيرتش فوق)

ام ليلى: انا فعلا مديونالك بحياة حفيدي وبنتي بس مش

ده السبب اللي مخليني قاعده جنبك

بصلها باستغراب

ام ليلى: مستغرب ليه! انا شايفه قدامي انسان مستعد

يضحي بحياته علشان خاطر غيره حتي لو حد ميعرفوش..

شايفه انسان مش هامة غير سلامه غيره مش اناني ابد
 بيضكر في كل اللي حواليه كنت الاول مستغربه ليلي
 بتحبك ليه بس لما اتكلمت معاك وشوفتك عرفت ليه
 بتحبك قوي كده

ادهم: محدش بيصلي كإنسان او شئ بيحس
 ام ليلي: الناس ديما بتحكم بالمظاهر نادرا ما حد بيعرف
 الاول وبعدها يحكم

ادهم: فعلا الكل بيحكمو عليا من شكلي وبيقولو مسخ
 انا فعلا ممكن اكون مسخ بشكلي بس جواري في انسان
 بيحس وبيتوجع

المهم روعي اطمني علي بنتك
 ام ليلي: انا

هنا الباب اتفتح وابو ليلي وقف فيه وبيتكلم بغيط
 عم محمود: بنتك فاقت وعازاكي
 ام ليلي: جايه اهوه (بصت لادهم) لو محتاج لاي شئ انا
 موجوده

ادهم: متشكر جدا بس سامي علي ليلي
 عم محمود: وتسلم عليها بتاع ايه ده ؟

ام ليلى: يا راجل لولاه كنت زمانك بتاخذ عزا بنتك ده
بدل ما تشكره

ادهم: انا مش مستني شكر منه

عم محمود: وانا اصلا مش هشكره دي حركات بيعملها

بس ليلى ابعد من نجوم السما فاهم؟

ادهم: انا علي فكره لسه مطلبتش ليلى منك

عم محمود اخد مراته وشدها بره وطلع

ام ليلى: حرام عليك كده... الواد كان هيموت علشان

خاطر بنتك وحالته صعبه

عم محمود: محدش طلب منه يتدخل دي حركات بيعملها

ام ليلى: حركات؟؟؟ بقي يموت نفسه وفي الاخر تقول

حركات حرام عليك يا ابو ليلى طول عمرك راجل

حقاني ايه الي جراك كده؟

عم محمود: طول عمري بحلم براجل مفيش منه لبنتي

كبرتها وحببتها علشان تتجوز واحد الكل يشاور عليها

ويقول شوفو متجوزه مين ويحسدوها عليه مش ده الكل

يبصاها ويتصعبو عليها

ام ليلى: مش يمكن الي الكل يحسدها عليه ده ما

يعرفش يسعددها؟؟

عم محمود: وده اللي هيسعدھا؟ ده؟

ام ليلي: وليه لا؟ بيحبھا وعنده استعداد يموت علشانھا؟؟
هيفرشلھا الارض ورد تحت رجليھا وهيتمنالھا الرضي ترضي
وهيحط حياته بين ايديھا عايز ايه تاني لبنتك؟؟؟

عم محمود :.....

ام ليلي: وبعدين كان فين ابن عمھا هاه؟؟؟ خاف يدخل
الفتحه مع انه لو حاول كان دخل واول ما حصل الانفجار
جري بعيد وخاف علي نفسه لو كان بيحبھا زي ما بيقول
كان حاول يحميھا مش بعد ما كل حاجه خلصت جاي
يقعد جنبھا... ده راجل تامن علي بنتك معاه وقت ما

تحصل حاجه يجري ويسيبھا

عم محمود: روعي لبنتك واسكتي بقي واياك تجيبي

سيرته جوه

ام ليلي: قصدك ايه؟ ماهيا هتسأل خرجو ازاي؟

عم محمود: انا قلتلھا ان البوليس وفرقھم خرجوھا

ام ليلي: للدرجه دي؟؟؟

عم محمود: انا قلتلك اھوھ اياك تجيبي سيرته

ام ليلي: اقول ايه بس؟ ربنا يھديك

دخلت لبنتھا واتطمنت عليھا وشويه وجم اصحابھا

وبيتكلمو ويهزروا

امل: بس مكنتش اعرف انك مهمه قوي كده عنده؟؟

ليالي: عند مين؟؟ قصدك ايه؟؟

اسماء: هتعمل عبيطه اهو

ليالي: عبيطه؟؟ انا مش فاهمه انتو بتتكلمو علي ايه

هنا ليالي بصت لانتيمتها مني

مني: قصدهم علي ادهم

ليالي: ادهم؟؟ وايه اللي دخل ادهم في الكلام؟

كلهم ببصولها باستغراب

امل: ماهو اللي خرجك

ليالي: ادهم خرجني؟؟ ازاي؟؟

اسماء: امال انتي فاكهه ايه؟ ده كان هيموت فيها واهو في

اللاوضه اللي جنبك

ليالي: ادهم هنا؟؟ هو اتعور؟؟

لسه هتقوم مني مسكتها

مني: هو كويس دلوقتي اقعدني

ليالي: انا لازم اتطمئن عليه

هنا ابو ليالي دخل

ليالي: انت ازاي تكذب عليا وما تقوليش ان ادهم هو اللي

خرجني وانه اتصاب كمان

اصحابها كانو مستغربين من رد فعلها

عم محمود: وانت يي يفرق معاكي في ايه مين خرجك؟؟

ليلي: لا يفرق ويفرق كثير قوي انا لازم اتطمئن عليه

ولسه هتقوم من مكانها ابوها مسكها

عم محمود: مفيش خروج من هنا غير للبيت فاهمه؟

ليلي: لا مش فاهمه ومش عايزه افهم انت جبت القسوه دي

كلها منين؟؟ انت عمرك ما كنت قاسي كده

عم محمود: انتي بتجبريني بتصرفاتك

ليلي: انا بحبه ومهما تمنعني هفضل احبه لازم تعرف اني

عمري ما هبطل احبه ابدا

سابها وخرج واصحابها مشيو وهيا ما عرفتش تخرج بره

الاوضه من ابوها

وتاني يوم هتخرج من المستشفى بس قالت لامها انها عايز

تشوفه او تلمحه حتي من بعيد

وامها قالتلها هتحاول

وراحتله وقدام باب اوضته وقفت ولسه هتدخل

الحلقه الحاديّة عشر

ليلي قبل ما تخرج من المستشفى عدت علي ادهم ويدوب

هتفتح باب اوضته جه ابوها

عم محمود: انتي بتعملي ايه هنا؟

ليلي: جايه اشوفه ومش هتمنعني

بصوا لبعض نظره طويله فيها معاني وكلام كثير

ابو ليلي قري في عينين ليلي اصرار وعند

ليلي دخلت لادهم

ادهم: ليلي!!!! انتي ازاي جيتي هنا؟؟

ليلي: سيبك مني انا المهم انت عامل ايه وحاسس بايه؟؟

ادهم: انا

قطع ادهم كلامه اول ما شاف ابو ليلي علي باب الاوضه

ليلي بصت وراها واتكلمت

ليلي: انت ليه عملت كده؟؟؟ مخوفتش علي نفسك؟؟

ادهم بصلها: اخاف علي نفسي؟؟؟؟؟ وانا ايه قيمه حياتي

قصاد حياتك... المهم انتي

ليلي: ولو كان جراك حاجه؟؟ مفكرتش فيا

ادهم: انا مفكرتش غير فيكي... مفكرتش غير في
حياتك انتي بس... المهم انتي تبقي كويسه حتي لو

كانت حياتي هيا التمن

ليالي: ادهم انا بحبك اكر من حياتي نفسها

ادهم: وانا

قاطعها ابو ليالي: اعتقد كده اتضمنتي عليه انه كويس

قومي يالا

ليالي بصت لابوها وبصت لادهم فابتسملها

ادهم: قومي روعي انتي مع باباكي

ليالي: هشوفك تاني امتي؟؟

عم محمود: مش هتشوفيه تاني قومي علشان ما اتصرفش

تصرف مش هيعجبك

ليالي: لو سمحت يا بابا ...

قاطعها ادهم: روعي دلوقتي وسيبي بكرة للخالق

مشيت ليالي وهيا بتدعي ربها يحمي حبيبها ويجمعهم مع

بعض

يعدي يوم وري يوم وادهم لسه في المستشفى بس كلف

كام ظابط يحققو في الانفجار اللي حصل

ادهم كان في المستشفى بس رجالتة بيحركهم من

مكانه

عرف ان الانفجار ده بفاعل وعرف انه معمول علشان
يبعدوا ادهم من طريقهم لان في نفس يوم الانفجار حصل
هجوم من العصابة علي البلد واخدوا مونتهم بس المره دي
ما اخدوش بنات اخدوا المهم بس
كمل ادهم تحقيقاته من مكانه وعرف ان في حد يساعد
العصابة دي من اهل البلد
طبعا بعد الحادته الكل عرف مشاعر ادهم ناحيه ليلي
والكل مستغرب من حب ليلي لادهم في مستغرب وفي
غيران.. البنات بدؤا يبصوا لادهم بنظره ثانيه.. حبه
وتضحيته بحياته علشان حبيبته غير نظره الناس ليه
ليلي كانت عايزه تزور ادهم وطبعا اتخانقت مع ابوها جامد
واختلفوا كثير وهيا مصره علي موقفها
طبعا ابوها بدا الناس يسالوه عن علاقه ليلي بادهم وهو
بينكر اي علاقه بس الكل مش مصدق محدش يرمي
نفسه للموت علشان خاطر حد عادي
ابو ليلي راح لادهم المستشفى ودخل عنده
ادهم: اهلا اتفضل

عم محمود: ولا اهلا ولا زفت انا جاي اقولك ان سيادتک
تخرج من المستشفى دي تمشي من البلد وكفايه لحد
کده

ادهم: ومهمتي؟؟؟

عم محمود: هو مفيش ظباط غيرک ولا ايه؟ وبعدين انت
متصاب يعني مش هاتقدر تعمل حاجه... وبعدين لو بتحب
ليلي زي ما بتقول يبقي هتمشي من البلد دي

ادهم: امشي؟؟؟؟

عم محمود: ايوه تمشي اولاً انت وسخت سمعتها

ادهم: انا؟ انا معملتش اي شئ يضر سمعتها

عم محمود: انک ترمي نفسك فوقها وتتصاب بالشکل ده

وصل للناس فکره غلط

ادهم: يعني ايه كان المفروض اسيبها تموت واتفرج ولا

اعمل زي ابن عمها واجري

عم محمود: مالکش دعوه بابن عمها وشکرا يا سيدي

انک انقذت حياتها بس ده ميدکش الحق انک تحلم

باکتر من کلمه شکرا وده اخر کلامي

سابه ومشي وادهم فضل يسال نفسه السؤال الي عمره ما

لقاله اجابه

"ايه الغلط اللي ارتكبه في حياته بيتعاقب عليه""
وفي يوم وادهم في المستشفى جاله حمدي ابن عم ليلى
يزوره

حمدي: اهلا بسياده المقدم حمد لله على السلامه
ادهم: الله يسلمك انت كنت موجود ساعه الانفجار صح؟؟
حمدي: اااه ك كنت موجود ليه؟
ادهم: لا عادي بس فاكر اني شفتك مش اكر
انت اللي حاولت تدخل في الفتحة ورجعت
حمدي: ماهي كانت ضيقه التحشرت فيها
ادهم: هيا بس كانت عايزه اصرار مش موجود عندك
حمدي: اصرار ولا اظهار بطوله؟؟
حمدي: قالها بنبره غريبه خلت ادهم يستغرب
ادهم :: بطوله ؟؟؟؟ قصدك ايه؟ ؟

حمدي :: هو في كام معني لاظهار البطوله؟؟؟ عايز تبان
بطل قدامها

ادهم: قدام مين؟ ؟

حمدي: قدام ليلى هو في غيرها بس ليلى دي ابعد من
نجوم السما

ادهم: ليلى قولتلي!! انت قلت ليلى تقرباك ايه؟

حمدي: بنت عمي وهتبقى مراتي قريب ومش هتاخدها مني
فاهم مش بعد كل اللي عملته ده تيجي انت وتاخذها علي

الجاهز كده

ادهم: كل اللي عملته؟؟؟ وايه هو اللي عملته؟

حمدي ارتبك ومعرفش يرد علي طول

حمدي: ملكش دعوه انت المهم ابعد عن سكه ليلي بدال

ما يجراك حاجه تاني

ادهم: وانت ايه علاقتك باللي جرائي اولاني؟

حمدي بارتباك: اانا ما االيش علاقه وانا مالي قنبله

وانفجرت انا مالي؟؟

ادهم: قنبله؟؟ وانت مين قالك انها قنبله؟ عرفت مين؟؟

انت ايه علاقتك بالانفجار ده؟

حمدي: انا ماليش علاقه بقولك ايه انت مش عارف تقوم

بشغلك هتدبسنني انا ولا ايه؟ انفجار حصل يبقي لازم

يكون فيه سبب

ابعد عن ليلي احسنلك

مشي حمدي بس الشك كبر عند ادهم ان له علاقه

بالعصابه بس طبعا معندوش دليل احساس مش اكثر

احساس صعب يثبته لان ابو ليلى مش هيسكت لو اتهم ابن
اخوه

حمدي وهو ماشي سال الدكتور عن حاله ادهم وهيخرج
امتي فقال له بعد يومين

حمدي بلغ العصابه انه فاضل يومين وادهم يرجع ثاني
ادهم خرج من المستشفى وطلب من مديره انه يبعث حد
غيره لانه محتاج اجازة علشان حالته الصحيه وراح يلم
حاجته

اغلب اهل البلد راحو يسلمو عليه ومعظمهم اهالي العيال
اللي هو خرجهم

ليلى عرفت ان ادهم ماشي جريت تشوفه وقابلها ابوها
وحاول يمنعها بس مقدرش وسابها تروح تشوفه واتظمن ان
ادهم خلاص هيمشي ويخلص منه

ادهم خلاص قفل شنطته سمع صوتها

ليلى: خلاص هتسيبني؟؟

ادهم: ده افضل؟؟

ليلى: افضل لمين ليا ولا ليك؟؟

ادهم: افضل ليكي علاقتنا من الاول ما كانتش راكبه

احنا الاتنين ما ننفعش مع بعض

ليلي: وايه اللي خلاه ما ينفعش هاه الناس ظط في الناس
كلها

ادهم: الناس لوحدها متهمنيش

ليلي: امال ايه؟

ادهم: ابوكي يا ليلي.. عيلتك مش عايز تخسريهم بسببي
واوعي تقولي عادي لانه مش عادي ابداء ومش هرضي بده

ابدا

ليلي: ابويا مديونلك ولو

قاطعها ادهم: لو ايه؟؟؟ طلبت ايدك رد لجميلي ولا ايه؟
عايزاني الوي دراعه وادخل بيت انا مكروه فيه؟؟ انا اسف
بس قررت ما ادخلش اي بيت وجودي مش مرغوب فيه وانتي
اكتر واحده عارفه ليه

ليلي: وبعدين مش هشوفك تاني؟؟

ادهم: انسيني اعتباريني ذكرى حلوه او حلم وصحيتي منه
بعد اذنك

سابها واخذ شنطته وكلبه وركب عربيته ومشى من غير ما
يبص مره واحده وراه لانه لو بص هيرجع

الحلقة الثانية عشر

مشي ادهم وساب ليلى لوحدها حزينه من الدنيا كلها
 فضلت في مكانها تعيط وتعيط لحد ما سمعت صوت وراها
 حمدي: سيبك منه هو ميستاهلكيش
 ليلى: وانت اللي تستاهلني؟؟
 حمدي: انا ابن عمك واولي الناس بيكي
 ليلى: كان ممكن زمان اوافق بيك يا حمدي قبل ما اعرف
 يعني ايه حب.. بس دلوقتي اسفه
 حمدي: يعني ايه اسفه؟؟
 ليلى: يعني اسفه مقدرش ابقى مع حد ما بحبوش مقدرش
 اكون مع راجل غير ادهم
 حمدي اتعصب: مين ادهم ده؟؟؟ شايفه فيه ايه؟ ده راجل
 مشوه

ليلى: يمكن يكون بالنسبالك راجل مشوه لكن
 بالنسبالي مشفتش حد في رجولته وحبه وحنيته وقسوته
 مشفتش حد زيه عنده استعداد يضحي بحياته علشان حد
 ما يعرفوش.. من الاخر يا حمدي بعد ادهم مفيش رجاله

بالنسبالي

حمدي: يعني ايه بقي مفيش رجاله؟؟؟

ليلي: ملهاش معاني كتيره شيلني من دماغك ودور علي

حد غيري

حمدي: حد غيرك هاه؟؟؟ انا مش هتجوز غيرك فاهمه؟؟

بالذوق بالعافيه هتكوني مراتي

ليلي: ايه التخاريف اللي بتقولها دي طب ايه رايك لو انت

اخر راجل في الكون ده مش هتجوزك هو غصب ولا ايه

بعد اذنك

سابتة ليلى ومشيت وهو اتغاض جدا وراح لعمه ابو ليلى

حمدي: عمي محمود اعتقد ده الوقت المناسب اني اخطب

ليلى بقي ولا ايه؟

عم محمود: مش وقته دلوقتي

ليلى: لا وقته يا عمي انا من كام سنه وانا مستنيها الاول

الثانوية وبعدها الكليه واهي اتخرجت وبعدها قالت لما

تشتغل واهي اشتغلت يبغي استني ايه تاني؟؟

عم محمود: يعني انت كنت عايز ايه اخرجها من المدرسه

واجوزها لك ولا ايه؟؟؟ وبعدين انت ازاي تتكلم معايا

بالاسلوب ده؟

حمدي: لا يا عمي انا اسف مش قصدي بس يعني نستني ايه
تاني؟؟

عم محمود: الراي في للموضوع ده يخص ليلي وحدها
حمدي: ايه يخص ليلي وحدها ده الكلمه كلمتك
عم محمود: لا مش في دي انا ممكن امنعها من حد لكن
عمري ابدا ما اجبرها علي حد مش عيزاه ابدا الراي رايتها
هيا وبس

هنا دخلت ليلي وجايبه الشاي لابوها وحمدي
عم محمود: متشكريا بنتي تسلم ايدك
ليلي: العفويا بابا بعد اذنكم
عم محمود: استني يا ليلي محمود جاي طالب ايدك ايه
رايك؟
بصت لمحمود بصره غيظ

ليلي: سبق وكلمني وقولتله انه زي اخويا عماد ومش قادره
اشوفه باي طريقه تانيه

عم محمود: يا بنتي ابن عمك اولي بيكي
ليلي: انا اسفه يا بابا مش هقدر بعد اذنكم
سابتهم ودخلت اوضتها وفضلت تعيط
ابو ليلي اعتذر لحمدي وقاله انه عمره ما هيجبر بنته في

موضوع الجواز ده بالذات

طلع لبنته وقلبه وجعه من عياطتها

عم محمود: يابنتي كل ده ليه؟؟؟

ليلي: انت مش عارف ليه؟

عم محمود: يعني انا مش عارف انت حابه فيه ايه؟ يابنتي

ده احنا لا نعرفله اصل ولا فصل ولا حتي ايه اللي شوهه

كده ولا اهله فين؟؟

ليلي: وتفرق معاك ايه كل الحاجات دي؟؟ طول عمرک

تقولي اهم حاجه في اي انسان اخلاقه ومبادؤه ايه اللي

شفته غلط من ادهم هاه؟؟ تقدر تقولي عيبه ايه غير

شكله وبعدين انا مش شايفاه مشوه ابدًا بالعكس انا بحب

كل حاجه فيه حتي شكله ده بحبه

عم محمود: ليه ليه ده؟؟ ايه اللي فيه زياده عن اي راجل

تاني؟ زياده عن حمدي؟؟

ليلي: بجد يا بابا انت عايز تقارن ادهم بحمدي؟؟ اصلا

مفيش وجه مقارنه بينهم اصلا ارجوك يا بابا انت مشيت

ادهم من البلد وانت انتصرت وكسرت قلب بنتك فكفايه

لحد كده وسيبني في حالي بقي سيبني اندب حظي

لوحدي

عم محمود: يا بنتي انا مش عايز غير سعادتك وبس وانا
مبعد وتوش عنك غير لمصاحتك
ليلي: سعادتِي؟؟ سعادتِي كانت هتكون معاه هو وبس...
بس انت اخدتها مني ارجوك يا بابا سيبنِي دلوقتي

سابها وخرج وسمع عياطها وقلب اتوجع علي بنته وبدأ يسال
نفسه

"اللي عمله ده صح ولا هو فعلا اخد سعادته بنته وحرمها
منها؟؟؟؟؟؟ ادهم ممكن فعلا يسعد ليلى ولا هو نزوه في
حياتها هتندم عليها في يوم من الايام؟؟"
طول عمره بسبب بنته تقرر حياتها وتعمل اللي هيا عايزاه
حتي لو غلط كان بيسيبيها تغلط وتعرف غلطها بنفسها
وتصححه.. عمره ما فرض رايه عليها ابدا... طب ليه ده مش
قادر يسبها تاخد قرارها لوحدها؟؟؟

اسئله كثيره ملهاش اجابه
قعد لوحده ودماعه هتنفجر من التفكير وفجاه سمع صوت
مراسته

ام ليلى: اللي انت عملته ده كان غلط
عم محمود: امال ايه الصبح؟ اسلم بنتي لواحد لا ليه اصل

ولا فصل ولا كبير وبالشكل ده؟؟

ام ليلى: ما تسلمها لوش بس انت حاولت تعرف اصله او فصله
او تعرف اي حاجه عنه؟؟ حاولت تديله فرصه يعرفك
نفسه انت واجهته ووقفت ضده من اول لحظه شوفته فيها
عم محمود: سبحان الله انا مش قادر احبه او اتقبله اعمل
ايه يعني؟ مش قادر

ام ليلى: تعمل حساب لبنتك وتاخذ في اعتبارك انها
بتحبه ومش هتنساه ابدًا
عم محمود: الزمن بينسي كل شئ واقضي الكلام بقي
حمدي طبعًا الغل والحقد ماليه وراح لزعيم العصابة
الزعيم: اهلا اهلا ايه اللي رماك عندنا وجاي كده في
النهار ومش خايف؟؟

حمدي: الظابط ومشي ولسه بكره هيبعتو غيره يعني لو
عايز تعمل اي حاجه يبقي تعاملها النهارده
الزعيم: امم قولتلي بقي وانت ايه مصاحتك؟؟ او عايز
ايه اصل اكيد مش جاي كده لله في لله؟؟؟؟
حمدي: فعلا عندي طلب... ليلى بنت عمي
الزعيم: جميله الجميلات مالها محدش قرب منها بناء علي

اتفاقنا نبعد عن بنات عيلتك

حمدي: لا مش عايزك تبعد

الزعيم: امال عايز ايه بالظبط؟؟؟

حمدي: عايزك تعمل اللي بتعمله مع كل بنت بتجيبها

هنا

الزعيم: انت عايزنا نغتصبها؟؟؟ انت مجنون يا واد انت ولا

ايه؟؟؟ حد عايز اللي هتكون مراته مغتصبه انت اهل ولا

ايه؟؟؟

حمدي: لا مش اهل بس انا عايز اجيب مناخيرها الارض

هيا وابوها... بعد كل ده بترفضني الهانم علشان خاطر

المشوه ده.... ايوه عايزكم تغتصوبوها وهيا ساعتها

هتيجي تركع تحت رجلي علشان اتجوزها هيا وابوها

هيجولي زحف لعندي ويترجوني اتجوزها

الزعيم: امم رفضوك يا امور وانت عايز تنتقم؟؟؟ وماله

غالي والطلب رخيص انا افديك الساعة لما انام مع قمر

زيها النهارده وحياتك هيتم الموضوع ده ولا تقلق

وفعلا في وقت العصر هجمت العصابه علي البلد وجمعوهم

في الساحه

سرقو اللي سرقوه ونهبو اللي نهبوه كأنهم بيعاقبو اهل

البلد انه جابو ظابط يحميهم
 الزعيم: اه يا بلد ناكره الخير... انا بحميكم ايه يعني
 لما ناخذ منكم ناكل مش ده تمن حمايتي ليكم
 عم محمود: يا عم احنا مستغنين عن حمايتك بس فارقنا
 وبعدين البنات اللي بتاخذهم وتبهدلهم ده تسميه ايه
 هاه؟؟؟

الزعيم: فرفشتنا يعني عايزنا نترهبن ولا ايه؟؟ وبمناسبة
 البنات بقي بقالنا كتير ما فرفشناش وعايزين حاجه
 تعوضنا علي الشهر اللي فات ده كله حاجه كده تفتح
 النفس
 طبعا كان بيتكلم وعينه علي ليلي اللي خافت وبترجع
 لورا

عند ادهم
 ادهم راح للقسم وسلم كل الاوراق اللي معاه وملف القضية
 وتناقش مع الضابط اللي هيستلم مكانه كل شكوكه
 واراؤه وكل حاجه وصلها
 المفروض بقي يمشي من البلد بس قبل ما يمشي راح
 للمنتزه اللي قابل فيه ليلي اول مره وفضل يتمشي فيه

يفتكر كل لحظه عدت عليه معاها... يفتكر كل
ابتسامه وضحكه والتفاتة منها.... مش ندمان ابدًا انه حبها
كفايه عليه ذكرياته... كفايه انه داق طعم الحب
وعاشه

فاق ادهم من ذكرياته لقي وقت كثير عدي
بص لكلبه اللي قاعد تحت رجليه
ادهم: الظاهر انه هنكمل انا وانت لوحدهنا يالا لازم نمشي
الكلب بيهو هو

ادهم: عارف عارف انت كمان مش عايز تمشي
نمشي ازاي ونسيب قلبنا هنا بس لازم نمشي
قام ووراه كلبه وبيمشي يقدم رجل ويأخر رجل ويدوب
ركب عربيته تليفونه رن

عند ليلى :
مسكو رجاله الزعيم ليلى وشدوها حاول ابوها يتدخل بس
ضربوه واخوها كمان اتضرب وحمدي واقف بعيد بيتفرج
وشمتان

الزعيم: جميله وتستاھلي الكل يتخانق عليكي انتي



الحلقة الثالثة عشر

الزعيم رفع ايده ويدوب هيضرب ليالي بس اتفاجئ بايد
 مسكت ايده وحد زقه بعيد عن ليالي
 ليالي مستنيه ايده تنزل عليها بس اتفاجئت بيه بيطير
 بعيد عنها رفعت عينها تشوف منين شافته واقف بقامته
 الطويله وقفت واستخبت في حضنه وحست بأمان الدنيا
 كلاها بين ايديه
 ليالي: كنت عارفه انك هتيجي
 استوووب
 فلاش باك
 ام ليالي صعب عليها بنتها وعياطها وقلبها المكسور وقررت
 انها لازم تتدخل
 مسكت تليفون ليالي وقت العصر بعد ما الكل خرج وهيا
 لوحدها في البيت
 جابت رقم ادهم
 ادهم يدوب ركب عربيته تليفونه رن
 ادهم: الو

ام ليلي: الو اهلا يا ابني

ادهم باستغراب: افندم مين بيتكلم؟؟؟

ام ليلي: انا مامت ليلي يا ادهم

قلبه بيدق وهيخرج من مكانه

ام ليلي: الو انت سامعني؟؟

ادهم: ايوه سامع حضرتك اتفضلي

ام ليلي: انا عايزه اسالك سؤال واحد بس امانه عليك

تجاوبني بصراحه

ادهم: اتفضلي وهجاوبك

ام ليلي: انت بتحب ليلي بجد ولا بتحب تعلقها ببيك وقربها

منك وانها اول حد يحبك؟؟؟؟؟

ادهم: انا مش هنكر ان ليلي اول حد يحبني بس اكيد انا

مش هحبها لمجرد انها حبتني!! انا تخطيت الحب من زمان

قوي.. الحب حاجه بسيطه بالنسبه لاحساسى ناحيه ليلي

انا بعشقها انا بتنفس بيها اصلا

ام ليلي: طيب وسيبتها ليه؟؟؟

ادهم: حضرتك اللي بتسالي؟؟

ام ليلي: ايوه بسأل لاني اللي اعرفه اللي بيحب حد مش

بيتخلي عنه ويمشي

ادهم: انا بتخلي عنها؟؟؟ حضرتك مش عارفه رأي جوزك
فيا ولا ايه؟؟

ام ليلي: انا ماليش دعوه برأي حد انا ليا دعوه بتصرفاتك
انت واللي انا شيفاه انك اتخليت عن بنتي وسيبتها ومشيت
لو بتحبها فعلا زي ما بتقول كنت تحارب علشانها مش
تنسحب في اولها كده !!!!

ادهم: احارب مين؟؟؟؟ احارب ابوها؟؟
ام ليلي: تحارب اي حد يقف بينكم مهما كان
ادهم: انا مقدرش ابعدها عن ابوها وخصوصا انه اهم شخص
في حياتها

ام ليلي: انت خايف تحارب وخايف انها تلومك وخايف ان
احساسها ما يكونش حقيقي ويجي يوم تكتشف فيه ده
وعلشان كده بتبعد

ادهم: ايوه فعلا خايف تقدري تلوميني؟؟؟ واحد عمره ما
داق طعم الحب من اي نوع وفجأه ملاك بتعبه عايزاه يعمل
ايه؟؟؟

ام ليلي: يتمسك بالملاك ده ويحاول بقدر الامكان
يخليه جنبه

ادهم: ولو خسره؟؟؟؟

ام ليالي: يبقي عمل كل اللي يقدر عليه علشان يحافظ
عليه وما يندمش ابدًا.... انا قلت كل اللي عندي والكوره
دلوقتي بقت في ملعبك

قفلت التليفون وهو مشاعره في حاله ثوران وحرب انه يرجع
لحبيبته وانه يمشي

والاخر قرر انه يرجع ويمشي مع التيار ويشوف هيوديه

لفين

تعالو نرجع

ليالي رمت نفسها في حضن ادهم واستكانت بين ايديه وهو

قلع قميصه وغطاها بيه

الزعيم: سمعت عنك كثير بس السمع حاجه والحقيقه

حاجه

ادهم: لحد هنا وكفايه نهايتك خلاص

الزعيم: نهايتي؟؟؟ ومين اللي هيمنعني انت؟؟؟ وريني

ادهم: بس كده انت تأمر

ادهم حرك ليالي بعيد ووقف هو يتخانى مع العصابه

كان مسيطر تماما والكل عرف ساعتها هما ليه بعثو راجل

واحد بس قصاد عصابه كامله
 ادهم بدأ يسيطر علي الوضع
 لحد ما الزعيم حس بفشله وخسارته قدام ادهم راح
 ماسك ليلي وخط سكينه علي رقبتها
 الزعيم: لحد هنا وكفايه
 ادهم بصله ووقف اول ما شاف السكينه علي رقبه ليلي
 الزعيم : استسلم وارمي اللي في ايدك يا اما حبيبته القلب
 هتدفع التمن
 استغرب ادهم من كلامه
 الزعيم :اه عارف انها حبيبته ارمي اللي في ايدك
 ادهم رمي اللي في ايده واستسلم وهما بدؤا يضربو فيه وهو
 بيقع ويقف تاني وعنيه علي حبيبته وبس اللي مستعد
 يعمل اي شئ علشان خاطرها
 ابو ليلي بيتفرج ومستغرب هو في حد بيحب حد كده؟
 واحد من العصابه مسك سكينه ودخلها في صدر ادهم
 ليلي صرخت بس الزعيم مسكها وقالها
 الزعيم: طب هو يحبك عادي لكن انتي؟؟؟؟ يا لا خد
 الشروراح
 ادهم وقع علي الارض

وليالي بتعيط وتنادي عليه وهو شريط حياته بيمرقصاده
وكل اللي فاكركه ليالي من اول ابتسامه واول ضحكه وكل
حاجه منها

الزعيم: اهو الظابط بتاعكم اتفرجو عليه بيموت اما انتي
يا حلوه هتكوني ضيفتي تمتعيني
شدها من شعرها وهيا بتصرخ

هنا ادهم وقف وبص للزعيم نظره عمره ما هينساها ابدا
وشد السكينه من صدره ورايح ناحيته الزعيم وكل اللي
بيقف في طريقه بيدبحه او يضربه ورجع زي ما كان اله
للقتل وبس لحد ما وصل للزعيم اللي كان في حاله ذهول
شد ليالي منه وزقها بعيد ومسكه وحط السكينه علي
رقبته ولسه هيدبحه

الزعيم: استني استني انا ماليش ذنب

ادهم: مالکش ذنب؟؟؟؟

ضربه بالقلم وكل جمله بيقولها بضربه قلم

ده: علشان فكرت فيها

وده: علشان ضايقتها

ومسك ذراعاه ولفه وكسره

ودي ايدك الي اتمدت عليها

ويدوب رفع السكينه

الزعيم: ابن عمها هو الي قالي انا ماليش دعوه

ادهم: انت بتخرف؟؟؟

الزعيم: لا مش بخرف.... حمدي هو الي قالي يوم الرحله

وهو الي قالنا علي مكانهم وهو الي زرع المتفجرات

علشان نبعدك كان عارف انك اول ما تسمع اي حاجه عن

ليلي هتجري

ادهم: ودلوقتي هو الي قالك تغتصبها علي الرغم من انه

بيحبها وعاييزها مراته؟؟؟؟ انت كذاب

الزعيم: لا مش كذاب هو فعلا طلب مني اغتصبها لانها

رفضته وكان عاييزها تتذل وتركع تحت رجله وتتطلب

منه يتجوزها هيا وابوها واساله هو الي طلب مني اساله

حمدي: ددددده كددددد داب ما تصدقوش

الزعيم: لا مش كذاب هو الي قالي انك مشيت النهارده

وان الظابط هيجي بكره هو ديما الي كان بيختارلي

البنات علي حسب عداوته وكرهه لشخص معين هو الي

كان بيقولي كل معلومات البلد

الكل بص لحمدى وهو معرفش يتكلم راح جري
 ادهم: حتى لو هو فعلا اللي قالك ده ما يبرأكش لو
 عندك رغبه اخيره قولها
 ويدوب هيدبحه

عم محمود: وقف!!!!!! ايه الفرق بينك وبينهم لو هتقتل
 كل اللي يقف قصادك؟؟ انت رجل قانون اقبض عليه
 وخليه ياخذ حسابه

هنا ادهم سابه والبوليس كان وصل وقبضوا عليه
 ادهم واقف والكل بيصله السكينه رماها من ايده وقعت
 ورنّت علي الارض

ادهم: بلدكم بقت في امان ودوري لحد هنا انتهي
 قال الجملة دي ووقع علي الارض ليلي جريت ومسكته
 ليلي: ادهم علشان خاطري اوعي تسيبني تاني ارجوك
 اوعي

دموعها مغرقه وشها
 ادهم بابتسامه: هشششش ما تعيطيش عمري ما تمنيت
 اكتر من كده... اموت بين ايديكي انتي
 ليلي: ارجوك انا عايزه اعيش معاك ارجوك اوعي

الحلقه الرابعه عشر

ادهم واقف والكل ببصله السكينه رماها من ايده وقعت
ورنت علي الارض

ادهم: بلدكم بقت في امان ودوري لحد هنا انتهي
قال الجملة دي ووقع علي الارض ليلي جريت ومسكته
ليلى: ادهم علشان خاطري اوعي تسبيني تاني ارجوك
اوعي

دموعها مغرقه وشها
ادهم بابتسامه: هشتششش ما تعيطيش عمري ما تمنيت
اكثر من كده... اموت بين ايديكي انتي
ليلى: ارجوك انا عايزه اعيش معاك ارجوك اوعي
تستسلم

ادهم: انا وصلت لآخر طريقي ووصلت لكل اللي بتمناه
وانتي بقيتي في امان دوري خلص اوعديني تعيش حياتك
وتفرحي نيابه عني اوعديني
ليلى: ادهم.....

ادهم: ارجوكي اوعديني لو بتحبيني اوعديني
ليلى: اوعدك

|||||

جدا

عليه واضطر يستسلم قدام اصرارها

ادھم حاول یتکلم بس مقدرش

ليلي: هششش متحاولش تقول اي شئ كل حاجه كويسه
المهم انت بس تقوملي بالسلامه وانا مش هبعد عنك تاني

ابدا

ادهم بيصلها باستغراب

ليلي: ما تستغربش بابا استسلم قدام حبي لبك ومش

هيقدر يبعدني تاني عنك

ادهم غمض عنيه بتعب وهنا دخل الدكتور

الدكتور: الف سلامه عليك يا بطل الحمد لله انت احسن

حاليا وكام يوم وهتسترد صحتك باذن الله المهم بس

ترتاح حاليا ومتحاولش تقوم باي مجهود

يوم وري يوم بيعدي وادهم فعلا صحته بتتحسن وليلي مش

بتفارقه ابدا ابدا والكل بيجي يزوره وهيا بتقابلهم

وكانها مسؤله عنه

حتي ابوها لما بيجي يبص لادهم بنظرات غضب وتحميل

المسؤليه

ادهم مش بيتكلم مع ليلي في اي شئ مهم

لحد ما استرد صحته وبقي يقدر يقف لوحده

ادهم: كفايه لحد كده انا عايز اخرج من هنا

الدكتور: تخرج ازاي انت لسه تعبان؟
 ادهم: لا مش لدرجه اني افضل في المستشفى
 ليلى: مستعجل ليه يا ادهم علي الخروج خليك ك....
 قاطعها ادهم: لا مش هقدر اقعدا اكر من كده النهارده
 هخرج وده اخر كلام

الدكتور: براحتك طالما علي مسؤوليتك
 سابههم الدكتور وخرج
 ليلى: انت مستعجل ليه علي الخروج؟؟
 ادهم: انتي عارفه اني بكره المستشفيات مش هقدر اقعدا
 اكر من كده

ليلى: طيب وهتروح فين لما تخرج؟؟
 ادهم: هسافر مصر
 ليلى: ايه؟؟؟ هتسافر وتسيبني

ادهم: اسيبك؟؟؟؟ ده علي اساس ايه؟ هو انتي معايا
 علشان اسيبك؟؟؟
 ليلى: انا مفارقتكش دقيقه من ساعت ما دخلت المستشفى
 ادهم: ده علشان بس احساس ابوكي بالجميل مش علشان
 تقبل علاقتنا

ليلى: انا ما يفرقش معايا السبب انا يهمني اني معاك وبس

الا اذا انت غيرت رايك وخلاص معدتش عايزني؟؟
 ادهم: معدتش عايزك؟؟؟ في فرق يا ليلي بين الواقع وبين
 اللي انا عايزه

ليلي: بابا مش هيرفض جوازنا دلوقتي
 ادهم: مش هيرفض لانه مجبر مش لانه موافق البلد كلها
 عرفت بعلاقتنا وده في حد ذاته هيجبر ابوكي يوافق
 ليلي: وده المفروض يبسطك مش يضايك
 ادهم: يبسطني؟ ان ابوكي يوافق غصب عنه يبسطني؟؟
 ليلي: اني هكون مراتك ده اللي يبسطك
 ادهم: مش بالطريقه دي

ليلي: هيا دي الطريقه لو عايزني يبقي تقبلاها مش عايزني
 يبقي لو سمحت بلاش تتلكك وقولها صريحه
 ادهم: اتلكك؟؟ انا بعشقك يا ليلي

ليلي: يبقي توافق وتفضل معايا وتيجي تتطلبني من ابويا
 ادهم: وبعد ما اطلبك؟؟

ليلي قربت منه وحطت ايديها حوالين رقبتة
 ليلي: تتجوزني ونعيش انا وانت مع بعض ومحدث يقدر
 يفرقنا تاني

ادهم: وبعد ما نتجوز وتفوقي من الوهم ده وتلاقي نفسك

متجوزه واحد ..

قاطعته ليلي بانها حطت ايدها علي شفايفه

ليلي: متكملش انا عارفه انا عايزه ايه وبحبك وعمري ما

هبطل احبك

ادهم: اتمني ده يا ليلي

ليلي: بكره الايام تثبتلك

خرج ادهم من المستشفى واتقابل مع ابو ليلي

عم محمود: حمد الله على السلامه

ادهم: الله يسلمك

عم محمود: نويت علي ايه؟؟

ادهم: في ايه بالضبط؟

عم محمود: انت اكيد فاهم انا بتكلم عن ايه؟ ولا انت

عايزني اترجاك ولا ايه بالضبط؟

ادهم: لا العضو يا عمي شوف حضرتك عايز تعمل ايه وانا

تحت امرك

عم محمود: اعتقد سبق وقلتلك ما تقوليش يا عمي صح

ولا ايه؟

ادهم بصله باستغراب ووجع وسكت شويه

ادهم: اسف نسيت طب اقول لحضرتك ايه؟

علشان ابقى فاهم بس؟

عم محمود: قولي..... قولي حج محمود

ادهم: حاضر يا حج محمود المهم انا هسافر اكمل علاجي
 واول ما استرد صحتي هرجع وتكلم في التفاصيل ساعتها
 عم محمود: ولو مرجعتش؟

ادهم: وايه اللي هيخليني مش ارجع؟

عم محمود: وانا اعرف مينين ولا اعرفك انت مينين؟ ايه اللي
 يضمنك؟

ادهم: حضرتك عايز ضمان ايه؟

عم محمود: تعمل خطوبه قبل ما تسافر وتلبس دبل وتعلن
 علاقتكم دي

ادهم: وهو ده اللي هيضمنك اني ارجع؟

عم محمود: ده اللي هيحفظ لبنتي كرامتها لو ما رجعتش
 تبقي انت ندل واتخليت عنها والكل ساعتها هيلومك انت

ومش هيحبو سيره ليالي

ادهم: حاضر اللي يريحك هنفذه

عم محمود: هاتلي بقي حد يضمنك

ادهم: يعني ايه حد يضمني؟

عم محمود: حد كبير اقدر اتكلم معاه لو انت اختفيت او

قليت مع بنتي حد كبير

ادهم: ولو معنديش؟؟

عم محمود: هو انت بتستفزني ولا عايز توصل لايه؟

ادهم: لا ولا بستفرك ولا حاجه حاضر هجاك حد

كبير بكره ان شاء الله اخر النهار هنكون عندك بعد

اذنك بقي دلوقتي

مشي ادهم وهو. محتار وخايف واحساسيس كتير متاخبطه

جواه

كلم مديره وكلم ابوه اللي اتبناه صبري وطلب منهم يجو

عنده وشرح لهم الموقف والأتنين رحبوا جدا بالفكره

وراحوله واتفاجأ ادهم ان ساره مرات صبري جايه مع جوزها

دي عمرها ما تقبلته ازاي جايه وليه كمان؟؟ ابنهم جه

معاهم لانه عمره ما اتاخر عن ادهم وراحو كلهم لبيت

ليلي

ادهم كان تعبان وبأيت عليه التعب بس علشان خاطر ليلي

مستعد لاي شئ

ادهم راح ومعاه مديره مدير المخابرات ومعاه صبري ابوه

بالتبني ومعاه اخوه وساره الي استغرب جدا من مجيها
معاهم

هيا جت معاهم لانها بدأت تحب ادهم وتستجدعه وفي نفس
الوقت فضول انها تشوف شكل البنت ايه الي وافقت عليه
ولما شافت الاستغراب باين قوي عليه

ساره: ايه مستغرب ليه هو انت مش زي مصطفى ابني ولا
ايه؟ متستغريش انت تستاهل اكر من كده

ادهم رد بابتسامه عرفان بالجميل
راحو كلهم عند ليلى واستقبلهم اهل ليلى الي كانوا
كلهم متجمعين

طبعا الكل اتصاب بحاله من الذهول لما شافوا جمال ليلى
وده ضايق ابوها لانه مستخسرهما في ادهم وضايق ادهم لانه
كان مستكترها علي نفسه

ساره: ماشاءالله ده ايه الجمال ده؟ كل ده يطلع منك يا
ادهم؟

وبعد الترحاب والسلامات والتعارف بدأ الكلام الجد اول ما
صبري اتكلم

صبري: طبعا احنا جايين هنا علشان نطلب ايد بنتنا ليلى

لابننا المقدم ادهم

عم محمود: اهلا بيكم بس انا عندي كام شرط الاول

صبري: كام شرط؟؟؟ هو الجواز فيه شروط؟؟

ادهم: بعد اذن حضرتك (وبص لابو ليلى) اتفضل قول

شروطك انا سامعك

عم محمود: اولاً تجيبها بيت هنا

صبري ومديره: ازاي يعني؟ هو شغله في القاهرة وحياته

كلها هناك

ادهم قاطعهم: لو سمحتو سيبوه يكمل كلامه لآخر

صبري: بس يا ادهم الكلام باين من اوله

ادهم: معلى لو سمحت اسمع كلامه وشروطه لآخر،

اتفضل يا حج محمود كمل

عم محمود: ثانيا هيدفعها مقدم 100 الف وزيهم شبكه)

الكل بيسمع بذهول)

ليلى قاطعت ابوها: بابا لو سمحت ايه اللي بتقوله ده؟ ماما

قولي حاجه

عم محمود: ده اللي عندي

ام ليلى : ايه يا ابو ليلى اللي انت بتقوله ده من امتي احنا

بنتكلم كده ولا بنهت بالماديات كده؟

محمود: من ساعت ما هو دخل حياتها وقلبها فوقاني تحتاني

وخلي بنتي معندهاش عقل نهائي

ليلي: بابا لو سمحت ...

قاطعها ادهم

ادهم: حضرتك خلصت كده ولا في حاجه تانيه؟

عم محمود: لا لسه فاضل اهم شرط

ادهم: اللي هو؟؟

عم محمود: ليالي هتتجوز هنا وتقعدها هنا في البيت اللي انت

هتجيبه مش هتسافر معاك القاهره

المدير: لا ده كده كتير قوي عايز ترفض ارفض لكن

تخط شروط تعجيزيه بالشكل ده؟

انت واخذ بالك ان المسافه بين القاهره وهنا اكتر من 6

ساعات المفروض يعمل ايه يعني؟

ادهم: في شروط تانيه؟

عم محمود: لا مفيش..... اه نسيت اقول مفيش مؤخر

ساره: وليه بقي؟؟ مش حاطط عليه مؤخر مليون جنيه

مثلا؟؟

ادهم: علشان يسيبلي الباب مفتوح

ساره: باب ايه؟

ادهم: متشغليش بالك انتي

عم محمود: دي شروطي

مصطفي: دي مش شروط دي تطفيش

ليالي: ادهم انت مش مجبر توافق علي الشروط دي ومتخافش

من اي شئ انا معاك

ادهم ابتسم بمرار: طيب انا موافق علي شروطك دي بس

موضوع انها ما تسافرش معايا ده صعب يعني ملوش حل

بالنسبالي انا ما ينفعش اسيب شغلي او اغير مجالي والمسافه

اكبر من اني اقدر اروح واجي؟؟؟

عم محمود: ده اللي عندي قولته لكن تعمل ايه بقي؟ دي

عندك انت

تسافر وتيجي كل يوم؟ تيجي يوم او يومين في الاسبوع؟

تسيب شغلک؟ دي بقي عندك انت

المدير: يعني يسافر ويجي ازاي كل يوم؟ اليوم 24 ساعه

منهم 12 يروحو طريق يشتغل امتي وينام امتي ويشوف

مراته امته؟؟؟؟

عم محمود: مش مشكلتي؟؟

صبري: امال مشكله مين؟ قول كلام معقول علشان نقدر

ننضده

عم محمود: الي عندي قولته

ساره: علي فكره دي حياه بنتك الي انت بتلعب بيها دي

هو انت لما تبعتها عن جوزها ده شئ كويس

ليالي: بابا ارجوك بلاش اخر شرط ده علشان خاطري

ارجوك

عم محمود: علشان خاطرک انا قاعد القعه دي لكن

اکتر من کده اسف

دي شروطي عاجبك علي كده عاجبك مش عاجبك

حياتک وانت حرفيها لكن الي عندي قولته

ادهم كل ده ساكت وبیتفرج عليهم کلهم

كان تعبان لدرجة انه حتي مش قادر يتکلم

صبري: لا طبعا کلامک ما يعجبش حد وفرصه سعيدة ان

احنا اتعرفنا عليكم يالا يا ادهم

ادهم هنا فاق من شروده واخيرا اتکلم

الحلقه الخامسه عشر

ادهم فاق من شروده واخيرا اتكلم

ادهم: مع احترامي لحضراتكم كلکم انا موافق علي

كل شروطه

الكل اتصدم بكلامه حتي ليالي اللي حست بوجعه وانه

مجبر علشان خاطرها

ساره: ولما انت مش هتسمع لكلام حد فينا جايبنا ليه؟

ادهم: مش حكايه مش هسمع.. الحكايه وما فيها ان

حضرته مجبر يوافق علي الجوازه دي لاسباب كتير مش

وقتها حاليا وهو اب بيحب بنته وخايف عليها وشايف ان انا

مش جدير بيها ويمكن يكون عنده حق

صبري: انت اي واحده بتفهم تتمناك

ادهم: متشكر لحضرتك بس الكل بيحكم بالظاهر وانا

وانت عارفين الظواهر بتودي لفين (بص لساره) حضرتك

احتجتي لكام سنه علشان بس تتقبلي انك تتكلمي

معايا علي الرغم اني كنت مجرد عيل مش ممكن يكون

غلط في حياته فاكيد حضرتك لازم تتفهمني موفقه

هو محتاج وقت يتعرف عليا اكثر ويتغلب علي الظاهر

ويشوفني انا كإنسان وانا بديلوه الوقت ده
ولو كل اللي مطلوب اني اسفر 12 ساعه في اليوم هسافرهم
وهعمل اكتر من كده كمان
هو محتاج يحس بالامان ويضمن علي بنته وانا هعمل كل
اللي اقدر عليه علشان احسسه ان بنته في امان معايا
ليالي: ادهم ...

قاطعها ادهم: انا مكمل معاكى لحد ما انتي تكتفي مني
ليالي: انا عمري ما حكتفي منك
ادهم: يبقي انا هعمل اي شئ علشان افضل معاكى
قروا الفاتحه كلهم
هنا خلص الاتفاق واتفقوا علي ان الفرح هيتحدد اول ما
ادهم يلاقي بيت ويجهزه
خلصت القعده والكل روح

ليالي: انا مش هسامحك علي اللي انت بتعمله فيا ده
عم محمود: مش عايز مسامحتك بكره هتشكريني
وتضربي نفسك لما تفوقي من وهمك ده وتشوفي الامور
علي حقيقتها

ليالي: انت بكره اللي هتندم لما تشوف ادهم زي ما انا
شايفاه

سابتة ومشيت وادهم سافر يكمل علاجه وساب لابو ليلى
مهمه انه يلاقي بيت مناسب لبنته

اشتري ابو ليلى ارض في اخر البلد حوالها جنينه كبيره
وبدا يبني فيها

ادهم كل اللي بيعمله انه بيعتله الفلوس اللي بيطلبها..

عدي حوالى شهرين كان البيت اتبني بس لسه تشطيبه

ادهم نزل البلد يشوف ليلى لانها وحشته جدا

خبط علي باب بيتهم وفتحله باباها

ادهم: السلام عليكم ازي حضرتك

عم محمود: وعليكم السلام... جاي تشوف البيت يالا

اوريهولك

ادهم: لو مش يضايك ياريت اشوف صاحبه البيت الاول؟؟

عم محمود: يضايقني وانت عارف كده كويس بس اعمل

ايه ما باليد حيله !!!!

ادهم: لو سمحت يا عم محمود اديني فرصه ...

قاطعاه عم محمود: سبق وقولتلك ما تقوليش عمي ولا

ايه؟

ادهم: بجد؟ حاضر مش هقولك عم محمود اتفضل

نشوف البيت

عم محمود: استني ثواني اغير هدومي

قفل الباب وساب ادهم بره مستنيه

ادهم وقف وسند علي الحيطه وحاسس انه بياخذ خطوه

غلط في حياته بس بيحبها يعمل ايه بقي؟ يستحمل ابوها

شويه لحد ما يبقوا مع بعض وساعتها محدش هيقدر يفرق

بينهم

عم محمود لبس وخارج شافته ليلي

ليلي: انت خارج يا بابا رايح فين؟

عم محمود: رايح بيتك

ابتسمت ليلي: بيتي!!! بس النهارده مفيش عمال هتروح

ليه؟ احنا مستنين ادهم يجي نحدد الالوان والحاجات دي

ابوها مطنش

ليلي: بابا هتروح ليه؟

عم محمود: هوري ادهم البيت

ليلي: ادهم جه وطلعت تجري

رجعت تاني: محدش في اوضه الانتريه هو اتصل بيك وقال

جاي ولا ايه؟

هنا جت امها: مين ده اللي جاي؟

ليلي: بابا بيقول هيروح يوري البيت لادهم وانا بساله هو
فين مش بيرد

ام ليلي: ما ترد يا راجل علي البنت خطيبها فين؟
عم محمود: خطيبها؟

ام ليلي: ايوه خطيبها، مش خلاص قرينا فتحتهم ولا ايه
تبقي خطيبته

ليلي: بابا فين ادهم؟
عم محمود: بره في الشارع

ليلي: انت سايبه بره
بصتله بغيظ وجريت علي بره تشوف حبيبها اللي غايب
بقاله اكثر من شهرين

ام ليلي: بقي تسيب الراجل في الشارع يا اخي ده حتي
كده عيب فين كرمك يا ابو ليلي انت من امتي كده؟

عم محمود: مش عايزه في بيتي انا حر
ام ليلي: ايه؟ ده خطيب بنتك وبكره يبغي جوزها امال
لما يتجوزوا هتعمل ايه هتفضل بابك في وش بنتك

كمان؟؟

عم محمود: ومين قال انهم هيتجوزوا؟؟
ام ليلي: انت بتقول ايه؟ امال بتشتري ارض وبتبني بيت

لمين هو لعب عيال ولا ايه؟ ولا هنصب علي الواد وبتاخذ
فلوسه ولا ايه؟

عم محمود: انتي اتجننتي يا وليه انتي ولا ايه؟ وانا من امتي
بنصب علي حد هاه؟

ام ليلى: امال انت بتقول ايه؟

عم محمود: بقول يمكن بنتك تفوق من وهمها ده وترجع
لعقلها

ام ليلى: تفوق ايه؟ والله لو في حد محتاج يفوق يبقي انت
يا ابو ليلى مش بنتك

تفوق وتشوف الراجل في ادبه واخلاقه وحبه لبنتك وانه
بيتمنالها بس الرضي

عم محمود: يا شيخه اسكتي بس هو كان عمره يحلم
بواحد زي بنتك تبصله ولا تعبهر

المهم هطلع اشوفهم بنتك بره لوحدها معاه

ام ليلى: خطيبها هيا حره

سابها وخرج

ليلى خرجت تجري بره واول ما شافته واقف ساند ظهره علي
الحيطة وباصص للارض وحاطط رجل علي رجل وهو واقف
فكرت ليلى جواها قد ايه هيا بتعشقه وبتحبه وقد ايه

واحشها

لمحها ادهم ورفع راسه وبصلها وابتسم ابتسامه خفيفه

جريت عليه ورمت نفسها في حضنه واتعلقت في رقبته

ليلي: وحشتني وحشتني وحشتني

ادهم شايها لانها متعلقه في رقبته

ادهم: وانت كمان بس لاحظي ان احنا في الشارع واي حد

ممکن يعدي وابوكي كمان ممكن يخرج

ليلي وقفت علي رجليها وبعدت عنه خطوه وكشرت

ليلي: ابوكي ابوكي الناس وبعدين لامتي؟ مش وحشاك

ادهم: واحشاني طبعا وفوق ما تتخلي

اما لامتي فده لحد ما تبقى مراتي

ولازم اعمل اعتبار للناس ولابوكي طالما حاجه غلط

بتحصل

ليلي: غلط؟ اني ارمي نفسي في حضنك ده غلط؟

ادهم: في الشارع اه،، لو ابوكي خرج مش هخلص منه

وانتي عارفه انه بيتلكك اما الناس فطبعا هيتكلمو وانا

مش هقبل حد يتكلم عليكي وعلشان كده مش عايز

ادي فرصه للكلام فهمتي؟

ليلي: بحبك وبحب خوفك عليا ايوه بتخفق منه بس

بحبه

ابتسمت وقربت تاني ووقفت قصاده

بصاها نظره طويله

ادهم: انتي بتقيسي قوه تحملي يعني ولا ايه؟

ليلي: ازاي؟

ادهم: ماهو ما ينفعش تقضي قصادي وتبصيلي كده انا مش

تمثال حضرتك

ليلي: بجد هو انت ممكن تتحرك اصلا؟؟ انا حاسه اني

مهما اعمل عمري ما هخترق جدارك ده اللي انت محاوط

نفسك بيه

ادهم: ليه بتقولي كده؟ ليلي انتي اخترقتي جداري ده من

اول مره عيني جت في عينك

الباقي كله بقي كان حلاوه روح قبل ما اسلم وارفع الرايه

البيضا

ليلي بابتسامه: هو انت استسلمت خلاص؟

ادهم: انتي مش واخده بالك يعني؟ ليلي انا تخطيت الحب

من زمان وحاليا انا بعشقتك

مسك ادهم ايديها الاتنين واتقابلت العيون في حوار صامت

للعشاق

صمت ابلغ من اي كلام ممكن يتقال
 ليالي: اوعي تسيبني ابدًا او ترهق من ابويا فاتسيبني
 ادهم: ما تخافيش لو سيبتك يا ليالي في يوم من الأيام فده
 هيكون بناء علي طلبك وبس
 وابوكي عمره ما هيقدر مهما يعمل يبعدني عنك

متخافيش

ليالي: وعد؟

ادهم: وعد

هنا خرج ابوها

عم محمود: لاحظو ان حضراتكم في الشارع

ليالي: وده غلط مين؟

عم محمود بصلها بغيط

عم محمود: ادخلي جوه وانت يالا علشان تلحق تشوف البيت

قبل ما الدنيا تليل

ليالي: انا جايه معاكم

عم محمود: تيجي تعملي ايه؟

ليالي: مش بيتي ده ولا ايه؟ وبعدين في حاجات عايزه اتفق

معاه عليها.. يالا بينا

راحو البيت اتفرجو عليه واتفقوا علي كل حاجه وخططوا

لكل حاجة

ادهم محشش ابداء ان البيت ده بيته بس ليالي فرحانه بيه
وده اللي يهمه

بس محبش البيت ابداء واتخنى منه

بدأت ليالي تفرجه علي البيت حته حته هو استمتع
بكلامها وحماسها واحلامها الجميله وتخطيطها لكل
حاجه وعجبه ذوقها في الالوان اللي بتقترحها
اما ابوها فكان علي اخره منهم وحس انه لو فضل اكثر
من كده معاهم يتفرج علي بنته وهيا طايره بيه كده
مممكن يتشل او يجرااله حاجه فقعد بره وسابهم مع بعض

يخططوا لبيتهم

ليالي: ايه ساكت ليه؟ في حاجه مش عجاك؟

ادهم: لا يا جميل بس بستمع بحماسك وطريقه

كلامك

ليالي قربت منه بدلع

ليالي: طريقه كلامي بس اللي عجاك؟؟

ادهم: حاليا اه

ليالي ضربته علي صدره: رخم

كشرت ولسه هتبعد راح شاددها عليه وخط ايديه حوالها
 ادهم: انتي عارفه ان كل همسه فيكي عجباني فبتسألني
 ليه؟

ليالي: بحب اسمعك... بحبك لما تتغزل فيا
 ادهم: اتغزل فيكي؟؟ امر وبتحبي ايه كمان؟
 ليالي: بحبك انت اغنيها لك

ادهم: غنيها لي
 ليالي: لعلمك انت بحبك انت.. واداري عنك لحد امتي...
 انت انت بحبك انت
 (اغنيه قديمه لسميره سعيد)

ادهم: سكتي ليه؟
 ليالي: متبقاش طماع هو كده كفايه عايزه اسمعك انت
 بقي... بتوحشني كلك علي بعضك مش صوتك بس
 وبتتقل عليا وتطنشني

ادهم: لا يا قلبي ولا تقل ولا تطنيش الحكاياه وما فيها اني
 بحاول اقلل الاحتكاك بيني وبين ابوكي علي قد ما
 اقدر لكن بعد ما نتجوز

ليالي: ايوه بعد ما نتجوز ايه بقي؟
 ادهم: برضه هفضل اتجنب ابوكي

زفته وراحت بعيد عنه

ليلي: انت بجد بجد رخم... فصلتني يالا نروح

ادهم ابتمس وقربلها ووقف وراها وضمها حط ايديه حوالها

ودفن راسه في شعرها واخذ نفس طويل

ادهم: اه لو تعرفي انا بحبك قد ايه؟

ليلي: سندات عليه بجسمها وضمت ايديه بايدها

ليلي: بتحبني قد ايه؟

ادهم لفها ليه ومسك وشها بايديه الاتنين واختلطت

انفاسهم ببعض

ادهم: بحبك لدرجة اني فقدت اي قدره او سيطره علي

عقلي وبقيت ماشي وري قلبي وبس... بحبك لدرجة بتوقع

قوي.... بحبك بطريقة محدش وصلها قبل كده... انتي

عامله زي الهوا الي بتنفسه ولو اتمنع عني دقائق روحي

تنتهي.... بحبك لدرجة ان بعدك عني معناه نهايتي

فهمتي... ياتري قدرت ولو شويه اوصلك جزء من احساسني

ناحيته

ليلي مقدرتش تنطق او تتحرك او ترد باي كلمه

ادهم: ليلي قولي اي حاجه... فاجئتك بحبي ليكي ولا

ايه؟ قولي اي حاجه

ليلي اخيرا صوتها طلع

ليلي: معنديش غير رد واحد اتمني يكون رد يرضيك

قربت منه قوي وحطت شفايفها علي شفايفه

وغابوا الاتنين في دنيا تانيه

محدث فيهم عرف هما فضلوا قد ايه كده ولا عدي وقت

قد ايه

فاقوا علي صوت ابوها بينادي

عم محمود: ليلي.... انتو فين وبتعملوا ايه؟

الدنيا ليلت

بعدوا عن بعض انفسهم مقطوعه ومحدث فيهم قادر يرد او

حتي عارف يسيطر علي اعصابه

اخيرا ادهم طلع بره

ادهم: نازلين حالا

خرجت ليلي ومسكت ايده ونزلو الاتنين ايديهم مشبكه

في بعض

عم محمود: الدنيا ليلت ولا ايه؟ يالا نمشي

ليلي: حاضر يالا... ادهم هتيجي معانا البيت نتعشي ونسهر

مع بعض او ك؟؟

ادهم: لا معلى اعذريني ورايا كام حاجه كده لازم

اعملهم الليله وقت ثاني

ليالي: كل حاجه تتأجل وتعالا النهارده معايا

ادهم: لو ينفع مكنتش اتأخرت

ليالي: ادهم بقي

عم محمود: ما قالك مش فاضي بطلي لك بقي

ادهم بص ليالي وكأنه بيقولها عرفتي ليه مش هينفع اجي

قضي ادهم يومين في البلد رفض فيها اي عزومه اتوجهته

سواء من بيت ليالي او اي حد

خرج هو و ليالي اتغدوا مع بعض بره بعد الحاح شديد من

ليالي وامها علشان ابوها يوافق

عدت الايام والبيت اخيرا بقي جاهز بس ناقص العفش

ليالي اصرت انها تسافر بنفسها تجيب عفشها وطبعا ابوها

وامها سافروا معاها

وصلوا اخيرا القاهره والمفروض ادهم هيستناهم

وصلو وادهم قابلهم ليالي كانت طايره بحبيبها اللي كان

واحشها جدا وهو كالعاده كابت مشاعره اتقاء لغضب

ابوها

اخذ شنطهم وحطهم في العربية
 ليلى: عربية مين دي؟ كل مره بشوفك بعريه شكل انت
 عندك كام عربيه بالظبط؟
 ادهم: عربيه واحده بس هيا دي... التانين كانوا تبع
 الشغل لكن دي عربيتي
 ليلى: امممم

ادهم: امممم ايه؟ وحشه ولا ايه؟
 ليلى: لا طبعا حد يقول علي دي وحشه!!! بس لايقه
 عليك... جيب فور باي فور لايقين علي بعض ظابط طويل
 عريض ليه هيبه كده وعريه عاليه ضخمه الكل
 يوسعلها في الطريق لايقين علي بعض
 ادهم ابتسم ومامتها كمان لكن ابوها كان هيلع

عم محمود: هنركب في اليوم اللي مش باينله اخر ولا
 هنفضل كده كتير؟؟؟

ادهم: لا طبعا اتفضل حضرتك
 ادهم فتحله الباب اللي قدام بحيث يقعد جنبه
 عم محمود: لا خليها هيا تقعد جنبك لاحسن الضغط
 عالي عليا

ادهم بابتسامه : براحتك

ركب وري جنب مراته وليلي طبعا كانت طايره وفضلت

طول الطريق رغي رغي رغي

ادهم بيسمعها مبتسم زي سيمفونية جميلة وصاهم ادهم

لبيت عم ليالي اللي ساكن في القاهره واصر عمها انه لازم

يدخل الاول

فعلا دخل معاهم بس اتفاجئ ان شقه عم ليالي صغيره جدا

واستغرب هما ازاي هيفضلوا عنده

طلب من ابوها انه يتكلم معاه بره للحظه قبل ما يمشي

فطلعوا بره وليالي خافت ان ابوها يزعل ادهم فخلت مامتها

تتطلع معاهم

ادهم: الشقه صغيره جدا فازاي هتقعدوا فيها كلكم؟؟

عم محمود: اعتقد ده شئ ميخصكش

ام ليالي: ميخصهوش ازاي يعني؟ مش خطيبته دي اللي

خايف علي راحتها؟

عم محمود: خلاص يا ستي علشان راحه خطيبته وراحته

اروح احجزلكم في فندق خمس نجوم ايه راي

سيادتكم؟؟

ادهم: لو سمحت شقتي موجوده وواسعه

عم محمود: امم قولتلي شقتك؟؟؟ وحضرتك عايزني
اجيب خطيبتك تعيش معاك في شقتك صح؟ عايز

الناس تاكل وشي صح؟

ادهم: لا طبعا مش قصدي كده

اولا محدش يقدر يتكلم

ثانيا حضرتك ووالدتها هتكونو موجودين

وبعدين انا هسيب الشقه لحضراتكم الفتره دي مش قضيه

يعني

عم محمود: متشكر علي عرضك الكريم ده

ادهم: انا مش بعزم انا بتكلم بمنطقيه وبعدين المفروض

انكم هتشتروا جهاز ليلي تقدر تقولي الحاجات اللي

هتشتروها هتخطوها فين؟

ام ليلي: والله يا ابني عندك حق

عم محمود: قصدك ايه بقي؟

ام ليلي: قصدي ان شقه اخوك شايله بالعافيه هو ومراته

وعياله واحنا تلاته وكم ان هتشتري عفش البنت.. ادهم

بيتكلم صح

عم محمود: يعني انتي عايزه تروحي شقته؟

ام ليلي: ايوه طبعا نروح وبعدين كلها اسبوعين ويتجوزا

بإذن الله

عم محمود: خلاص انتو حرين

ليالي طبعا كانت واقفه بتسمع واول ما سمعت موافقه ابوها
فضلت تتنطط

اخدهم ادهم وراح بيهم شقته

المنطقه كانت في حي راقى جدا عجبهم كلهم

العماره فخمه من بره

دخلو وطلعوا الاسانسير ووقفوا قدام الشقه

واول ما ادهم فتح الباب اتفاجؤا كلهم



الحلقة السادسة عشر

اخدهم ادهم وراح بيهم شقته
 المنطقة كانت في حي راقى جدا عجبهم كلهم
 العماره فخمه من بره
 دخلو وطلعوا الاسانسير ووقفوا قدام الشقه
 واول ما ادهم فتح الباب اتفاجؤا كلهم
 اتفاجؤا لما لقوا الشقه فخمه جدا
 ليلى: واو دي شقتك يا ادهم؟
 ادهم: عجبتك؟؟؟
 ليلى: عجبتي!! انت بتهزري تحفه زي الشقق اللي بشوفها
 في التلفزيون وبس
 طبعا اتفرجت علي الشقه كلها واكثر حاجه عجبها
 اوضه النوم الرئيسيه بحمامها الخاص والجاكوزي فيه
 والمطبخ لانه كان امريكان مفتوح علي الصاله وعجبها
 البار اللي فيه
 ادهم: كان نفسي تعيشي معايا هنا ...

عم محمود: متنساش اتفارقنا

ادهم: مش ناسيه

عم محمود: ما انت مليونير اهوہ علشان كده مفرقش

معاك المهر والشبكه

ادهم: ولا مليونير ولا حاجه

عم محمود: عربيه موديل السنه وشقه في منطقه راقيه

جدا وعفش بالمنظر ده والبيت اللي بتبنيه وتقولي مش

مليونير

ادهم: ايوه مش مليونير بس مش معدم

اولا الشقه اخدتها من اكثر من 8 سنين كانت الاسعار غير

دلوقتي وبعدين انا راتبي عالي وكل مهمه بطلعها ليها

حساب خاص وكل اصابه عليها تعويض والاهم ان انا مش

من النوع اللي بصرف او ليا اهتمامات ماديه والسنه اللي فات

جددت الشقه والعفش وساعدتني ساره في الموضوع ده

واشترت العربيه لان الفلوس موجوده وملهاش لازمه... اما

البيت والمهر والشبكه والفرش فاعتقد ان بعد الفرع

هبقي جبت اخري خلاص

عم محمود: هتفلس يعني ولا ايه؟

ادهم: مش هفلس بس لان شغلي موجود بس قصدي علي

الحساب في البنك

ليلي: طب احنا ممكن نشترى المهم بس ونوفر
 ادهم: لا يا حبيبتي مش قصدي كده اشترى كل اللي
 نفسك فيه الفلوس رايحه وجايه ما تقلقيش انتي
 المهم اتفضلو في كذا اوضه نوم اللي تعجبكو اتفضلو
 فيها

ليلي: انا هاخذ الاوضه دي تعال معايا
 شدته من دراعه توريه الاوضه اللي عجبته
 ادهم: دي اكر اوضه عجبك؟
 ليلي: اهه... اينعم عايزه اغير الوانها الغامقة دي بس هيا
 اكر حاجة عجباني
 ادهم: دي اوضتي
 ليلي: اوضتك! طب خلاص اسيبها لك

ادهم: لا يا قمر هو انا اطول انك تنامي في اوضتي وبعدين
 اصلا انا هسيب الشقه كلها فنامي انتي هنا
 ليلي: ليه؟ خليك معانا

ادهم: بجد اخليني؟؟ انتي عايزاني انا وابوكي في بيت
 واحد؟؟

عم محمود: ابوها هياكلك يعني ولا ايه؟

اتفاجؤا الاتنين بيه

ادهم: لا طبعا مش القضية بس حضرتك اللي اعترضت
علي وجودي انا وليلي في بيت واحد
ام ليالي: لا يا حبيبي سيبك من الكلام ده انت متخرجش
من بيتك خليك معانا
ادهم: لا معاش

عم محمود: اترجوه شويه وهو يوافق
ادهم: انا مش عايز حد يترجاني.. بس مش عايز مشاكل
مش اكثر

عم محمود: وانا بقي بسبب لسيادتك مشاكل صح؟
ادهم: انا مش عارف اقول لحضرتك ايه؟
ام ليالي: متقولش حاجه ومتخرجش من بيتك واللي ليه
عندنا حاجه يجي ياخدها

ليالي: ايوه يا ادهم خليك وبعدين محسني انك قاعد
طول النهار في البيت؟؟

ادهم: خلاص براحتكم المهم هسيبكم ترتاحو وانا
هرجع شغلي

عم محمود: استني قبل ما تنزل اللي عايز يشرب شاي هنا
يلاقي ولا ينزل يشتري؟؟

ادهم: المطبخ فيه كل حاجة.. تعالي يا ليلى اوريكي
مكان كل حاجة

ليلى بابتسامه: يالا بينا

اخدها المطبخ وعرفها علي اماكن الحاجات الأساسية

ادهم: مالك بتبصلي كده ليه؟

ليلى: عاجبني المطبخ واستيله ذوقك ولا ذوقك مامتك

ادهم: مامتى؟؟ !

ليلى: قصدي ساره مش تعتبر مامتك ولا ايه؟

ادهم: لا ما تعتبرش المهم اغلب عضش الشقه ذوقي هيا

ساعدتني في شرا الحاجه مش اكتروشويه ديكرات

كده

ادي الشاي والسكر والغلايه والميه ايه ثاني؟

ليلى: نسكافيه اهم حاجه النسكافيه

ادهم: اشمعني؟؟

ليلى: انا مدمنه نسكافيه

ادهم: امم قولتيلي وايه كمان؟؟

ليلى: امم الشيكولاته بعشقها يعني بص في اي وقت عايز

تصالحني تطلب حاجه ارشيني علي طول بشكولاته

لیلی: عندک لبن بقي؟

ليلي: خفه انا بشرب النسكاف بالبن

لیلی: لا یا حبیبی سلامتک

قربت لیلي علیه وهو مسک ایدیها

ادھم: وحشتی نی

ليلي: ياااااااااا خيرا افتكرت

ادهم: مش انتي الي دخلتينا محل البقاله اعملك ايه
يعني؟

ليالي: طب خلاص خرجنا من محل البقاله خرينا في المهد...

انت کمان وحشتني قوي

شدها عليه ويدوب هيضمها

عمر محمود: فين الشاي؟

ادهم: جاهز ثواني

ليلي حطت الشاي لابوها وادهم بصلها وهز اكتافه وكأنه

بيقولها مش بايدي وراح على شغله

ابوي ليلي رفض ان ليلي تنام في اوضه ادهم نهائي

ادهم كان بيقضي النهار كله في شغله ويرجع اخر الليل

وينزل بدري جدا

ليلي وابوها وامها بيشتروا جهازها

وادهم بينزل معاهم في الحاجات المطلوب منه وجوده فيها

عم محمود لاحظ ان ادهم ليه هيبه بين الناس وانه محترم

جدا من اللي حواليه

ادهم اي شئ بيعجب ليلي بيشتريه حتي لو غالي

وفي الاجهزه اللي كان بيحبها

عم محمود: انت مش ملاحظ انك بتشتري بزياده

ادهم: ايه اللي بشتريه بزياده؟

عم محمود: الشاشات دي ما كفايه واحده كفايه الكبيره

دي

ادهم: واحده في الصاله والتانيه لاوضه النوم

عم محمود: والتكيفات؟

ادهم: الجو في الصيف حر جدا في بلدكم وبعدين كل

الاجهزه دي لراحه ليلي ولا ايه؟

عم محمود: براحتك انت حر

خلصوا شري العفش وكل حاجه تقريبا

وفي يوم بالليل الكل نايم ليلي صحيت وطلعت تشرب

قابلت ادهم يدوب راجع

ليلي بصوت نعلان: اخيرا جيت؟؟؟

راحت ناحيته واستكانت في حضنه نايمه علي نفسها

خالص

ادهم: انتي هتنامي ولا ايه؟

ليلي: انا نايمه اصلا

ادهم: طيب ادخلي كملي نومك

ليلي: لا عايزه افضل معاك شويه... تعال نقعد شويه في

البلكونه

ادهم: ولو ابوكي صحي؟

ليلي: سيبك من ابويا بقي كلاها بكره وهسافر

ادهم: تعالي

طلعوا البلكونه وفضلو يتكلمو ويتكلمو في اي حاجه

وفي كل حاجه

وسكتو الاتنين مره واحده وبصوا لبعض واتقابلت العيون
المشتاقه في نظره طويله وغابوا الاتنين مع بعض في

لحظات لاتنسي

ليالي همست لادهم: بحبك قوي ومحتاجالك قوي جنبي
وانت علي طول بعيد

ادهم: انا مش بعيد ابدا بس مش عارف قرب حاسس اني
متكتف ومتراقب في كل حركه ابوكي واقفلي

ومستنيالي اي غلطه

ليالي: هانت خلاص

ادهم: بجد هانت؟؟؟

ليالي: اكيد بعد ما نتجوز محدش هيدخل بينا تاني
ادهم: والشرط اللي ابوكي حاطه انك ما تسافريش معايا
هنتصرف فيه ازاي؟

ليالي: هنطنشه ومش هيمنعني ساعتها اجي معاك وبعدين
مالوش حكم عليا بعد ما اتجوزك

ادهم: اتمني ده يحصل لاني مش عارف اصلا ساعتها هعمل
ايه وهبعد عنك ازاي؟

ليالي: متبعدش خليك جنبي ديما

ادهم: ولما تزهقي؟

ليلي: عمرک سمعت عن حد زهق من روحه؟؟

ادهم: وانا روحک؟؟-

ليلي: عندک شک في ده؟ انت روعي وقلبي وحياتي

كلها.. انت اهم حاجه في حياتي فاهم؟ انا من غيرک ولا

حاجه وبيک انت کل حاجه

ضمها ادهم لصدرة

قعدوا جنب بعض وادهم قلع جاکته ولبسهولها وفضلو لحد

الصبح مع بعض ونامو کده

اتفاجئ ادهم بايد علي کتفه بتصحيه

اصحوا اصحوا انتو الاتنين يالا

صحي ادهم وبص لقاها ام ليلي

ام ليلي: اصحوا بقي قبل ما ابوها يطلع ويعمل مشکله

ادهم: صحيت خلاص اهو

ام ليلي: صحي البت دي

ادهم: ليلي ليلي اصحي بقي

ام ليلي: يا بنتي اصحي بقي ابوکي جاي

ليلي: يوه بقي سيبوني انا... اه رقبتني

ام ليلي: بقولک ايه؟ شيلها دخلها اوضتها بسرعه وانا

هدخل لا بوها لحد ما تدخلها ماشي

بصلها ادهم باستغراب

ام ليالي: انت لسه هتبصلي اتحرک ولا مش تقدر تشيلها؟

ابتسمتله وهيا داخله

ام ليالي: متطولش عندها واخرج علي طول

جاوبها بابتسامه وفعلا شالها ودخلها علي سريرها غطاها

ويدوب هيمشي اتشعبطت في رقبته

ليالي: خليك جنبي

ادهم: انتي مصره تودينا في داهيه صح؟

ليالي: انت رخم

ادهم: رخم اه بس عايز اتجوز مش عايز مشاكل قبل الفرح

سيبي رقبتي بقي

ليالي: طب بوسني وانا اسيبك

ادهم: أ..... ابوسك

باسها ادهم علي خدها بوسه خطف كده

ليالي: بجد!!! ده بجد ولا بتهزر؟

ادهم: بهزراوعي بقي

ليالي: طب اطلع بره انا غلطانالك اصلا... انا غلطانه اني

احب واحد زيک

ادهم وقف بسرعه: قصدک ايه بواحد زي؟؟

ليلي استوعبت كلامها وان ادهم حساس جدا

ليلي: مش قصدي الي في بالك ده انا بهزر علي فكره مش

قصدي حاجه يا ادهم

ادهم: ما علينا انا نازل شغلي

ليلي جريت ومسكته من ايده: مش قصدي حاجه انا

بحبك وانت عارف ده كويس انا بس اتضايقت انك عامل

حساب قوي لبابا وخايف منه كده

ادهم: خايف منه؟؟ مين قالک اني خايف منه؟ انا مبخفش

من اي حد علي وجه الارض نهائي فاهمه؟ مبخافش....

لكن في فرق اني اخاف منه او اخاف علي حاجه بين ايديا

حلم جميل او وهم خايف اصحي منه علي كابوس حياتي

انت يا ليلي في ايد ابوكي لسه مش في ايدي وده الي

مخليني عامله حساب مش اكثر

خايف علي زعله علشانک مش عايزک تزعلي منه او

يزعل منك بسببي... مش عايز ابدأ في يوم من الايام

تختلفوا بسببي فاهمه؟

انا اتحرمت من العيله وده احساس ما اتمنھوش لعدوي فما

بالک بحیبیبتی

فهمتی بقي انا خایف من ایه؟ خایف انک تضيعی منی مش

اکتر

لیلی: انا مش هضیع منک ابدًا محدش یقدر یبعدنی عنک

ولو هختار

قاطعها ادهم: ولو فی یوم اتحطیت فی موقف انک تختاری

بینی و بین عیلتک هنسحب من حیاتک وهختار انا نیابه

عنک العیله

لیلی: ادهم ارجوک

ادهم: ارجوکی انتی افهمینی وقدری موقفی

انا اتاخرت علی شغلی بعد اذنک

مسکته: طیب علشان خاطری متمشیش زعلان

ادهم: انا مش زعلان یا لیلی ومش هزعل منک

بس بجد انا اتاخرت

خرج ادهم وما اخدش باله ان ابوها سمع الحوار ده کله

بینهم

عدت الايام واخيرا جه اليوم الموعود

الحلقة الاخيره

اخيرا جه يوم الفرح كل حاجه جاهزه ومضبوطه كل
شيء في مكانه

الناس ما بين فرحان ومستخسر ومستغرب
ليالي طايره من الفرحه هيا وامها واخوتها
ابوها مش عارف يعمل ايه مش عارف ولا قادر يتقبل ادهم
وحاسس انه بيتخلي عن بنته وحاسس انه شايفها قدامه
بنت خمس سنين بفيونكات وبياخدها بيسلمها لوحش
مخيف ضخم... كابوس بيطبق علي صدره كل يوم
بيسلم بنته لوحش خوف مبهم ماليه مش عارف يتخلص
منه

ادهم مرعوب احاسيس كتيره متاخبطه جواه
مش عارف ان كانت الخطوه دي صح ولا غلط
اه هو بيحب ليالي جدا بس كلمه ابوه عماله ترن في عقله
"" انت عمر ما حد هيحبك ابدا وهتفضل مشوه من جواك
ومن براك ""

كان نفسه اي حد يكون جنبه

حد يمسك ايده ويظمنه ويقوله كل حاجه هتبقى
كويسه

بس هو لوحده زي ما طول عمره لوحده

اتصل علي تليفون امه يسمع صوتها

امه: الو مين معايا

ادهم: انا

امه: _____ :

ادهم: ارجوكي انا محتاجك النهارده قوي

امه: _____ :

ادهم: النهارده فرحي علي اجمل بنت في الكون ده

كله..... مش عارف ان كان جوازي منها صح ولا غلط؟؟؟؟

مش عارف اتصرف ازاي؟ خايف اكون اناني وادخلها في

وحدتي وبدال ما هيا تخرجني من عذابى ادخلها انا في

عذاب ما تعرفش تخرج منه

ارجوكي ردي عليا قوليلي اي كلمه

قولي اي حاجه

كوني لمره واحده امي ارجوكي

دمعه متمرده نزلت من عينه غصب عنه

كان عندي امل انك تردي النهارده عليا مش عارف ليه

بس تخيلات انك..... دي كانت اخر مره اكلمك فيها
 اوعدك انك مش هتسمعي صوتي تاني ابدًا اوعدك
 قفل السكه وغمض عليه وقرر انه يمشي الطريق لآخره
 وزى ما يحصل يحصل لانه مهما يحصل عمره ما هيكون
 اسوأ من اللي عدي بيه قبل كده

اتكتب الكتاب خلاص وبعد كتب الكتاب ادهم اتفاجئ

بعم ليلي جايله

عم ليلي: مبروك وربنا يتملككم علي خير

ادهم: الله يبارك فيك

عم ليلي: انا عندي طلب خاص منك

ادهم: اتفضل

عم ليلي: حمدي ابني ارجوك

ادهم: حمدي؟؟؟ حضرتك عارف ان حمدي هربان من

ساعه الحادثه

عم ليلي: ايوه عارف

ادهم: امال حضرتك عايز ايه؟؟ مش فاهم

عم ليلي: انت اللي كنت ماسك القضيه وفي ايدك كل

حاجه

ادهم: مش فاهم برضه حضرتك قصدك ايه؟

عم محمود: انت هنا واحنا بندور عليك هتتاخر

ادهم: لحظه بس

عم محمود: لحظه ايه؟ في ايه هنا؟

ادهم: كنا بنتكلم عن حمدي ولسه عايز افهم ايه

المطلوب مني؟؟

عم محمود لاخوه: وهو ده وقت الكلام عن حمدي

برضه؟؟؟

عم ليلى: ايوه وقته ماهو لو كان ابنك؟؟

عم محمود: وهو مكانش ابني واكتر وكنت هجوزه بنتي

عم ليلى: ومجوزتوش ليه بنتك هاه؟ لو كنت جوزتها له

مكناش حاجه حصلت لكن فضلت رابطه جنبك

ادهم واقف بينهم ساكت وباصص للارض

عم محمود: انا مربوطوش جنبى انا كلامي كان واضح

قولتله لما تخلص كليتها وهيا تقرر بنفسها ما وعدتوش

ابدا

ادهم: اعتقد فعلا ان ده مش وقته

عم ليلى: انت اخدت منه ليلى متاخدش حرите كمان

ادهم: انا ما اخدتش ليلى منه لانها مكانتش معاه اصلا

وحرите مش انا برضه اللي باخدها هو اختار طريقه

بنفسه

عم ليالي: ليالي كانت ليه من وهما عيال صغيره اما طريقه

هو اختاره غلط

ادهم: حضرتك عايز ايه مني بالظبط؟؟

عم ليالي: ميكونش ليه علاقه بالقضيه

ادهم: و حضرتك راك ايه؟؟

عم محمود: ده ابن اخويا عايز يكون راك ايه عيل و غلط

ادهم: و حضراتكم متخيلين اني لو شيلته من القضيه

هيرجع البلد ويعيش عادي فيها

عم ليالي: مش هيرجع البلد هخليه يسافر اي مكان بره

مصر بس مبيقاش مطارد من القانون

ادهم بيص لحماه

عم محمود: متبصليش انا قلتلك انه ابن اخويا لو تقدر

تعمل حاجه اعمالها وسيبه لضميره

ادهم: حاضر هعمل اللي اقدر عليه

مشيوا وراحو ليلي واول ما ادهم شافها اتصدم من جمالها

وسال نفسه سؤال قديم

ينفع مسخ مع ملاك بالشكل ده؟؟

راحو القاعة وادهم ساكت تماما مش بينطق

ليالي: ادهم حبيبي مالک ساکت کده ليه؟

ادهم: ماليش متشغليش بالک

ليالي: طيب في ايه؟ مش عجاك ولا ايه؟

ادهم: مش عجاني؟؟؟؟ مش هرد عليك اصلا

قامو رقصوا ساو مع بعض علي اغنيه برتاح لرامي صبري

اسمعوها

<https://soundcloud.com/agany-ala-mazagak/2013-11>

طلبوا من ادهم يهدي اغنيه ليلي

اهدالها اغنيه سامو زين مش قادر ابعد عنك

<https://soundcloud.com/saykoo74/ss7ew8ugz4ub>

وليالي هديته اغنيه اليسا علي بالي حبيبي

<http://soundcloud.com/alshami-3/2014a-1>

وطول الفرح ليالي بترقص وبتتنطط مع صاحبته وادهم

بيرانق كل الوشوش حواليه وبيقري شفايفهم (هو

كظابط اتعلم يقري حركه الشفايف)

ويراقب ابو ليلى وكل واحد بيباركله بيرمييه بكلمه
 بيراقد اصحابه مستغربين من ليلى
 بيراقد صبرى وساره ومصطفى مين دول اصلا؟؟ دول مجرد
 ناس صعب عليهم دول مش اهل
 بيراقد ويراقب ويراقب
 بيراقد ليلى من بعيد ورده جميله وتخيل نفسه بيرقص

معاها

تخيل نفسه راجل طبعي وسيم عيلته حواليه
 شاف امه وابوه واخته واخوه حواليه بيرقصوا معا
 شاف اصحاب كتير حواليه
 شاف ناس بتحسده على ليلى
 بس فاق لقي نفسه لوحده بعيد حس انه وحيد وحيد جدا
 حس انه غلط اكبر غلطه حس انه غريب عن كل اللي
 حواليه ده

وسال نفسه هو بيعمل ايه هنا؟؟؟

ادهم ادهم ادهم

ادهم: هاه

ليلى: انت فين؟ اللي واخد عقلك تعال يالا

ادهم: ليلى كفايه ارجوكي كفايه كده يالا بينا
 ليلى: لا يا ادهم لسه بدري خلىنا
 ادهم: ارجوكي حسي بيا، انتي عملتي الفرح اهو اللي
 كان نفسك فيه كفايه بقي يالا
 ليلى: اللي كان نفسي فيه؟؟؟ وانت مكنتش عايز فرح
 ادهم: فرح؟؟؟ علشان الناس تتفرج عليا؟؟؟ ارجوكي
 كفايه كده يالا
 ليلى: ادهم في ايه مالك؟؟؟
 ادهم: مالي؟؟؟ انتي بجد مش عارفه مالي؟؟؟
 ليلى: ادهم في ايه؟؟؟
 ادهم: في ايه؟؟؟ تحبي اقولك كل واحد بيقول ايه؟
 بصي يا ستي
 الراجل اللي هناك ده بيقول ازاي القمر ده تتجوز ده؟؟؟
 الستات اللي هناك دول كل واحد بتتصعب عليك
 وعلي بختك المايل؟؟؟
 البنات اللي هناك فرحانين علشان طول عمرك حاطه
 راسك في السما ومش عاجبك حد وبيقولو صومتي
 صومتي وفطرتي علي ده؟؟؟

اما بقي كل واحد بيبارك لابوكي بيواسيه علي حظ
بنته تحبي اقولك زياده ولا كفايه؟؟؟

ليلي قربت منه ومسكت وشه بايديه
ليلي: انت شاغل بالك بكل الناس دي ليه؟ هاه
بصلي انا وبس.... انا بقيت مراتك ومحدث من كل دول
يقدر يبعدنا عن بعض ابداء... بحبك انت وبس بحب كل
مافيك (حطت ايدها علي جرح وشه) حتي ده بحبه
فيك... انا ما يهنيش كل الناس دي واصريت اني اعمل
فرح علشان تعيشه معايا وما تحسش ابداء انك اقل من اي
حد لو اعرف انك هتقعد تراقب الناس كده مكنتش
عملته... ادهم انا بحبك انت وبس بحبك زي ما انت كده
اوعي تعمل لاي حد اعتبار اوعي تسمح لحد يدخل بينا

ادهم: طيب ارجوكي كفايه كده

ليلي: كفايه يالا بينا علي بيتنا

روحو بيتههم ومعاهم الناس بيزفوههم

مامت ليلي وابوها دخلوا معاها البيت

ليلي ومامتها دخلوا اوضه النوم اللي اتفاجؤا ان ادهم فارشها

كلها ورد

مامت ليلي: يا بختك بيه ربنا يسعدك... حافظي عليه يا

ليلي ده هيحطك جوه عنيه

ليلي: عارفه... انا كمان بحبه قوي

بره بقي كان ابو ليلي مع ادهم كانت دماغه بتسترجع
الحوار اللي سمعه بين ادهم وليلي وبيفكر ازاي يستغل اللي

سمعه ده لصالحه

عم محمود: اعتقد كده انتصرت

ادهم: انتصرت؟؟؟ انتصرت في ايه بالظبط؟؟؟

عم محمود: اخدت بنتي مني؟؟؟

ادهم: بس انا مش عايز اخد بنتك منك انا بحبها وبس

وكل اللي نفسي فيه انك تسمحي

قاطعته: اسمحك ايه؟؟ انك تدخل عيلتي وبيتي وتبقي

زي عيل من عيالي صح؟؟

ادهم قلبه بيوجعه: وليه لا؟؟

عم محمود: مش عايز يا اخي هو بالعافيه

ارجوك ارجوك رجعلي بنتي ارجوك

ادهم: انت بتترجي ايه بالظبط؟؟؟

عم محمود: انت اثبت انها بتحبك انت اكرمني

ادهم: انا مش عايز اثبت حاجه انا عايز اعيش معاها وبس
 عم محمود: بكره بعد ما اللمعه تروح واللهفه تروح وتروح
 الغشاوه الي علي عنيا وتشوفك زي ما الكل بيشوفك
 هتعمل ايه؟؟

ادهم: مش عايز افكر في بكره
 عم محمود: طبعا مش عايز تفكر فيه لانك اناني
 مصدقت لقيتها ومسكت فيها ومبتفكرش غير في نفسك
 وبس

ادهم: لا ده مش صح
 عم محمود: لا صح لو كنت بتحبها كنت بعدت عنها
 كنت فكرت في بكره اول ما ليلي تفوق هتبعد عنك
 وهتتحسب عليها جوازه وبس ومش بعيد الناس يقولو غلطت
 معاه علشان كده اتجوزته انت مش هتخسر حاجه لكن

هيا هتخسر كتير هتخسر حياتها سعادتها عيلتها
 ده الي انت عايزه صح انها تبقي زيك؟؟
 ادهم: لا لا انا عمري ما فكرت كده ابد
 عم محمود: امال فكرت في ايه؟ الحياه هتبقي وردي وهيا
 هتفضل عاميه وانا افتحلك بابي؟؟

ادهم بص للارض لان ده تفكيره انه هيبقي هو وليلي عيله

صغيره وممكن تكبر وتعوضه

عم محمود: لا فوق من اوها مڪ دي.... ليلى لو استمرت
معاك هطردها من بيتي وهقفل بابي في وشها هتبري منها
ادهم: لا انت بتحبها

عم محمود: وهيا فضلتك عليا وعندها استعداد تخسرني
عشانك يبقي هبقي عليها ليه علشان كده بترجاك
ترجعلي بنتي

وبعدين اهوه انا واخويا بنتخانق مع بعض بسببك ومن يوم
ما ليلى اتخطبتك مدخلش بيتي العيله هتتفرق بسببك
ادهم: لا مش بسببي انا مليش علاقه باللي حصل
عم محمود: ليلى كانت موافقه علي حمدي ومرفضتوش
غير بعد ظهورك انت في حياتها يبقي ده تسميه ايه؟
ودلوقتي بقي ليلى كمان هتخرج بره العيله
يا ترجعها لي يا تاخدها الليله وتمشي من البلد دي
ومترجعوش تاني ابدًا وانا هنسي اني خلقتها في يوم من
الايام

ادهم: لا كله الا ده اوعي تطردها
عم محمود: انا مش عايزك في حياتها يبقي تختار يا
ترجعها لي يا تاخدها وتمشي؟؟؟؟

ادهم سكت اخيرا فاق من الحلم كان عارف انه هيفوق

بس هو ملحقش يعيش الحلم اصلا

عم محمود: قولت ايه؟؟؟

ادهم: عايزني اعمل ايه؟؟ اطلقها دلوقتي وتاخذها

معاك؟؟؟

عم محمود: لا طبعا انت عايز تفضحني ولا ايه؟

ادهم: امال عايز ايه؟؟

عم محمود: يومين كده وتسافر بحجه شغلك وشهرين ولا

حاجه وتبعاتها ورقتها وهيا مش هتعرف توصلك وشويه

وهتنساک

مهرک وشبکتک هرجعهماک والبيت ده هعوضک عن

تمنه علشان متبقاش خسرت حاجه

ادهم : ههههه شبکتی ومهری؟؟؟ هو ده الی انا هخسره

انت بتحكم عليا ارجع السجن تاني اكمل فيه حياتي

وتقولي شبکتی ومهری

شبکتی ومهری دول بتوع ليلي اعتبره تعويض عن الجوازه

اللي اتحسبت علي بنتک مش عايز حاجه

عم محمود: انا اسف بس مش قادر... شوف واحده غير

ليلي... دي بنتي.... شوف واحده زيک وعيش معاها بس

بلاش بنتي

انا اسف بس اتمنالک ان ربنا يعوضک

طلعت مامت ليلي

ام ليلي: يالا يا ابو ليلي خرينا نسيب العرسان وحدهم

عم محمود: يالا بينا

ام ليلي: خلي بالك من ليلي يا ادهم

ابتسم ادهم ليها

مشيوا وهو فضل مكانه مش عارف يتحرك وليلي مستنياه

يطلع عندها ولما انتظارها طال نزلت عنده كانت قلعت

فستانها ولا بسه روب ابيض طويل

لقتة قاعد في الظلمه

ليلي: حبيبي مالک؟؟؟ استنيتک کثير مش هتبطل التقل

ده بقي ولا ايه؟؟؟

ادهم: _____

ليلي: انت عايزني انا اترجاك ولا ايه؟ تعالي فوق بقي يالا

بتشده من ايده بس هو فضل قاعد مكانه

ليلي: ادهم في ايه؟ مالک؟

ادهم: _____

ليلي: حبيبي في ايه؟؟؟

ادهم: في اني زهقت!!! زهقت من كل حاجه!!! زهقت
منك ومن ابوكي ومن كل حد فاكر نفسه احسن مني
ليلي: ادهم في ايه مالكة؟؟

ادهم: جوازي منك كان اكبر غاطه في حياتي انتي
فاهمه؟؟ جوازي منك غلط

ليلي :: انت بتقول كده ليه؟ في ايه؟؟؟
ادهم: في اني زهقت.... مش عايز جروح تانيه كفايه لحد
كده

ليلي: ادهم انا بحبك
ادهم: وانا مش عايز حبك ده مش عايزه...

ليلي: ادهم ارجوك
ادهم: ترجوني ايه؟ انا الي برجوكي ابعدني ابوس
ايدك ابعدني بقي هو بالعافيه ولا ايه؟؟؟ انا _ مش _
عايزك

فهمتي ولا اقول تاني؟؟ مش عايزك
من يوم ما شفتك وانا كل ما ابعدك عني بترجعي تاني
وبحاول اقنع نفسي اني افضل معاك بس يرجع وابتعد
وانتي تقربي لحد امتي مش عارف؟؟؟ ايه ما بتحسبش
ابعدني بقي كفايه كده مش قادر هتخنق

كنت فاكرا ني هتجوز والحياه هتبقى عادي بس لا

هتخفق مش قادر استحمل

لعلمك يومين وهسافر لوحدي ومش هتشوفي وشي ثاني

وبعدين هبعثلك ورقتك واطلقك

ليالي: ادهم

ادهم: فهمتي؟ خلاص فوقي بقي انتهي كله انتهي.....

بعد اذنك

سابها ومشى وهيا واقضه مذهبوله

بقي هيا دي ليله العمر؟

هيا دي الليله اللي بتحلم بيها من زمان؟

هو ده ادهم اللي حبه وعشقه؟؟

هيا صاحيه ولا ده كابوس وهتصحي منه؟؟

حياتها انتهت من قبل ما تبدأ

اخيرا استوعبت ان ده بجد واخيرا قعدت في الارض تعيط

وتندب حظها

وهنا تكون خلصت حكايتنا
اتمني انها تكون عجبتكم
استنوني في الجزء الثاني من المشوه

مكاوي الكتب